



6

41-c



202
53
Bibliotheca
Coll. Rom.
Societ. Jesu

5-14-C-23

~~22-0-27~~

22

53

22.5.16.

11

11

11





ELOGIA
Quinquaginta
SS. IURISPERITORVM
Auth. Iohanne Roberti
Societ. IESV. S. Theol. Doct.

Leedy M. Natalis. ut et f.
Coll. Rom. Soc. Jesu
B. S.
BIBLIOTEC
ROM
VITTORIO. ED




SANCTORVM
QUINQUAGINTA
IVRIS-PERITORVM
ELOGIA.

Contrapopulare commentum,
DE SOLO IVONE.
publicata.

A R. P. IOHANNES ROBERTI,
Societatis IESV Doct. Theol.



LEODII,
Typis Ioannis Ouwerx Typographi
Sux Celsitudinis iurati, 1632. +
Superiorum permissu.



*Emblematis capiti præfixi
explanatio.*

Effe quis paucos numerare dicet
Iuris, & Legum procures, beati
Incolas cœli, quasi solus Iuo
Sidera tangat?

Cerne quæ gentis series togatæ,
Quanta se tollit pia multitudo
Iura dictantum, numerumque diuum al-
taribus auget?

E sacris illos, reprobante nullo,
Euocat cœli tabulis ROBERTI,
Dissidens plebi, populumque falsis
Dedocet uti

Vocibus; tuti diadema regni
Deferens illis, stabilemque laurum,
Quos apud recto studium forense
Splenduit usu.

Est iter cœlo, dubitate nulli,
Est ab hac merces etiam Palestra,
Nulla si Iuris sibi peierati
Conscia mens est.

Viuit æternis decorata fastis
Multa ciuiles meditata curas

Turba, quam pennâ metuente solui
Fama referuat.

Multa pars, esto, meliora sectans
Fertur ex illis abiisse castris :
Iuris hanc prudentia sanctitatem
Ipsa parabat.

Hæc tot heroûm grauibus coëgit
Infulis doctas radiare frontes,
Hæc FLERONTINVM pariter sacris
Admouet Aris.

Illa sinceros speculata ductus,
Pandit incertæ scopulos carinæ,
Dat facem, ne quis per iniqua ponti
Deuius erret.

Cerne Delphinas procures natantum,
Inter assultus maris æstuosi
Ire securos, rabiemque sæui
Spernere ponti.

Quæ magis tristes miserata casus
Gens opem præstat pelagi ruinis?
Quævè sic nautis aperire tutos
Callida portus?

Hunc gubernator malè sæpè vasto
Prensus Aegeo, sequitur natantem,
Cum latet cœlum, neque certa ducunt
Sidera puppim.

Naufra-

Naufragum pando subit ille dorso,
E suâ quem fors pepulit carinâ,
Ipse iam vector, simul ipse nauta,
Ipse Phaselus.

Ite sacratæ pugiles Themistæ,
Fluctibus diri maris expedite
Consili expertes, faciente nullos
Munere questus.

Sic beatorum populo quiritem
Este conscripti, vice sportularum,
Ampla sic vobis veniant ab vno
Præmia cælo.

HENRICVS D'OVREY
I. V. Licent. Aduocatus.

LICENTIA ADMODVM R.
D. VICARII GENERALIS.

ELogia quinquaginta Sanctorum Iu-
risperitorum, Auctore Reuerendo
admodum Patre IOHANNES ROBERTI
Societatis I E s v Sacerdote, sacræque
Theologiæ Doctore, vtili studio è mo-
numentis antiquitatis desumpta, nihil
continent, quod possit aduersari bonis
moribus aut Fidei Catholicæ. Datum
in ædibus nostris claustralibus hac 7.
Februarij 1632.

IOANNES A CHOKIER,
Canonicus & Vicarius
Generalis Leod.

AD-

ADMODVM REVERENDO,

& multum Illustri Domino,

D. ADRIANO

DE FLERON,

Canonico Leodiensi,

PRAEPOSITO MALBODIENSI,

Protonotario Apostolico,

IURIS VTRIVSQUE

DOCTORI.

HEROAS istos Quinquagenos Tibi offero, ADRIANE, quos non potes non amare, si DEVM, & Te secundum DEVM amas : non potes non reuereri, si Tuam Professionem reuereris. Quippe & DEO pleni sunt, & quos iure dixeris Θεοφόρους : & Tibi viam praeunt, quâ ire pergas, quod coepisti, non ficto nomine Antecessores, siue παροργόμενοι.

Sunt isti veri IURIS SACERDOTES, veri Philosophi, Philosophiam non simulatam, vt Imperator loquitur, affectantes : non vt

LICENTIA ADMODVM R.
D. VICARII GENERALIS.

ELogia quinquaginta Sanctorum Iu-
risperitorum, Auctore Reuerendo
admodum Patre IOHANNES ROBERTI
Societatis I E s v Sacerdote, sacræque
Theologiæ Doctore, vtili studio è mo-
numentis antiquitatis desumpta, nihil
continent, quod possit aduersari bonis
moribus aut Fidei Catholicæ. Datum
in ædibus nostris claustralibus hac 7.
Februarij 1632.

IOANNES A CHOKIER,
Canonicus & Vicarius
Generalis Leod.

AD-

ADMODVM REVERENDO,

& multum Illustri Domino,

D. ADRIANO

DE FLERON,

Canonico Leodiensi,

PRAEPOSITO MALBODIENSI,

Protonotario Apostolico,

IURIS VTRIVSQUE

DOCTORI.

HEROAS *istos Quinquagenos Tibi offero, ADRIANE, quos non potes non amare, si DEVM, & Te secundum DEVM amas : non potes non reuereri, si Tuam Professionem reuereris. Quippe & DEO pleni sunt, & quos iure dixeris Θεοφόροις : & Tibi viam praeunt, quâ ire pergas, quod coepisti, non ficto nomine Antecessores, siue προγόνμενοι.*

Sunt isti veri IURIS SACERDOTES, veri Philosophi, Philosophiam non simulatam, ut Imperator loquitur, affectantes : non ut

EPISTOLA

plerique, barbâ, baculo, & perâ tenuis, & τοῦ
 πρῶτον, μέχρι τοῦ λέγειν: tinnientia crepi-
 tacula, & verbo, vanitatis mancipia.

IUS, à IVVANDO dictum vult Galeo-
 lus Martius. Eiuscemodi IUS sectati hi nostri,
 Per legitimos tramites (eiusdem Imp. ver-
 bis) calumniantium iniquitates expel-
 lentes.

Audierunt ijdem sanctioris Monitoris san-
 ctissimum Interdictum, quo cauet, Ne quis
 quærat fieri Iudex, nisi valeat VIRTU-
 TE IRRUMPERE INIQUITATEM.
 Eccli. 7. v. 6. Non extimuerunt videlicet
 faciem potentis, nec posuerunt scanda-
 lum in æquitate suâ. Ibid.

Neque hac nobis pro arbitrio asserentibus,
 credi volumus. Videantur singulorum Elogia,
 quæ hic damus: & palam erit, nos potius eo-
 rum gloriam obiter attingere, quàm præter
 verum exaggerare; & modestiâ nostrâ (sive
 infantiam dicere mauis) plus deterere, quàm
 timido sermone inflare. Adeo liberaliter, &
 ampliter super horum Scribarum faciem,
 imposuit DEVS honorem suum. Eccli. 10.
 v. 5.

Caterum

DEDICATORIA.

Caterum Quinquaginta exhibemus Sanctos Iurisconsultos: ἀποσδόχῃτων plerisque, & planè παρὰ δόξαν hoc erit, ὅς maxime, qui opinatione parum eruditâ abrepti, vnicum Iuonem, in eâ Professione Sanctum, hætenus existimârunt, eumq̃, postquam calos conscenderit, scalas secum adduxisse dictitarūt, ioco è triuio sumto. Virgilius doctius dixisset:

*Extrema per ipsum
Iustitia excedens terris, vestigia fecit.*

Sed non ita est. Fuit ille omnino magnus Iureconsultus, magnus Sanctus. At dicere solum illum fuisse, hominis est, in Historiâ Ecclesiasticâ planè hospitis, aut pueri. Habuit S. Iuo & ante se multos, quorum exemplis ad sanctitatem incitaretur: & post se non paucos, qui ipsius sectarentur sanctitatem.

Nouum hoc videbitur: sed imperitistantum. Neque tamen vel ab his, vel ab vlllo omnino homine vereor Noui operis Nuntiationem, ne si Prætor quidem adeatur. Quod si quis nuntiare volet, meminerit, sibi iurandum, Non calumniæ causâ Opus Nouū nuntiare: nam ita iubet Imp. ff. de No. Op. Nunt. l. 1. Nec terrear, si quacumque ex

EPISTOLA

causâ, Lapilli iactu, aut ictu meum hoc opus peti videam. Quippe Lapillus tantum erit, isq, quouis piso minor, quouis pumice leuior: à quo proinde nihil incommodi, nedum ruina, timendum Aedificio fundato, & extructo supra firmam Petram Christum Dominum. At quam Petram, & quantam? Meministi Lapidem illum abscissum de Monte, sine manibus, qui factus est Mós magnus, & impleuit vniuersam terram. Dan. 2. Vide iam, an causa sit, vt exigui calculi inertis puimilionis lacerto librati, iactum, aut ictum vereantur, qui tali Lapide nituntur, Sancti nostri Iurisconsulti, ipsi etiam Montes facti, qui vniuersam terram implent gloriâ suâ Sanctitatis, & Eruditionis.

Tu quoque, ADRIANE, Iuris Diuini, atque Humani Consultissime, eodem lapide, eodem Montè, firmus hares. Omnino illius Montis operâ, in quo consistis: & tua diligentia, indefesso studio, & industriâ, ipse Mons factus es, & Ciuitas in Monte posita, aut Ciuitatis illius, (quam Ecclesiam Catholicam esse scimus) è millenis turribus vna. In

DEDICATORIA.

hac turri, siue Propugnaculo, publicè omnibus proposito, praesidium, & tutelam sibi reppererunt haecenus, qui ad illud confugerunt, & consilio, atque operâ adiuti sunt: re ipsâ etiam malis suis saepe erepti, testatibus tot alijs magnis Iurisconsultis, quibus haec Ciuitas, si qua alia in Europa, semper abundauit.

Neque hoc tantum propinqui tui, alijsq; priuatim: sed & publicitus irruentibus calamitatibus idem Propugnaculum sapius oppositum. Testes tot Legationes, ad Magnos, atque adeo ad Maximos, Tibi vel obita, vel tergiuersanti licet, imposita; & successu, qui pro rerum, vel magnitudine, vel difficultate, optimus sperari potuit: praesertim in hac temporum acerbitate.

Hac tamen, quaeque alia sunt eiusdem generis, rectè semper intellexisti, nulla esse, & nihili, nisi ab illo Monte essent, quo niteris, Christo DEO, & Domino nostro. In quo, ut firmior hareres; ut eum, qui Te tanto honore honestauit, impensius honorares: superioribus diebus, cui tot iam antè modis, totus consecratus eras, etiam Sacerdos consecrari uoluisti; ut sacrificio quoque (in quo supremus aeterni Numinis cultus est) quotidiano illi litares.

EPISTOLA

Maſte iſta tot Sanctorum Iuriſperitorum imitatione! ſed in hac exiguâ Tuarum Virtutum cômémoratione obiter delibatâ , diutius herere, non eſt conſilium. Dicebat magnus quidam, nullam melodiam auribus, animoq; ſuo ſuauiore accidere, quàm quâ eius laudes ſcitiffimè, atq; copioſiſſimè canerentur. Tibi contrâ, nulla muſica eſt moleſtior, quàm quæ laudes Tuas vel carptim attingat. Nimirum, inter tot alia Tua ornamenta, Modèſtia fortè eſt præcipuum. Hâc igitur Te ſui ſinam, neque de Tuis laudibus verbum addam.

At Neceſſarios aliquos Tuos ſi attigero, ratio, æquitas, & ipſa Pietas, te agrè audire vetabunt. Scio è Flerontinis Tuis fuiſſe, qui belli gloriâ, & militari fortitudine floruerint. Iſ præteritis, quod huius mei Libelli argumentum monet, tres, quatuorvè commemorabo, qui Iuris ſcientiâ clariſſimi; probitate, vitæ innocentia, publici boni ſtudio, eam ſcientiam ornarunt, illudq; oſtenderunt, quod maximè nobis propoſitum eſt oſtendere, Peritiam Iuris aded Probitem, Sanctitatēq; non excludere, vt altera alteri futura potius ſit, & magnum decus.

DEDICATORIA.

Noui ego, & ut amicos, patronosq; colui
 Patrem tuum Seruatium, & Fratrem Ge-
 rardum, utrumque Iuris Consultissimum, &
 Religionis, ceterarumq; Virtutum laude emi-
 nentem, utrumque è Quatuordecim-viris Iu-
 ri dicundo, questionibus cuiusque generis,
 etiam capitalibus, enucleandis, atque di-
 iudicandis, solemni, & antiquo instituto, præ-
 fectis, quos Scabinos vulgò vocamus, cum
 Pater Principi antea à secretioribus Consilijs
 fuisset. In hoc Scabinorum Tribunali, quàm
 sanctè quàm prudentia, quàm integritate versa-
 ti sint, malim, tum aliorum proborum om-
 nium; tum maximè Collegarum, præsantis-
 simorum virorum, testimonio, quam mea as-
 sertioni, fidem haberi. Ego quidem, nec solus,
 & illum, & istum, Reip. immaturè raptos,
 meritò & dolui, & doleo. Nam etsi Pater,
 cui, annorumq; satur, atque etiam huius la-
 bilis vitæ; ad beatiorē illam aspirabat, quā
 iam malis omnibus defunctum, perfrui, &
 eternum perfruiturum, par est credere: at Pa-
 tria, Ciuitatiq; Leodiensi a quo citius subtra-
 ctum iudicamus, quem illa proprium sibi, ac
 perpetuum, si fieri posset, esse peroptabat. Ipse
 tamen

EPISTOLA

tamen vitæ annos quatuor, & septuaginta, plus satis homini ad cælestia aspiranti ratus, ed anhelus tendebat: & quod facilius scopum attingeret; homo id ætatis sacerdotio initiari festinabat; nescius, se antè Christo aeterno Sacerdoti, in sacratiore Calorum Templo, astiturum, hostiam illo confessu, illo Altari dignam, quàm Hostiam ipse, quam tantopere optabat, offerret. At Tu, Pietatis eius dignus Hæres, etiam Sacerdotij esse voluisti, sacrificium, vel Propitiatorium pro illo, si indigeret; vel Eucharisticum pro eius Gloriâ, oblaturus.

Frater verò cùm annos plures Ciuitati operam Actuarius (Graphiarium dicimus) eius Maximus, publico bono, bonam dedisset: in idem Scabinorum Tribunal cooptatus; non diu quidem (quia Numini aliter visum) sed ea, qua in priore illo Magistratu, industria, illud ornauit: Patrem & vitæ, & commemorabili vitæ fine, sanctè imitatus.

Ingratum silentium sit, si Antonium Libertum, Sororis Tuae maritum, tacitus præteream, mihi, bonisq; omnibus tam amicum; cuius singularem omnium bonarum artium, ac

Iuris

DEDICATORIA.

Iuris imprimis scientiā, qui non deprædicat, vel ignarus, vel liuidus censendus est. Vidit illum Leodiensis Ciuitas Aduocatū peritissimum, ac diligentissimum; Scabini, itidem ut duos priores, Collegam integerrimū: Prouincia tota maximi momenti negotiorum gestorem & gnarum, & gnauum: quotquot eum nōrant acerbo funere raptum doluerūt, tum, cum eius opera publicè priuatimq; necessaria maximè esset. Sed, ne Epistola huius modulum excedam, alios omittam, quos summo iure commemorare possem, & laudare. De his tribus, Patre Tuo, Fratre, & Affine, sine præuaricatione omittere non queo, B. Virgini-Matri sic fuisse addictos, eiusq; Sodalitati, ut non tantum assidui eam frequentarint; sed & eius Præfecturam, summum in ea Magistratum, eius bono, cum laude, gesserint, ac Pater in primis sapius. Non silebo postremò (neque satis piè possim) Auum Tuum Paternum GERARDVM FLERONTINVM, virum à Diuina Prouidentia, & singulari indulgentia Patriæ concessum, ut eius incolomitatem grauißimis consilijs, indefessis laboribus tueretur. Prudentia Christiano-Politica

EPISTOLA

litica cum Religionis studio, grata emulatione, perpetuè in eius pectore, & ore, decertante.

Egit ille quidem Principis in sanctiore Concilio, & Consiliarium, & Aduocatum, quem vocamus Fiscalem, cuius illud maximè munus est, Attendere, ne quid Resp. detrimenti patiatur: sed cum vtrumq; hoc tanti momenti Munus, indefessus exerceret, vrgeretq;: nunquam tamen sibi ipsi satisfaciebat, cum alijs bonis satisfaceret omnibus. Audeo dicere. Debet illi inter multos alios, & præ multis, & Ecclesia, & Ciuitas, Prouinciaq; Leodiensis, cōseruatam hætenus Diuino munere, sartam tectam Religionem Catholicam. Emerferat aliquantò antè illa Religionis publica pestis, Martinus Lutherus, cum suâ Hæresi. Non deerant, qui à vicina cōtagione afflati, & nescio qua nouitatis dulcedine allecti, Leodij eam recipiendam iudicarēt Et iam agebant, vt proponeretur. Præ alijs idoneus visus Fiscalis, eâ autoritate vir, vt populo proponeret: nec inuitus ille eam prouinciam suscepit, fors & ambiuit. Sed ea in proponendo, prudentia Gerardi fuit, vt Proposuisse, fuerit expulisse.

Placetne vobis, inquit, ô Ciues, eam Religionem

DEDICATORIA.

gionem retineri, quam iam inde à sui exordio Ecclesia Leodiensis huc vsque retinuit? quam Maiores vestri perpetuò retinendam iudicarunt? extra quam, nulli salutem sperandam censuerunt? quam ab illis, vestris quoque Minoribus tradendam accepistis? Hic, cum ab omnibus succlamatum esset, Illam, illam, & nullam aliam placere: Decreto inuiolabili facto; Hæreses omnes, cum suis delirantibus Magistris, quam longissimè exulare iussæ sunt, & hætenus damnata exulant. Tanti est, esse, qui DEO plenus, animos dictis regat, & tamquam manu ducat.

Neque mirum fuit, sic alijs propositum, quod altissimè ipse in pectus demiserat, & quo vno, magis, quàm animo suo, vivere videbatur. Obseruarunt, qui illum nôrant, Nunquam magis moueri solitum, quàm cum de Religione, & Fide Catholica agebatur. Cum publico Sacrificio in Cathedrali Sancti Lamberti, aut alia Ecclesia, intereat (quod assiduus faciebat) ardebat ille quidem semper Pietatis sensu, & velut incendio: sed tum maximè flamma erumpebat, cum illa verba, è Symbolo Fidei, decantari de more

EPISTOLA

litica cum Religionis studio, grata emulatione, perpetud in eius pectore, & ore, decertante.

Egit ille quidem Principis in sanctiore Concilio, & Consiliarium, & Aduocatum, quem vocamus Fiscalem, cuius illud maximè muneris est, Attendere, ne quid Resp. detrimenti patiatur: sed cum vtrumq; hoc tanti momenti Munus, indefessus exerceret, vrgeretq;: nunquam tamen sibi ipsi satisfaciebat, cum alijs bonis satisfaceret omnibus. Audeo dicere. Debet illi inter multos alios, & præ multis, & Ecclesia, & Ciuitas, Prouinciaq; Leodiensis, cōseruatam hætenus Diuino munere, sartam teetam Religionem Catholicam. Emerserat aliquantò antè illa Religionis publica pestis, Martinus Lutherus, cum suâ Hæresi. Non deerant, qui à vicina cōtagione afflati, & nescio qua nouitatis dulcedine allecti, Leodij eam recipiendam iudicarēt Et iam agebant, vt proponeretur. Præ alijs idoneus visus Fiscalis, eâ auctoritate vir, vt populo proponeret: nec inuitus ille eam prouinciam suscepit, fors & ambiuit. Sed ea in proponendo, prudentia Gerardi fuit, vt Proposuisse, fuerit expulisse.

Placetne vobis, inquit, ô Ciues, eam Religionem

DEDICATORIA.

gionem retineri, quam iam inde à sui exordio Ecclesia Leodiensis huc vsque retinuit? quam Maiores vestri perpetuò retinendam iudicarunt? extra quam, nulli salutem sperandam censuerunt? quam ab illis, vestris quoque Minoribus tradendam accepistis? Hic, cum ab omnibus succlamatum esset, Illam, illam, & nullam aliam placere: Decreto inuiolabili facto; Hereses omnes, cum suis delirantibus Magistris, quam longissimè exulare iussa sunt, & hæcenus damnata exulant. Tanti est, esse, qui DEO plenus, animos dictis regat, & tamquam manu ducat.

Neque mirum fuit, sic alijs propositum, quod altissimè ipse in pectus demiserat, & quo vno, magis, quàm animo suo, viuere videbatur. Obseruarunt, qui illum nôrant, Nunquam magis moueri solitum, quàm cum de Religione, & Fide Catholica agebatur. Cum publico Sacrificio in Cathedrali Sancti Lamberti, aut alia Ecclesia, intereat (quod assiduus faciebat) ardebat ille quidem semper Pietatis sensu, & velut incendio: sed tum maximè flamma erumpebat, cum illa verba, è Symbolo Fidei, decantari de more

EPISTOLA DEDICAT.

*more audiebat: Vnam, Sanctam, Catholicam,
& Apostolicam Ecclesiam. Quæ non facile au-
ribus hauriebat, quin eadem operâ, lacryma-
rû suauissimarum imbribus oculi manarent.*

*In hoc tali Heroë desinam: cuius Filium,
FRANCISCVM FLERONTINVM, Pa-
truum Tuum, nostra Societas IESV, & varijs
in Collegijs Rectorem; & in Belgica, Præposi-
tum Prouincialem, experta; eius etiam Pru-
dentiam, Diligentiam, Caritatem, ceterasq;
Religiosis dignas Virtutes, probauit, & ma-
turius, quàm vellet, raptum doluit. Nimirum
ab hoc, vt & à Parente tuo, Tu, ADRIANE
Præstantissime, amorem illum hausisti; quo
eamdem Societatem eiusq; filios, & me om-
nium minimû, non sterili affectu, prosequeris.*

*Nos Te vicissim omni veneratione: & ego,
hoc munere, maximo illo quidem, si dimidia-
tam istam SS. Iuris-Consultorum centuriam,
tamquam Castra DEI, consideras: minimo,
& penè nihili, si meam opellam. Tu illos, &
affectum meum; non istam, pro tua humani-
tate, spectabis. Leodij VII. Martij, Anno
Christiano M. DC. XXXII.*

Tuus in Christo Seruus.

IOHANNES ROBERTI.

AEQVO, ET NON LIVIDO
LECTORI,

Æquum iudicium afferre.

SCIO, *quo Seculo viuam, Lector candide.*
Multi sunt nigri; atrâ mente; atrâ sententiâ: qui nisi quod ipsi agunt, nihil rectum putant. In tam paucarum pagellarum Libello erunt non pauca, quae vellicent. His tu mecum placidè, & non pro eorum felle responde.

Principiò, Obijcient, Plerosque ex ijs, quos hic, vt Iurisconsultos proponimus, & vt Sanctos laudamus, fuisse Theologos. Id quidem si crimen, aut nefas est, vicerunt. Habent fatentem reum.

Sed dicito illis, hac non pugnare. Quin & optimè conuenire, & amicè coniurare. Indignentur meritò Medici hoc obiectionis genus, quo illis S. Lucas præcipuum nobilis Professionis decus, & Patrocinium, eripitur. An enim S. Lucas Theologus non fuit? An fortè non Medicus, quia Theologus? Apage. Pueris ista crepundia.

Grauior-

PRAEFATIO

Graviorem arietem se vibrare censebunt, qui ita dictitabunt; Fuerint sanè isti omnes Iureconfulti: at plerique id studium reliquerunt. Et hoc, quid aliud fuit, quàm profiteri, Non posse in eo sanctitatem obtineri, non exerceri? Itane tandem? Tene, Lector, hic aries concutit? Ecce firmote, & iterum adiutorem adduco S. Lucam. Nam hic, quantumvis optimo iure, & Medicus sit, & Medicorum Patronus eximius: Medicina tamen exercitium reliquit, Metaphraсте apud Surium, teste locuplere. Sed Censores istos capiamus in verbis, & sententiâ suâ. Quare ab ijs, fateantur ne, S. Iuonem Iureconsultum Sanctum fuisse, & ab Iureconsultis rectè ut Patronum coli? Annuent videlicet: imo per deridiculum dicent, ut solent, Illum esse solum Sanctum. Atqui ille quoque Iurisprudentiæ suæ exercitium in Theologiæ studium mutavit. Atque ita ille, qui putabatur plumbeus aries, non est nisi Telum imbelles, sine ictu: & plumbum pluma factum est. De Iuone quod dixi, si minus fidem adhibent, videant clarius indicatum, & probatum in hoc libello, num. 42.

AD LECTOREM.

Negari tamen prorsus nequit, inquiunt, Plerosque ex his, quos hic Iurisperitos sanctos producis, sic in Iuris Peritiâ fuisse versatos, ut eam vix obiter attigerint: certè multum exercuisse non constet; constet autem de eâ nihil scripsisse: indeq; aded non videri censendos inter eos, qui iure sic vocentur. Huic rationi hoc rursum oppone, Ad Scripta quod attinet, neminem fore, qui probet, S. Lucam Medicinæ præcepta scripto unquam tradidisse. Porro de Exercitio quod obtendunt; plurimos esse, qui à Medicis, ut suæ Artis collantur, quos nunquam probent, in eo studio diu, multumq; versatos. Id paulo post ita palam faciam, ut nihil sit, quod contrà afferri possit. Atque ecce.

Vixit nostrâ memoriâ Ioannes Molanus, Theologia Professor eximius, quem honoris causa nominatum volo. Hic inter tot alia Scripta, eternâ memoriâ digna, etiam Opusculum elegans edidit, vocabulo, Medicorum Ecclesiasticum Diarium. In hoc, plurimos Sanctos Medicos proponit, & laudat, quos à Medicinæ Professoribus, ut Patronos, meritò coli iubet. In his, ut alios sileam, recenset

censet S. Basilium Magnum, 14. Iunij, & Gregorium Nazianzenum, 9. Maij. Neque aliam causam affert, quàm quòd Medicinæ aliquando studuerint, & in eâ profecerint.

Lubens subibo hanc aleam, ut quiuis, etiã maleuolus, omnes meos Iurisperitos Sanctos percurrat, & studiosè rimetur, sitne vel vnus, qui non maiore ratione inter Iureconsultos numeretur, quàm illi inter Medicos.

Haëtenus satisfacisse ijs videor, qui negent, hos, quos edo, esse Iuridicæ Professionis. Iam verbo vno expediendi, qui negabunt esse Sanctos. Non omnes, inquit, sunt in Ecclesia Canone; siue, ut vulgo loquimur, Non sunt omnes Canonizati.

Responde, Lector, De antiquis quidem (ut sunt Dionysius, Cyprianus, Athanasius) non plus hîc mouendum difficultatis, quàm in quâuis aliâ professione. De recentioribus autem (cuiusmodi Thomas Morus, Salesius, & pauci alij) Sanctos eos proclamant vel Miracula, quibus eos DEVS. nobilitauit: vel doctrina, opera, & tota vita; in quâ qui Sanctitatem non agnoscat, nescire videtur, quid sit

AD LECTOREM.

fit. sanctitas: qui sugillet, parum sanè sanctus ipse fit. Molanus mihi denuo hic laudetur: qui in Diario Ecclesiastico Medicorum, caput integrum habet Kalendis Nouembris, cuius est Epigraphe: Memoria aliquot Medicorum, qui sanctè vixerunt, etsi non sunt Canonizati. In hoc solo capite plures non Canonizatos reperies, quàm inter hos meos quinquaginta. Ut taceam, quòd 31. Iulij totum Ordinem Iesuatorum inter Sanctos Medicos ascribit, quia aquas Medicinales distillant. Nec omittit Ordinem Iesuitarum, quia ægrotis operam impendunt in Xenodochijs, alijsq; locis.

Atque hætenus satis responsum videtur ijs, quæ contra nostros Sanctos Iureconsultos quoquo modo obijci possent.

Addam iam pauca, ex quibus intelligatur, Quid mihi hoc Libello voluerim, & quàm non modo candidè, sed & quàm seridè, & solidè in eo versari mihi proposuerim. Tu, an assecutus sim, candidè item iudicabis.

Potui multo plures tradere Sanctos Iurisperitos: sed nullos his addere visum, ne vel in speciem verè mihi obijci possent, quæ paulò antè, solidè, ut opinor, reieci.

PRAEFATIO

Si Iurisperitis accensuissem S. S. Trinitatem, Christum Dominum, Adamum Protoplastum, Isaiam, Paulum Apostolum, Angelos Custodes: nō minore ratione me tuerer, quā Molanus saepius nominatus, qui eosdem Medicorum suorum numero ascripsit. Si B. Virginem-Matrem addidissem: rationem attulissem, dici ab Ecclesiā Aduocatam nostrā. Et de alijs multis similiter ratiocinari non erat difficile.

Ex veteri Testamento accersere potui Iosue, Eleazarum, Phinees, totq; alios Iudices. Item septuaginta duos Senes, Moysi adiunctos, tamquam Iudices subalternos.

Ex Nouo verò, iure prodire posse videbantur Nicodemus, Gamaliel, Pontifices Rom. complures, qui Iura condiderunt.

Generatim, numerum in immensum auxissent Omnes Sancti, qui Faciunt IUDICIVM conscriptum: nam Gloria hæc est OMNIBVS SANCTIS DEI. Psal. 149. v. ult. Neque magis suos plerosque Medicos Molanus assereret, quā ego hos Omnes. Sed

*Nobis non lubet esse tam beatis,
Qui leges colimus Seueriores.*

Deni-

Denique studio cauendi, ne quem huic Syntagmati infereremus, qui in dubium quoquo modo reuocari posset, eo saltem nomine, quod ab Ecclesiâ necdum inter Sanctos receptus esset: iniuriam penè fecimus, omitteudo tot inuictos Martyres Anglos, Iuris Consultissimos, qui pro Fide, Iustitiâ, & IVRE, totum sanguinem, & vitam ipsam, generosè profuderunt. Sanderum, & alios consule. Pergo.

Multos itidem omisimus magnos Sanctos, qui in Iure claruerunt: sed fortè in solo Canonico, siue Pontificio: cuiusmodi fuit inter ceteros, planè eximius, & planè magnus Sanctus, Antoninus, Archiepiscopus Florentinus, & tot alij. Sed neminem asciscere lubuit, nisi qui in vtroque Iure excelluisset.

Tales fuisse omnes meos, ipso statim initio singulorum Elogiorum, de singulis ita clarè ostendo, vt contentiosi, & ferè rixosi hominis sit, non acquiescere. Id significat, quod ubique appono: ASSERTIO IURISPERITIAE.

Quarat quis, Quos Iurisperitos censeri velimus? An alios prater Aduocatos? Sit

PRAEFATIO

hoc pro responſo, Tales cenſendos, qui ex profeſſo Ius tractarunt: cuiuſmodi ſunt, Legum Conditores: Ij, qui de Iure reſpondent: Aduocati, Procuratores in Cauſis Ciuilibus: Notarij. Item horum in eâdem Profeſſione Adiutores, vel Adminiſtri; quocumque nomine apud varias Nationes vocentur. Neque occlames, me nimis ampliter Vocem eam accipere. Molanus Medicos facit etiam Chirurgos: atque etiam eos, qui egros quâuis operâ iuuant.

Iam de Stylo, ne mirare, ſi varius eſt. Sunt huius rei plures cauſa: quarum Prima, quod ſapè varios Authores facimus loquentes, qui ipſi vario charactere uſi ſunt. Altera, Quod vario tempore iſta conſcripſimus. Anni ſunt plures quindecim, cum ex his tum Antiquos nonnullos; tum recentiores concinnauimus: qui multis annis inter chartas meas iacuerunt, dum interea alijs ſtudijs occupamur eorum penè obliſi, nec de alijs cogitantes. Aliàs deinde, atque aliàs reſumtus alijs aliquot cōſcribendis calamus, iterumq; abiectus. Tanto ſpatio, etate, & ſapius ualitudine mutatâ, nemo prudens miretur, ſi ſcriptis

ptio quoque varia, & sibi dissimilis euasit. Certè de valetudine id profiteri possum: Agnosco ipse eam aliam, atque aliam, dum hoc Opusculum relego: & iam iacentem, aut inclinatam: iam erectiorem, & viuaciorem. Agnosces, Lector, tu idem, si quem harum rerum gustum vnquam hausisti. Imaginem mei videbis in hisce Imaginibus. Tam varia, & tam vario tempore conscriptos sanctos Iureconsultos tandem in ordinem redegi, vt ecce edo.

Ordo pra omnibus placuit, Temporis vt vno velut conspectu appareret, omni auo eam Professionem sanctitate fuisse illustratam.

Fateor tamen primo loco poni debuisse Iobum, quem videbis in tertio. Sed Moyses, vt Legislatur, & Populi DEI tot annos Iudex, visus est idoneus, qui totum Agmen duceret. Et ei honoris, & germanitatis causâ additus est Aaron frater.

Indices aliquot in fine libelli reperies, gratum subsidium ijs, qui vel horum Nationes, vel mortis diem, ac mensem statim scire cõpendio voluerint.

Pauci omnino sunt, quorum Vita exitum
apud

PRAEFATIO AD LECT.

apud nullam Auctorem in reperiire licuit : posuimus tamen, Quando floruerint.

De his monendus, bone Lector, videbaris : neque amplius te moramur.

Imo hoc etiam cape. Siue Iuriconsultus es, siue quidvis aliud, horum sanctitatem admirare, & quâ licebit, imitare.

MOY-





MOYSE
LEGISLATOR, AEGYPTIVS.

ASSERTIO IVRIS PERITIAE.

Philo Iudæus l. i. de Vita Moſis.

MOSES, *ut quidam censent, Legislatoris,*
νομοθέτης: ut alij, Sacrarum Legum Inter-
pretis, ἐρμηνεύτης, vitam scribere est animus.

Idem, lib. 2.

Non solum humani, verum etiam divini

IVRIS PERITVS.

MOYSES ipse, Exod. 18. 16.

Cum acciderit eis aliqua disceptatio, veniunt
ad me, ut IUDICEM inter eos.

VITÆ SUMMA

ALIQVOT CAPITA.

SAT erat hunc Prophetam, hunc Le-
gislatorem, hunc DEI Amicum no-
mine tenus posuisse. Quis enim MOY-
SEN audiat, & de sanctitate dubitet?
Nyssenſus Gregorius, cum eius vitam
scribere decreuiſſet, libri ſui Epigra-
phen illam fecit: *De Vitâ Moſis Legislatoris,*
ſive de perfectione Virtutis. Vides, *ut*

A

Moſis

Mosis conuersationem, & consummatam Virtutem, idem censet? Philo, simili ratione in laude dissimili: *De Vitâ Mosis, hoc est, De Theologiâ, & Prophetiâ.*

Sed taceant isti, taceant homines vniuersi. Ausim decere de Moyse, quod de Domino Moyſis dictum est: *Sibi tacuerint, lapides clamabunt*, (Luc. 19. 40.) Cur non lapides, quando clamarunt, & huius Herois Sanctitatem deprædicarunt alia, quæ in Orbe sunt vniuersa?

Clamarunt nimirum *Celi, Terra, Mare*, eorumque incolæ, & accolæ, dum vel huic Sancto ad nutum obedierunt, vel eius inimicos monstris, prodigijs, supplicijs exagitarunt.

An non clamabat *Fluvius*, cum aquas suas in sanguinem verti, & pisces suos interfici pateretur? An non *Terra*, dum sacrilegos, & rebelles Core, Dathan, Abiron, cum partiarijs suis, aperto per immanem hiatus, ore absorberet? An non *Aer, Ignis, Nubes*, dum ille & vice panis, Manna; & pro obsonio Coturnices suggerit: & ille in Columnam confor-

Formatus, noctes proficiscenti illustrat:
& hæ gratam æstuantî vmbra similî
Columnæ specie, superponunt?

Ibone per alia? nullus sit finis. Nihil
eius se obsequio subtraxit: non magna,
non media, non infima. Tonitrua illi
mugierunt, fulgura vibrarunt, ruit gran-
do, maria secta sunt, bibulæ arenæ arue-
runt, Reges & populi hausti sunt. Ranæ,
Sciniphes, muscæ, locustæ, eo iubente
enatæ sunt, & increpante, evanuerunt.
Quin & pestem, & vlcera, vice carnifi-
cum, in quos voluit, immisit. Et hæc
talìa, & tanta, quod magis stupeas, vilis
illi virga perfecit. quæ etiam, hero proij-
ciente, coluber facta, ignavos Magorum
colubros, momento deuoravit. Sed,
quod antè dicebam, clamatueros lapides,
nonne satis lapis clamavit, cum Petra,
eâdem illâ virgâ percussa aperto ore, to-
tos torrentes, & fluuios euomuit? Dubi-
tet igitur de Moyfi sanctitudine, cui hæc
testimonia non sat multa, non sat graui-
a censebuntur. Sed nimirum nemo erit
tam stolidus, & excors, qui dubitet.

Multò rectius non modò agnoscemus, sed & admirabimur; &, quantum in vnoquoque nostrum opis & virium, DEO tribuente, erit, imitabimur, & cum Antistite Nysseno, ita censebimus, vnus Moyfi exemplum nobis sufficere, *vt sit tanquam è speculâ fax affulgens, vt hos vitæ fluctus absque naufragio superemus, animâq; nostram perturbationum vndis obsessam, in vitæ demergi profundum minimè sinamus, sed in tutissimum virtutis portum deducamus.*

Definam, si dixero, tanti apud ipsum DEVM omnis Sanctitatis Authorẽ fuisse Moysen, vt & infantulum vndis expositum per Reginam seruauerit; & virum à Regum furore, per tot portenta, eripuerit; & mortuum, ipse Rex, & Dominus Exercituum sepelierit, nequicquam de huius filij lucis corpore altercante Diabolo, Rege super omnes filios superbiæ.

Sit illi pro Epitaphio simul, & Trophæo illud è Diuino ore elogium: *Non surrexit vltra Prophetæ in Israël sicut Moyses, quem nosset Dominus facie ad faciem. Deuter. 34. 10.*

Obijt Anno Mundi 2583. Ante Christum, 1470. Ætatis 120. 4. Septemb.

A A R O N

S A C E R D O S M A G N V S,

A E G Y P T I V S.

A S S E R T I O I V R I S P E R.

Moyſes, in Montem aſcenſurus, *Exod.*

24. v. 14. *Habetis AARON, & Hur vobiscum: ſi quid natum fuerit QVÆSTIONIS, referetis ad eos.*

Quantus hic eſt? dicat is, qui tantum illum fecit, & qui nos ſcire, & admirari voluit, dum ita de eo prædicat, *Eccli. 45. v. 8. Statuit ei teſtamentum æternum, & dedit illi Sacerdotium Gentis, & beatificauit illum in gloriâ, & circumcinxit eum zonâ gloriæ, & induit eum ſtolam gloriæ, & coronauit eum in vâſis virtutis. Factum eſt illi in teſtamentum æternum, & ſemini eius ſicut dies cali, fungi Sacerdotio, & habere laudem, & glorificare populum ſuum in nomine eius. Ipſum elegit ab omni viuente, offerre Sacrificium DEO, incenſum, & bonum odorem, in memoriam placare pro populo ſuo: & dedit illi in præceptis ſuis poteſtatem, in teſtamenti iudiciorum, docere Iacob*

testimonia, & in lege suâ lucem dare Israël.

Addam pauca, quæ sparsim legimus in libris Moylis, Fratris eius.

Hoc ipsum quantum est, Fratrem esse illius magni amici DEI? & quidem, cum esset i lo, toto triennio senior, totos 38. annos, tantâ illi demissione subijci, fuit certè ostendere se magnum in humilitate suâ. Maius fortassis hoc ijs, quæ iam indicamus, etsi omnino maxima.

Fuit igitur hic Moylis interpres, & Adiutor in prodigijs illis patrandis, cuiusmodi à condito Orbe, nunquam audita. Huius Virga in Draconem versa, ignavos Magorum colubros deuorauit: atque postea, eadem, tamquam de hostibus deuictis, florëns triumphauit.

Hic aquas in sanguinem mutauit, puluerem in sciniphes, rupem in fontes, & stagna aquarum.

Hic ex paludibus, exercitus, & aggres eduxit importunissimarû ranarum. Hic è cælo, iâ saxa grandinatim euocauit: iam ignes, iam aquas agminatim excussit.

Hic maria diuisit, aggestis vtrimque aqua-

aquarum montibus, inter quos sicco vestigio transijt exercitus piorum, haustus impiorum.

Hic duorum Filiorum acerba funera, vno momento vidit, & constans, tacitusque perpeffus est.

Denique hic ille est Aaron, qui cùm tot annos, tanta fecisset; tam acerba à durissimæ ceruicis Populo, tantâ æquitate animi tulisset; toties pro malis, bona rependisset: iam in ipso ferè limine Terræ illius promissæ, ad quam annos plurimos anhelauerat, vnâ ob culpam, humanitus admissam, ab illâ excluditur; imò & ab ipsâ vitâ, dum DEI iussis lubens, lætusque cedit, & iussus mori (ô Heroem!) emoritur. Vidit aliàs hauriri ab incendio, impios & ingemuit; ignes medios ipse ingressus est, & thus obtulit, vt quos posset, eriperet: ipse à morte hauriendus, tamquam nihil hoc ad eum attineret, Montem, in quo carne exuendus erat, intrepidus ascendit, & ex eo nunquam descendit.

Obijt Anno Mundi 2583. Ante Christum 1470.
Ætatis 123. 1. Iulij.

IOB, PATRIARCHA,
ET PROPHETA,
IDVM AEVS.

ASSERTIO IVRISPER.

Iob de seipſo, cap. 29. ver. 16.

CAVSAM, *quam nesciebam, diligentissimè
inuestigabam.* Optimi Interpretis,
CAVSAM exponunt de LITE FO-
RENSI.

OS aureum Chrysostomus, nunquam
splendidius, nunquam liberalius
Aurum suum exponit, & effundit, quàm
cum de Patientiâ aureâ, cæterisque Vir-
tutibus huius Heroïs agit. Totas Ho-
milias easque plures de hoc argumento,
in ipso reperies. Quin ipsum Iobi ster-
quilinium supra aurum effert, ad quod
visendum, longissimas suscipi peregrina-
tiones à pijs testatur.

Sed nemo de hoc dignè loqui, nemo,
quantum decet, ipsum laudare queat,
præter ipsummet: ac ne ipse quidem,
nisi laudes illi dictaret, & ad vulgan-
das

das eas vrgeret , qui tam laudabilem illum fecerat , Spiritus sanctus. Adeò præter tot alia Virtutum decora, semper illi cordi fuit animi demissio , & humilitas. Audi aliquid de eius Mansuetudine, & erga tenuiores, humanitate : *Auris beatificabat me , eo quòd liberasssem pauperem vociferantem , & pupillum , cui non esset adiutor. Cor viduæ consolatus sum. Oculus fui cæco, & pes claudò. Pater eram pauperum. Ab infantiâ meâ , crevit mecum miseratio , & de utero matris meæ egressa est mecum.*

De Humilitate : Si iustificare me voluero , os meum condemnabit me. Etiam si simplex fuero , hoc ipsum ignorabit anima mea.

De Castitate : Pepigi fœdus cum oculis meis, vt ne cogitarem quidem de virgine.

De Misericordiâ : Si negavi , quod volebant pauperibus , & oculos viduæ expectare feci. Si comedi buccellam meam solus , & non comedit pupillus ex eâ. Si non benedixerunt mihi latera eius, & de velleribus ouium mearum calefactus est.

De Timore, & præsentia DEI: *Semper quasi tumentes super me fluctus, timui DEVM, & pondus eius ferre non potui.*

De Patientia frustra aliquid dicam, cum tota eius vita fuerit Patientia, & idē sit nominare Iob, & dicere Patientem.

De seruatis Dei Mandatis, & generatione de Virtutum omnium cultu, quā præclarum illud! *Vestigia eius (DEI) secutus est pes meus: viam eius custodiui, & non declinaui ex ea. A mandatis labiorum eius non receſsi: & in sinu meo abscondi verba eius.*

Quid illud religiosissimum iuramentum! quod vtinam omnes mortales iurent, & seruent: *VIVIT DEVS: Quia donec superest halitus in me, & spiritus DEI in naribus meis, non loquentur labia mea iniquitatem, nec lingua mea meditabitur mendacium. Donec deficiam, non recedam ab innocentia mea. Iustificationem meam, quā cœpi tenere, non deseram. Neque enim reprehendit me cor meum in OMNI VITA MEA. O verè innocentie PHOENIX! Testetur is, qui illi Innocentiā contulerat:*

Nunquid considerasti servum meum Iob, quod

*quod NON SIT EI SIMILIS IN TERRA?
Homo simplex, & rectus, & recedens à malo?
Quid post tot clades? Adhuc retinens in-
nocentiam.*

Huic admirabili Viro non nimium tri-
buunt, qui eū faciunt *Patriarcham Populi
DEI* extra Populum Israël; qui *Prophetā,
Martyrem, Apostolis parem*, atque adeò sui
seculi *Apostolum, & Euangelistam: Doctorem
Gentium.* & deniq; *Christi figurā, & typum.*

Fuit autem ex genere Abrahę, & Isaac,
sed per Esau, nō per Iacob, senior Moy-
se, cuius anno circiter 80. mortuus est
Senex, & plenus dierum: credibileque
est, cum Christo surrexisse.

Eius breue, & elegans hōc Epitaphiū
accipe ex Pineda nostro.

H O S P E S, A S T A, E T P E L L E G E.

Qui se, qui seclum vicit, qui saeva suorum

Funera, amicorum iurgia, pauperiem:

Vlcera qui carnis, qui coniugis impia verba;

Qui calum iratum mente tulit placidā:

Indomitā virtute I O B V M, Patientia Virgo,

Iam vidua hoc sponsum condidit in tumulo.

Obijt Anno Mundi, 2544, Ante Christum 1509

Ætatis 217. 10. Maij.

DANIEL

PROPHETA PALAESTINVS.

ASSERTIO IURISPER.

Daniel cap. 2. v. 48.

Rex Daniele constituit PRAEFECTVM
MAGISTRATVVM.

Iterum cap. 13. v. 51.

Separate eos ab inuicem procul, & DIIV-
DICABO eos.

Quid ni & hoc Iudicium obires, & quoduis aliud, ô magnum decus *Iudicum* omnium, & *Iurisperitorum*? Nomen quippe tuum sonat vel *Iudicium DEI*, vel *IUDEX DEI*. Ille ipse *DEVS* *suscitauit Spiritum sanctum suum* in te, ad iustè iudicandum. cap. 13. v. 45. Cùm alioqui OMNE verbum *Sapientia*, & *Intellectus* (quis sapiens putet hinc abfuisse scientiam *Politicam*, & cuiusuis *IURIS*?) in te fuerit super cunctos *ariolus* & *magos*, qui erant in vniuerso Regno. cap. 1. v. 20.

DANIEL hic, stirpe Regiâ editus, nec in exilio, nec in seruitute, generosi-
tatem

tatem amisit : quin & per sapientiam suam, Regibus, dominis suis, non modo proximus adhæsit : sed eos admonuit, atque adeo increpuit.

Nabuchodonosor grauiter in DEVM, Regem regum peccauerat: ausus est Daniel horrendam illā denuntiare ei sententiam : *Eijcient te ab hominibus, & cum bestiis, ferisq; erit habitatio tua, & fœnum, vt bos, comedes.* Cap. 4. v. 22. Addit consilium saluberrimum : *Peccata tua eleemosynis redime.*

Cum huius Filio Baltassare Rege, multo acrius egit noster Daniel : *Auersum Dominatorem cœli eleuatus es, inquit, & DEVM, qui habet statum tuum in manu suâ, & omnes vias tuas, non glorificasti.* Tum clarè denuntiat pœnam, quæ eius sceleribus proximè imminebat, nempe, *Diuisum esse Regnum eius, & datum Medis, & Persis.* Cap. 5. v. 23. & 28. quam pœnam statim reipsa expertus est : nam *eâdem nocte est interfectus.*

Porro quàm equo animo ambo hi Reges Danielis sententias tulerint, satis in-

de liquet, quòd & sub priore dignitatem
pristinam retinuerit: & de posteriore
scriptum sit: *Tunc, iubente Rege, indutus
est Daniel purpurâ, & circumdata est tor-
ques aurea collo eius, & pradicatum est de
eo, quod haberet potestatem tertius in regno
suo. Cap. 5. v. 29.*

Sed qui Reges tam habuit benignos,
regios canes expertus est & latratores,
& mordaces. Aulicos dico quosdam in-
uidos, nisi cum Constantino Imp. tales
malis dicere *Palatij tineas, & sorices*; tan-
to peiores sordidis istis animalculis,
quòd & comedant perpetuò, & ferre
non possint, vt alij mensam, cibosve at-
tingant.

Itaque aliàs, quòd *DEVM suum* (*DEVM*
vtique omnium, etiam nolentium) *tri-
bus temporibus per diem oraret obsecratione
suâ*; præcipitem in lacum leonum deturba-
ri curarunt. Quid lucrati? vt tam bonus
*DEVS occluderet ora leonum, neque vlla læ-
sio inueniretur in eo*: improbi verò calum-
niatores, eodem missi, *cum vxoribus, & fi-
lijs*, ab ijsdem famelicis leonibus *arripe-
rentur,*

ventur, & omnia eorum ossa comminuerentur. Cap. 6. Aliàs propter sublatum infame Idolum Bel, eiusque templum destructum; & propter diruptum Draconem stolidorum Babyloniorum deum, iterum septem leonibus prædam esse voverunt. Sed quid obtinuerunt? vt multo clarior euaderet; vt diuinitus, Angeli, & Prophetæ ministerio pasceretur; vt ipsi impij à rabidis feris, *momento deuorarentur*: denique vt, sublati illis infamibus numinibus, triumpharet Daniel, & magis DEVS Danielis, promulgatâ iustissimâ illâ lege:

Paueant omnes habitantes in vniuersâ terrâ DEVM Danielis, quia ipse est Saluator, faciens signa, & mirabilia in terrâ: qui liberauit Danielem de lacu leonum. Cap. 14.

Obijt Anno Mundi 3535. Ante Christum 518.
Ætatis 110. 21. Iulij.

S. HIE-

S. HIEROTHEVS
AREOPAGITA, GRAECVS,
ATHENIENSIS.

ASSERTIO IVRISPER.

Græcorum Menologium
die 4. Octobr.

*Natalis S. Patris nostri HIEROTHEI,
qui fuit vnus è numero Areopagitarum,
qui ab Apostolo Paulo est instructus, vna
cum magno illo Dionysio: cumq; religiose
vixisset migravit ad Dominum.*

Cùm *Areopagitam* audis, fatis audis, vt
Iurisperitum credas. Siquidem, teste
Metaphraste, in vitâ Dionysij, *Areopagita eorum, quæ fiebant, auditores, &
IUDICES præsidebant.*

VITAE CAPITA

PAUCA.

FVit hic HIEROTHEVS Apostoli
Pauli Discipulus, & Filius; Dionysij
Præceptor, & Pater. Hoc si solum dixe-

ro, fatis ampliter dixero ad amplissimã sanctitatem indicandam. Nam è tali Parente, quæ proles nasci potuit, nisi sancta? & talis Filius Patrem alium fuisse, quàm sanctum, quí credam? Sed non desunt alia testimonia. Illud in primis, quod Sanctissimam Virginem DEI Matrem & viuam vidit, audiuitque: & vitã sanctam honorauit; quippe, qui eius exequijs, cum Sanctissimo illo Apostolorum, aliorumq; Christianorum Heroùm cœtu interfuit. Neque quouis modo interfuit. Nam, teste Dionysio, qui & ipse aderat, cum totũ triduum hymni in tantę Matris honorem concinerentur; vnus secundum Apostolos Hierotheus atque adeò ipsis propè par Apostolis, ita excellibat, ita à sensibus rapiebatur, ita mente excedebat, ita diuinis eloquijs, agitante intus Spiritu, ebulliebat, vt cunctis, qui aderant, notis pariter, ignotisq; , prorsus sacro numine correptus & planè diuinus laudator censeretur.

Timotheus quinetiam, ille Pauli discipulus, & geminis ab eo Epistolis honor-

noratus, adeò beatis illis **HIEROTHEI** dictis percitus animo fuit, vt frequenti eorum commemoratione, lubens foueret, refricaretque memoriam.

Qualia censeamus fuisse, quæ Diuinus iste vir Diuinis suis libris posteritati reliquerat? sed damnosa dies sic ea imminuit, vt præter pauca fragmenta, quæ, tamquam ingentis naufragij, miserandas, sed pretiosas reliquias, Dionysius collegit, restet nihil. Erant in ijs libris *Elementa Theologica*, erant *Hymni amatorij*: ex quibus nominibus, quid in voluminibus latuerit, suspicari quadamtenus licet. Dionysij certè ea de illis opinio erat, vt, quæ pauca in sua scripta transtulit, in ijs doctrinæ suæ velut firmissima firmamenta, cum amplissimâ sui illius Præceptoris laude, posita esse velit. Neq; aliter de eius sapientiâ iudicare potuit, aut debuit, de quo, in eo libro, quem de Diuinis Nominibus scriptum reliquit, celebrem illam, & celebratissimam sententiam, velut arcus triûphalis epigraphen exarauit, (cap. 2.)
Quod

Quod fuerit HIEROTHEVS, *ὁ μόνον μαθὼν, ἀλλὰ καὶ παθὼν τὰ θεῖα*, id est, Diuina non modò edoctus, sed & expertus, siue passus. Huic quia nihil maius addere possumus, in eo acquiescamus.

Ex S. Dionysio Areopagita, & HIEROTHEI vitâ, à P. Petro Halloix Societatis nostræ Sacerdote conscriptâ.

Floruit Anno Christi 48. Obijt 4. Octob.

S. DIO-



S. DIONYSIVS
AREOPAGITA, GRAECVS,
ATHENIENSIS.

ASSERTIO IVRISPER.

Metaphrast. in vitâ :

*Eorum, quæ fiebant, Auditores, & IVDICES
presidebant (: Arcopagitæ :) quorum vnus
etiam erat DIONYSIVS, cuius & in di-
cendo, & IVDICANDO, præcipua erant
partes.*

Michaël Syngelus :

*Hic est, qui rectissimâ in iudicando, trutinâ
vsus, eorum, qui Athenis IVS dicebant, ius-
tissimus fuit.*

VITÆ COMPEND.

QUID in Te, ô Magne Galliarum
Apostole, potissimum miremur ?
An diuinam illam sagacitatē, quâ etiam
tum Gentilitatis tenebris circumfusus,
cum ipse quoque Sol, lucis fons, tenebris
ipso meridie obnubebatur, tantâ tamen
luce à Sole Iustitiæ, harum tenebrarum
authore, & illarum dissipatore, illustra-
tus es, vt, ceteris, non magis rei noui-
tate,

tate, quàm suâ ignoratione, attonitis; solus supra humanam cognitionem longè euectus, antè Prophetam, quàm fidelis, exclamares: ἄγνωστος πάσχει Θεός, *Ignotus patitur Deus?* An promptitudinem (dicam, an potiùs ὁρμήν, & impetum) quo Fidem, Religionem, Pietatem arripuisti, cum primùm Magni Pauli vocem, tamquam tubam, aure, & mente hausiisti? An eiusdem Pietatis, Religionisque exercitationem assiduam, quâ precibus intentus, noctes ducebas insomnes; carnem domabas ieiunijs; deteriorem partem præstantiori, id est, pulverem menti subijciebas: ad contemplationis celsitudinem sublatus, ad cælestem claritatem totus euolabas, & in Apostolicis doctrinis, præsentis animo deliciabaris? Hæc videlicet in te videbat Apostolus, cum te Atheniensibus Episcopum primum constitueret, & Patriæ tuæ Parentem. Hæc Apostolicus Pontifex Clemens, cum te & Magistrum crearet, & Gallis Apostolum mitteret, Hæc Religione, hæc Authoritate, hæc animi per-

petuâ



petuâ constantia, immortalia illa facinora patraſti, quæ in te admiratur orbis terrarum. Cui tu orbi, & Gallis in primis tuis, Chriſtum, eiufque doctrinam intuliſti, Cacodæmonû fraudes amouiſti, fidem confirmaviſti, Eccleſias exædificaviſti, atque adeò Chriſti, & tuum ſanctum gregem, ipſi Chriſto Templum effeciſti. Et quid amplius dicam? Domitiano Cæſare, (: Dæmonianum rectius dixerim :) fortior factus, eiufque adminiſtris amentia, & furore illi quam ſimillimis; non modò loquens, & ſtupenda miracula patrans, ac ſic totos populos, tota regna, aurea velut catena trahens; ſed & dira tormenta ſuſtinens, eos ſuperaviſti. Denique eos non modò vius, ſed & moriens, imò mortuus conculcaviſti: cùm tibi ipſi ſuperſtes, ſacroſanctum tuum caput diuinis manibus ſuſtuliviſti, & tamquam trophæum victoriæ tuæ, quo lubuit, aſportaviſti; ac ſic carnifices illos, ſtupore defixos, quavis ſtatua magis mutos reddidiſti. Porro interea dum ſic examine corpus triumphat in terris,

præ-

præliorum loco; quid impolluto illi spiritui putamus in cælis, præmiorum propria sede, triumphum esse decretum? Non dubium à te, tanquam dulcissimum filium exceptum (: vt nihil dicam de DEO filio tuo:) Ô DEI Mater Virgo, qui cum Apostolis, cum Hierotheo Præceptore suo, cum diuino Timotheo, venerandæ dormitioni tuæ adfuerat, & cum iisdem ipse quoque hymnum gloriæ tuæ conuenientem decantârat.

Canamus & nos illi cum Oeco, & , qui ob virtutes Angelus vocatus est, eū, vt Angelum, honoremus, dicamusque: *Aue, qui Christum per Paulum agnouisti. Aue, qui multos ad Christum conueristi. Aue consilij à DEO cogniti specula. Aue liber à DEO inscripte (: Θεοχάρων :*) *mysteriorum thesaure. Aue tabula à Deo formata. Aue gutta amentiam excilians. Aue sepimentum contra impiorum accessum. Aue fax, fideles illustrans. Aue Pater παγκόσμιε, vniuersi mundi. Ora pro nobis. Amen.*

: Ex Menæis Græc. 3. Oct. Metaph. 9. Oct. Suida, Niceph. l. 2. Syngelo, Methodio, siue Metrodoro.

Floruit Anno Christi 48. Obijt 9. Octob.

VETIVS EPAGATHVS,
MARTYR, GALLVS,
LVGDVNENSIS.

ASSERTIO IVRISPER.

Parridicus lib. i. Historiæ Lugdunensis,
cap. 25. ait fuisse Professione IVRIS-
CONSULTVM.

NON satis est, hunc esse Martyrem,
& illustrem Martyrem. Fuit etiam
DVX Martyrum. Quadraginta octo
Lugduni in stadium pro vitæ æternæ
palmâ pugnaturi ingressi sunt. Horum
Antesignanus (teste Gregorio Turon.
lib. i. Histor. Franc. c. 29.) erat noster
Epagathus.

Sed audi Historiam ipsam integram
ab eodem Gregorio descriptam (lib. i.
de Glor. Mart. c. 49.) atque ipsius ver-
bis.

*Quadraginta octo Martyrum nomina, qui
apud Lugdunum passi dicuntur, hæc sunt:*
VETIVS EPAGATHVS, Zacharias,
Ma-




carius, quorum sancta corpora Iudex iniquus igni tradi praecepit, exustisq; in Rhodanum pulueres iussit spargi. Sed postquam haec gesta sunt, cum Christiani mœrorem maximum haberent, quasi deperissent beata Reliquia: nocte apparuerunt viris fidelibus in eo loco, quo igni traditi sunt, stantes integri, ac illasi. Et conuersi ad viros, dixerunt eis: Reliquia nostra ab hoc colligantur loco, quia nullus perijt à nobis. Ex hoc enim translatus sumus ad requiem, quam nobis promisit Rex calorum Christus, pro cuius nomine passi sumus.

Hac renuntiantes viri illi reliquis Christianis, gratias egerunt DEO, & confortati sunt in fide; colligentesq; sacros cineres, edificauerunt Basilicam mirae magnitudinis in eorum honore. Et sepelierunt beata pignora sub sancto Altari; vbi se semper virtutibus manifestis cum DEO habitare declarauerunt.

Locus autem ille, in quo passi sunt, Athanaco vocatur: ideoq; & ipsi Martyres à quibusdam vocantur Athanacenses.

O verè IVRIS PERITVM, qui tam peritè sibi, totq; alijs ostenderit, QUID



IURIS, ubi contra Magnum DEVM pu-
 fillus homuncio, etsi maximus Tyran-
 nus, sacrilegum caput leuat! ô verè Iv-
 RIS-CONSULTVM, qui tam consultò
 de IVRE responderit, tam salubriter
 consuluerit! O verè EPAGATHVM,
 quem tam BONVM, tam multi boni se-
 quuntur, & qui tuis Bonis tot aliorum
 Bona addis!

Imitamini, si sapitis, ô Iurisconsulti
 Christiani, quà vobis posse dabit ipse
 Fons Iuris, ipsa Iustitia Christus, quem
 sic viuens, moriensq; coluit magnus Iu-
 ris, & Iustitiæ cultor EPAGATHVS.
 Huic quisque ex animo dicat:

*Te sequor, ô nostra Gentis decus, inq; tuis nunc
 Fixa pedum pressis pono vestigia plantis.*

Floruit Anno Christi 170. Obijt 2. Iunij.

S. CY-

S. CYPRIANVS
 EPISCOPVS, ET MARTYR,
 CARTAGINENSIS, AFER.
 ASSERTIO IVRIS PER.

Iacobus Pamelius in Vitâ
 Cypriani.

CAVSARVM PATRONVM *etiam aliquamdiu fuisse mihi fit verisimile ex Epistolâ ipsius ad Donatum, vbi verbis vtitur FORO tantum non proprijs.*

SI Virtutibus os esset, & lingua, certatim Cyprianum deprædicarent, in cuius diuino pectore sedem, & thronum sibi singulæ collocauerant. Loquatur earum vicem Pontius tanti Sacærdotis dignus Diaconus, indiuiduus socius, acticum omnium sedulus obseruator, & exilij quoque illius sanctâ ambitione pertiginax affectator.

Inter Fidei suæ primæ rudimēta, nihil aliud credidit DEO dignum, quàm si continentiam tueretur. Tunc enim posse idoneum fieri pectus, & sensum ad plenam veri capacitatem

temperuenire, si concupiscentiam carnis robusto, atque integro sanctimonia vigore calcaret. Quis vnquam tanti miraculi meminit? Nondum secunda natiuitas nouum hominem splendore toto diuinae lucis oculauerat; & iam veteres, ac pristinas tenebras sola lucis paratura vincebat. Præproperâ velocitate pietatis penè ante cœpit perfectus esse, quàm disceret. Nemo metit, statim vt seuit. Nemo vindemiam de nouellis scrobibus expressit. Nemo adhuc vnquam de nouiter plantatis arbusculis matura poma quaesuit. In illo omnia incredibiliter cucurrerunt. Prauenit, si potest dici (res enim fidem non capit) prauenit, inquam, messis sementem, vindemia palmitem, poma radicem.

Præclara ista, & omnino inusitata: sed generalia. Particularia etiam quædam ex eodem referamus. Cùm dixisset, potuisse citius eum sacro Martyrio coronari; sed id non expediuisse, Quia imminens ruina, inquit, ope tam fecundi pectoris indigebat. Finge enim, tunc illum Martyrij dignatione translatus. Quis emolumentum gratia per fidem proficientis ostenderet? Quis
Vir-

*Virgines ad congruentem pudicitia disciplinam, & habitum sanctimoniâ dignum, velut frenis quibusdam lectionis dominica coerce-
ret? Quis doceret pœnitentiam lapsos, verita-
tem Hæreticos, Schismaticos vnitatem, Filios
DEI pacem? Per quem Gentiles blasphemii,
repercussis in se ijs, quæ nobis ingerunt, vin-
cerentur? Quis Martyras tantos exhorta-
tione diuini sermonis erigeret? Quis denique
tot Confessores frontium notatarum secundâ
inscriptione signatos, & ad exemplum Mar-
tyrj superstites reſeruatos, incentiuo tubæ
calestis animaret?*

Præclara iterum ista Pontius de diui-
nis occupationibus Sancti Præſulis, dum
vixit. Sed quid, cum iam vita deferen-
da, & cum meliore commutanda?

Proceſſit, inquit, iam certus expungi, quod
diu fuerat retardatum: proceſſit animo subli-
mi, & erecto, hilaritatem præferens vultu, &
corde virtutem. Legit de tabulâ ſententiam
Iudex, ſententiam glorioſam, in quâ dictus
eſt ſectæ ſuæ Signifer, & Inimicus deorum, &
qui ſuis futurus eſſet ipſe documento, & quod
ſanguine eius inciperet diſciplina ſanciri.

Nihil hâc sententiâ plenius, nihil verius. Omnia quippe quæ dicta sunt, licet à Gentili dicta, diuina sunt. Sed iam ligatis per manus suas oculis, moram carnificis vrgere tentabat. Sic consummatâ passione, perfectum est, vt Cyprianus, qui bonorum omnium fuerat exemplum, etiam sacerdotales coronas, in Africâ primus imbueret, quia & talis esse post Apostolos prior cæperat.

Concludat nobis hoc Elogium Christianus Poëta Aurelius Prudentius Clemens, vt concludit elegantem Hymnū de S. Martyre nostro Cypriano:

*Denique Doctor humi est, idem quoq; Martyr
in supernis:*

Instruit hîc homines; illinc pia dona dat Patronus.

Obijt Anno Christi 259. 14. Septemb.

S. GRE-

31

S. GREGORIUS THAV-
MATVRGVS, GRAECVS,
NEOCAESARIENSIS.

ASSERTIO IVRISPER.

Socrat. lib. 4. Histor. cap. 23. *Beryti* LE-
GES *Gregorius edidicit*. Erat autem Be-
rytus Academia, in quâ Iuris maximè
studium florebat.

Ipse S. GREGOR. THAVMATVRGVS
in Oratione Prosphonicâ, & Pa-
negyrica ad Origenem.

*Quidam ex meis Magistris, Legum non im-
peritus, author mihi fuit, ut, ipso docente,
Romanas LEGES addiscerem. Ego verò
assensus sum.*

Ibidem: *His LEGIBVS eruditus fui.*

De huius SANCTI IVRIS-PERITI san-
ctitate Sanctorum è plurimis pau-
ca Testimonia.

Merito de Sancto Sancti potius lo-
quantur, quàm nos cupidi tantum,
vtinam seridò, sanctitatis.

Horum Sanctorum Testium agmen ducat S. Basilius Magnus, cuius illa sunt fanè splendida (lib. de Spiritu S. cap. 29.)

Gregorium Magnum, & illius voces quo loco ponam? An non cum Apostolis & Prophetis, virum, qui eodem spiritu, quo illi, versatus sit, quiq; Sanctorum vestigijs per omnem vitam inhaeserit, quiq; Euangelica conversationis vigorem, quamdiu vixit, praestiterit? Ille velut insignis, magnaq; lucerna, in Ecclesia DEI resplenduit, qui è Spiritus ope terrorem habuit aduersus Daemonum potestatem. Nam tantam acceperat gratiam ad obedientiam fidei inter Gentes, vt assumptis non plus septemdecim Christianis, vniuersum populum, & urbanum, & rusticanum, per agnitionem adiunxerit DEO. Ille & fluminum cursus in diuersum vertit, precipiens illis in magno nomine Christi: & paludem exsiccauit, belli causam praebentem fratribus auaris. Caterum praedictiones defuturis eiusmodi sunt, vt nihilo sit inferior ceteris Prophetis. Ab ipsis etiam veritatis hostibus alter Moyses appellatus fuit. Hæc de THAVMATVRGO nostro Magnus Basilius.

filius. At Basilij frater Gregorius Nyf-
senus, eiusdem magni Sancti vitam, ac si-
mul encomium ex professo, & accuratè
scripsit: è quâ pauca ista excerpta, pio
Lectori proponimus.

*Cuncti id vnum agebant, vt Magnus ille
apud ipsos maneret, tamquam conditor vir-
tutis, & vitæ legislator futurus. Sed ille modis
omnibus superbia materiam fugit. Idem:
Nihil ei rerum ad vitam necessariarum su-
pererat; non ager, non locus, non domus: sed
omnia ipse sibi erat. Imo verò virtus, & fides
ei patria erat, & sedes, & diuitiæ. Iterum:
Comitibus eius sollicitis, à quibus tecto reci-
peretur, Quid hac, aiebat GREGORIUS,
quasi extra protectionem DEI constituti,
anxij inquiritis? an parua nobis domus DEVS
esse videtur? siquidem per eum viuimus, &
mouemur, & sumus. An arctum caeleste vobis
tectum videtur? & præter hoc, aliud diuer-
sorium queritis? Vna vobis domus cura sit,
quæ videlicet per virtutes edificatur, & in al-
tum tollitur. Hoc attendite, ne hoc habitacu-
lum vobis non paratum, instructumq; sit.*

Nec soli Græci hunc Græcum, Græcè

& Latinè doctum Iurisperitum laudaverunt. Hieronymus Latinus (Epist. 84. ad Magnum Oratorem Romanum) eum *virum Apostolicorum signorum, atque virtutum* vocat. Gregorius Magnus, huius GREGORII item Magni virtutem honorificè memorat, (Lib. I. Dialog. c. 7.) quâ ingentem montem, solâ adhibitâ oratione, & fide longè remouit.

Omittamus alios. Græcum Menologium audiamus, his omnibus maius quid, & longè illustrius, commemorans, illis verbis : GREGORIUS *parentibus natus infidelibus, Fidei Mysteriorum à sanctissimâ DEI genitrice, Ioannē, Theologo* (est hic ipse Euangelista, Virginis filius) *per visionem edoctus fuit.*

In hâc dignatione, Sanctitatis, & Magnitudinis eius modum ponamus.

Obijt Anno Christi 266. 17. Nouemb.

S. G E.

S. GENESIVS
MARTYR ARELATENSIS,
ROMANVS.

ASSERTIO IVRISPER.

B. Paulinus Nolanus Episc. in
Martyrio S. Genesij.

S. GENESIVS *eam officij partem studio, & arte complexus est, quæ PATRONORVM verba vel noua signorum velocitate, vel dextera, sonum vocis æquaret.* Ibid. *Ante Tribunal EXCEPTORIS fungebatur Officio.*

Sinamus Sanctum de Sancto scribere, saiebat S. Thomas Aquinas, cum intelligeret à Sancto Bonaventura scribi vitam Sancti Francisci. Iure idem hinc dicam, sinamque Sanctum Episcopum Paulinum de Genesio Sancto NOTARIO, & Martyre scribere. Mihi satis erit honoris, si eius verba descripsero.

Accidit, vt, cum ante Tribunal, Exceptoris fungeretur officio, iniusto, atque sacrilego mandato persecutionis iussa ederentur, quæ deuo-

deuotus DEO repudiaret auditus, & imprimere ceris manus sancta respueret. Abiectis ergo tabulis antepedes Iudicis, ministerium sacrilegum sacrata iam Domino mens refugit. Et vt in nullo à præceptis Euangelicis actus Martyris deuiarent, quibus declinare persecutionis impetum, vel permittimur, vel iubemur: aliâ atque aliâ, non solum latebrâ, verum etiam ciuitate mutatâ; cum & alio loco scriptum sit, Spiritus quidem promptus est, caro autem infirma: ab irâ se furentis Iudicis paulisper occuluit: Sed iam Dominus, qui per Spiritum Sanctum, futuri Martyris seruabat arcana; subeunda constantiam passionis, vel fecerat, vel videbat: neque patiebatur differri coronam, cum videret, paratam esse victoriam. Itaque percussoribus suis eum obtulit, & ijs, quorum in eundem auda crudelitas inhiabat, ostendit.

Atque is, vbi se perspicit deprehensum instinctu Domini Rhodanum petijt, & sancta fluuio membra committit: vt eum illic à contagione mortali, velut alterius Iordanis undis, occultus Baptista purgaret; & mutuo, alternoq; mysterio, & aquis corpus, & aquas corpore

corpore consecrauit. Atque hac causa profecto extitit, vt natandi adminiculo perueniret: qui exemplo B. Petri ad Christum tendens, per summa gurgitum ambulare potuit.

Transgressum continuò in vltiora fluminis, & subeundi præmij passionis, Christo sponsore securum, eo in loco, quem effusioni sanguinis gloriosi Dominus elegerat, quique nunc oratione assiduâ, & votis nunquam irritis frequetatur, percussor assequitur, exoptatq; gladij ictu, festinantem ad DEVM animam vinculis corporis, quibus tenebatur, absoluit: & utrâq; substantiâ propriæ originis elementa repetente; terrena interim terris membra commendat, & caelestem spiritum emittit ad calum.

Prouiderunt tamen fideles temporis illius DEI serui, vt vtramque fluminis ripam geminatis vrbibus ambiendam, vnius Martyris tutela muniret. Nam in ipso beata passionis loco, consecrati cruoris vestigia relinquentes, in alterum fluuij latus honoratas reliquias transtulerunt: vt vtrobiq; præsens Sanctus Genesius, illic sanguine haberetur, hic corpore.

Obijt Anno Christi 180. 28. Augusti.

S. THEOPHILVS
ADVOCATVS, ET MARTYR,
Cappadox, Cæsariensis.

ASSERTIO IURISPER.

Vita S. Dorotheæ apud
Surium, 6. Febr.

THEOPHILVS, ADVOCATVS *Præfidi*, & infrà: *Scholasticus* THEOPHILVS. Eâ voce, *Aduocatum* significari, ostendit Baronius, in Notis ad Rom. Martyrologium.

*Excerpta de eius Vitâ, & Martyrio,
ex Vitâ S. Dorotheæ.*

AGE Dorothea Virgo fortissima, Martyr castissima: AGE cælestis Horti sponsi tui cultrix, & proma condâ, etiam in immeritos, liberalissima: AGE, mitte THEOPHILO, subsannatori tuo, Rosas, & Poma, vt illi quoque, sicut omnibus, *Christi bonus odor sis*. Maximè, inquit Virgo. Ecce tibi adsunt. Cape THEOPHILE, & noli esse incredulus, sed fidelis.

Ridebas illam, beate Sannio, improbissimo Præsidi, Sapritio, domino tuo, Horti illius delicias, & beatam copiam, deprædicantem. Poposcisti *Flores & fructus*, quos nusquam esse credebas. Adsunt tamen. En vide, en naribus & ori applica, en toto gutture hauri. Hausisti: sed magis Virginis tantorum Dispensatricis donorum, diuinam Potestatem: sed magis Cælestis pueri, dona illa deferentis, Angelicam formositatem: sed magis, & maximè Christi, primi Cultoris, Irrigatoris, incrementi Datoris æternam liberalitatem. Hæc videlicet vicissim te totum hausit, hæc te absorbuit.

Sic igitur absorptus, visis *Rosis*, Cælum, non Terram spirantibus: visis *Malis*, omnem Ambrosiam, omne Nectar saporis castâ illecebrâ superantibus; instar magni Gentium Doctoris, eodem spiritu plenus, exclamas: *Verè DEVS Christus est, & non est vlla simulatio in eo: & iam Martyrium spirans, & sperans, adidis: Beati, qui credunt in Christum, & qui patiuntur pro nomine eius.*

Quæ-

Quænam te hoc schola docuit, ô *Scholastice*? Quis te Doctor ad hæc aduocauit, ô *Aduocate*? Quis, nisi ille ipse Horti sui talis Cultor, qui te in eo fecit cum Zacheo calcare sycomorum, id est fatuam mundi sapientiam?

O beatum *Scholasticum*! beatum discipulum! Annon & beatum Magistrũ? omnino, & ex tempore, tali Magistro. Quid obmurmuras, ô impie Præses Sapriti? Quin audis hunc Didascalum? quin eius sis discipulus, etsi paulo antè eius Dominus? Crede mihi, nunquam sapientius mutaueris sortem. Audi diuinam Lectionem.

Iustum est, vt veritati subscribens, à falsitate animum reuoces. Decet enim, vt qui alios iudicas mentientes, te ipsum à mendacio auferas, & ad eam, quæ est in Christo, te transferas veritatem.

Ringeris? furis? Minaris? in tyrannidem, in supplicia assurgis? Audi aliam Lectionem:

Summa Sapientia hæc est, vt Philosophiam declarem erga omnes affectus meos, & cruciatus

ciatus tuos nihil penitus timeam. O Præceptorem suprema cathedra dignissimum! Decernis tu, Tyranne, illi Eculeū? Eum ipse pro Cathedrâ habet, & ex eo hanc tertiam Lectionem te docet:

Ecce modo factus sum Christianus, quia in Cruce suspensus sum. Gratias tibi ago, Christe, quia in signo tuo leuari me permisisti. Quid tu impie importunam, & stolidam tuam sapientiam ostentas, atq; sic obijcis: Infelix, parce carnibus tuis? quanto ille doctius respondet: Infelix, parce anima tua? Ego enim carnibus meis temporaliter non parco, ut anima æternum parcatur.

Quid tu, cruenta Præses, quid tu ad hæc? Adhibes lateribus vngulas, adhibes ardentes lampades: denique capite eum plecti iubes. At ille ex vngulis, ex ignibus tuis purior emicâs, capiti suo, Deo suo Christo, Victor, & Triumphator adiungitur.

Nunquam hic Causidicus causam vllâ feliciter egit, quàm pro se hanc vltimam.

Cæterum petitos, acceptosque Flores, ac fructus elegantius depictos tibi offero Poëtico penicillo nostri Iacobi Bidermani, lib. 2. Epigr. 4.

Dorothea Theophila rosas è cælo
promittit & mittit.

CAna gelu, & niueis hiemabāt arua pruinis;
Et nemus amissas flebat, & hortus opes:
Cum moritura, crocos & odori lilia prati,
Et placitas ibat carpere Virgo rosas.
Hic Iuuenis risitq; rosas, ridensq; poposcit;
Nec mora, quas risit, quasq; poposcit habet.
Nam puer ex astris, ipsis formosior astris,
Portat odorato munera verna sinu.
Hæc ait, Elysiis tibi lilia mittit ab hortis,
Ah malè ludibrio risa Puella tuo.
Ille probat donū, pueri probat ora; sed hortos
Præ pueri dono, præ pueri ore probat.
Parcetuas iā, Virgo, rosas mihi mittere, dixit,
Cernere tota horti malo roseta tui.
Dixit & in strictos benè credulus irruit enses,
Aestiuumq; subit cælo hiemante nemus.
Res noua! qui flores astrorum risit, & hortos;
Huic iubet offensum Numen vtrosq; dari.
Ergone iā luimus, cū spreta capeßimus? inquit;
O vtinam, quisquis spreuerit astra, luat.

Obijt Anno Christi 300. 6. Februar.

S. PHI-

S. PHILOGONIUS
EPISCOPVS, GRAECVS,
ANTIOCHENS.

ASSERTIO IURISPER.

Martyrologium Rom. die
20. Decemb.

*Antiochia natalis Sancti PHILOGONII
Episcopi, qui ex CAVSIDICO, ad eam
Ecclesiam regendam, DEI nutu accersitus,
aduersus Arium, vnà cum Sancto Ale-
xandro Episcopo, & socijs, primum pro fi-
de Catholicâ certamen inijt, clarusq; me-
ritis, quieuit in Domino: cuius annuam
festiuitatem S. Ioannes Chrysostomus præ-
claro encomio celebravit.*

HOc publicarum Ecclesiæ Tabula-
rum tam nobili Testimonio, non
tantum vides, fuisse *Iurisconsultum*; ve-
rum etiam Elogium huius Sancti habes,
quo maius non expectes. Quantum enim
est, DEI nutu accersiri ad tam nobilem
Ecclesiam regendam! Quantum, aduersus
funestissimum Hæresiarcham Arium nō
mo-

modo *pro fide Catholicâ inire certamen*; sed primum, sed cum talibus socijs! Quantum, meritis clarum quiescere in Domino! Quantum, à Chrysostomo laudari, tam laudato viro! Ex ipso tamen Aurei oris sermone, hæc pauca de S. Philogonio accipe.

Vbi DEVS suo suffragio aliquem designauerit, illaq; manus sanctum contigerit caput: incorruptum suffragium, alienum ab omni suspitione iudicium, indubitata fuerit delecti comprobatio, propter eius, qui delegit, auctoritatem. Porro, quod elegerit eum DEVS, vel ex ipsâ morum integritate perspicuum est: quippe quem ex medio abreptum FORO, ad thronum hunc euexerit. Adeo castam, & insignem prius egit vitam, cum vxorem haberet, & filiam, & in FORENSIBVS negotijs versaretur; adeo Solem ipsum splendore vicit, vt protinus ab illo gesto, hoc Magistratu dignus videretur, & à tribunali ad tribunal euectus sit. Ac tum quidem hominibus patrocinabatur aduersus homines, qui struebant insidias, eos, qui afficiebantur iniuriâ, superiores reddens ijs, qui iniuriam inferebant.

Hic

Hic autem adest hominibus patrocians adversus Damones inuadentes. Hæc Chrysostomus, & plura.

Etiam ex Nicephoro Callisto ista tibi exhibeo, è lib. 8. Hist. cap. 6. *Ecclesiæ reliquam structuram Philogonius perfecit, qui ex CAVSIDECO Episcopus, Licinij temporibus, vti virum fortem decet, ardorem, emulationemq; suam pro verâ pietate ostendit.*

Nec habeo, quod addam, nisi modicum fragmentum Epistolæ pestilentissimi Arii, qui apud Epiphanium Hæresi 69. quæ est Ariomanitarum, de nostro Philogonio, & aliquot alijs Sanctis, ita ait: *Excepto Philogonio, & Hellanico, & Macario, hominibus Hæreticis, in Fidei doctrinâ non instructis. Hos impios neque audire possumus, etiamsi infinitas mortes nobis Hæretici minentur.*

Ita Hæreticorum infernalis Coryphæus, à quo Hæreseos damnari, fuit Catholicum declarari, & verè orthodoxum.

Floruit Anno Christi 320. Obijt. 20. Decemb.

S. PRIMARIUS
CONFESSOR, ET IVDEX,
AEGYPTIVS.

ASSERTIO IVRISPER.

Cum in IVDICIO SEDI, nec filij mei personam contra Iustitiam accepi. Ita ipsemet S. Primarius, lib. 2. de Vitis Patrum, Ruffino Presbytero auctore.

NOta est illius magni Anachoretæ Paphnutij sanctitas. Is cum se diu, multumque in exquisitissimis virtutis, pietatisque operibus exercuisset; DEVM aliquando orauit, dignaretur sibi ostendere, ecquis paris secum, corâ ipso, DEO, esset meriti. Audiit amicum sibi seruum optimus Dominus, responditque: *Similem te esse nosce PRIMARIO vici illius, qui est in proximo.* Mox igitur ad eum adit Paphnutius, quem Primarius (vtr hoc nomine, tamquam eius proprio, etsi Dignitatis potius esse scio: verum aliud non proditur) pro more sibi solemni, lætus

lætus gratum hospitem accipit, pedes lauat, mensam apponit, & quam potest lautè habet. Inter epulas rogat Anachoreta Primarium, quemadmodum vitam agitet, quas virtutes potissimum exerceat? ille de se vilia, & humilia respondet, sed vrget hospès, aitque à DEO sibi indicatum, dignum esse, qui cum Ascetis versaretur, petitque candidum responsum. Tum ille, tamquam DEO iubente ita infit: Triginta iam totos annos à commercio cum vxore meâ abstineo, nemine alio conscio; neque illam nisi liberorum suscipiendorû causâ vnquam cognoui. Hospites lubens semper suscepi; quin etiam ante alios lætus illis occurri: ex ijs neminem vnquam sine viatico egredi domo meâ passus sum: quibusuis pauperibus necessaria, quoad potui, hilariter præbui. *Cum in IUDICIO SEDI, nec filij mei personam, contra iustitiam accepi.* Alieni laboris fructus nunquam introierunt in domum meam. Litem si vidi, nunquam præterij, donec reconciliarem dissidentes ad pacem.

Quan-

Quantum in me fuit, nunquam permisi, ut potentior infirmum premeret. Dum vixi, operam dedi, neminem ut contristarem. Dum primas in IUDICIO tenui, neminem condemnavi, sed litigantes in concordiam reuocaui.

Ad hæc Paphnutius, sancti Iurisconsulti caput exosculatus: *Benedicat te Dominus ex Sion*, inquit, *& videas bona Ierusalem*. Cæterum vnum tibi deesse scito, omnia ut relinquant, & ipsam sequaris DEI sapientiam, thesaurosque secretiores quæras, quos nunquam reperies, nisi te ipsum abneget, crucem tuam tollas, & Christum sequaris.

Vix hæc elocutus erat Paphnutius, cum admirandus ille Primarius, nullâ prorsus rei Domesticæ ratione habitâ, cum eo Desertum petijt. Quod DEVS cordi sibi esse mox ostendit. Nam cum traijciendus occurreret fluuius altissimæ profunditatis, intrepidè utriusque ingressi, vix latera tincta sunt. Vbi ad Eremum ventum est, præcepta tradit cælestis Sapientiæ, Tironi suo exercitatus Magister: quæ

quæ ille ita auidus arripuit, ita sedulus exercuit, ita constanter ad finem vsque tenuit: vt Paphnutius testatus sit, se aliquando in cellulâ suâ sedentem, vidisse eius purissimam animam in cælum euolantem, stipantibus Angelorum Choris, & hilariter cōcinentibus: Beatus, quem elegisti, & assumpsisti: inhabitabit in atrijs tuis.

Floruit cum Paphnutio, Anno Christi 325.

C

S. ATHA-



S. ATHANASIVS
EPISCOPVS, ET CONFESSOR,
Aegyptius, Alexandrinus.

ASSERTIO IVRISPER.

B. Seuerus Sulpicius lib. 2.
Sacrae Historiae.

Ariani primum ATHANASIVM Alexandriae Episcopum IVRISCONSULTVM, qui apud Nicenam Synodum, Diaconus adfuerat, aggrediuntur.

Baronius, Tom. 3. Annal.
Anno Christi 311.

ATHANASIVS, non tantum fuit valdè imbutus Theologicis facultatibus, sed etiã IVRIS scientiam apprimè calluit.

VBi tot diuini Olores de huius Magni Herois laudibus, cælesti voce concinunt, ego pusillus anser non interstrepam. Illorum musicam dum refero Symphoniam, tu Lector, venerabundus ausculta.

Mar-

Martyrologium Rom. die
2. Maij.

Alexandria, natalis S. A T H A N A S I I, eiusdem vrbis Episcopi, sanctitate, & doctrinâ clarissimi: in cuius persecutionem, vniuersus penè Orbis coniurauerat. Ipse tamen Catholicam Fidem, à tempore Constantini, vsque ad Valentem, aduersus Imperatores, Praesides, & innumeros Episcopos Arianos, strenuè propugnauit: à quibus plurimas perpeffus insidias, profugus toto Orbe actus est, nec vllus ei tutus ad latendum supererat locus. Tandem ad suam Ecclesiam reuersus, post multos agones, multa sçq. patientia coronas, quadragesimo sexto sui Sacerdotij anno, migravit ad Dominum, tempore Valentiniiani, & Valentis Imperatorum.

S. Basilii Magni, Epist. 49. ad
Magnum A T H A N A S I V M.

Quanto Ecclesiarum languores auctiores euaserunt; tanto vniuersi ad tuam conuertimur integritatem, vnam nobis malorum consolationem intuâ tutelâ relictam esse credentes; qui & precum virtute, & scientiâ rerum

gerendarum, quâ quid optimum factu sit, admonere potes, ex horribili istâ tempestate, conseruare nos ab omnibus, qui aliquantulum integritatem tuam, vel auditu, vel experientiâ cognouerunt, crederis.

Idem, Epist. 51. ad Eundem.

Quando ad honestam illam grauitatem tuam conuertimur, ac cogitamus, quod te Ecclesiasticarum infirmitatum, Dominus noster medicum constituerit; animos resumimus, & ex desperationis lapsu, ad spem rerum meliorum erigimur.

S. Gregor. Nazianzenus, oratione de laudibus Athanasij Magni.

ATHANASIVM laudans, virtutem laudabo. Idem enim est, illum dicere, quod virtutem laudibus efferre: quoniam virtutes omnes complexu suo tenebat. — Vnum ex omnibus virtutibus simulacrum, numeris omnibus absolutum edidit. — Apostolicè, & spiritualiter ad Marci Thronum euehitur, non minus pietatis, quàm primariæ Sedis (dum Primariam audis inter Patriarchales intellige) successor. — Vitâ quidem sublimis erat;

erat, verum animo humilis: atque ea quidem virtute, ut nemo ad eam aspirare posset: ceterum ea comitate, ut ad eius congressum facilis omnibus aditus pateret. — Virgines Pronubum laudant: matrimonij iugo constricta, Moderatorem: qui solitariam vitam agunt, pennarum Accommodatorem: qui in Sodalitio viuunt, Legislatorem: simplices, itineris Ducem: speculationi dediti, Theologum: hilares, frenum: calamitosi, Consolatorem: canicies, baculum: iuuentus, Pedagogum: paupertas, Suppeditatorem: diuitia, Dispensatorem.

Idem Gregorius Theologus, Orationem scripsit in laudem Heronis, in qua hunc Theologum, & Iurisconsultum vocat, Oculum Orbis, Sacerdotum Antistitem, Vocem sublimem, Fidei Columnem, Christi Lucernam, Secundum Praecursorem.

Obijt Anno Christi 372. 2. Maij.

S. BASILIVS MAGNVS

EPISCOPVS, CONFESSOR,

GRAECVS, CAPPADOX.

ASSERTIO IVRISPER.

Gregorius Presbyter, in vitâ S.

Gregorij Nazianzeni.

Nihil eum fugit — non FORENSIS Dictionis puritas.

BASILIVM Magnum laudavit Gregorius Nazianzenus, & vicissim ab eo laudatus est: vterque hoc consecutus, vt laudaretur à laudatissimo viro. Certè Gregorius, miro loquendi modo, ait, se, & Basilium, LIBRAM fuisse. In funebri Basilij laudatione, *Nisi mihi hoc dictu nimis sit magnum*, inquit, *Libra inuicem eramus, in quâ expenditur id, quod rectum est, ac obliquum.* Ex hoc igitur magno Theologo, qui adeò accuratè Basilium suum expendit, quid de eo sentiendum sit, paucis audiamus.

In eadem oratione funebri, cum plerisque

risque omnibus Sanctis vtriusque Testamenti eum comparat, multis etiam præfert. Ex veteri affert Enos, Enoch, Noë, Abraham, Isaac, Iacob, duodecim Patriarchas, Ioseph, Iob, Moysen, Aaron, Iosue, Samuel, Daud, Salomonë, Eliam, Eliseum, Tres Pueros, Daniele, Machabæos Fratres. Ex nouo, Baptisten, Petrum, Paulum, Iohannem Apostolum, Stephanum. His omnibus ostendit Basilium suum, vel parem, vel superiorem, vel certè accuratum Imitatorem. Vnum atque alterum referamus, ex quibus de reliquis fiat coniectura. *Ioseph, inquit, frumenti distributor fuit, sed in Aegypto solum, nec sapius, & corporaliter quidem: Basilium verò omnibus distribuit, semper, & spiritaliter. Quod mihi distributione illâ longè venerabilius existit. Iterum: Moyses, & Aaron in Sacerdotibus eius: & magnus quidem Moyses, affligens Aegyptum, & populum saluans in signis multis, ac miraculis, nubem ingrediens, duplicem legem ferens, litteralem extrâ, spiritalem intrâ. Aaron autem Moysis frater, & corpore, & spiritu, pro*

Populo orans, ac sacrificans; Tabernaculi sacri, & magni, quod compegit Dominus, & non homo, Mystes. Amborum horum Basilus amulator fuit, nequaquam corporalibus flagellis, sed spiritalibus, & rationalibus, populum Hæreticum, & Aegyptiacum affligens. Deduxit autem Populum acceptum bonorum operum amulatorem, ad terram Promissionis, tabulisq; minimè frangibilibus, sed duraturis, leges inscripsit, non iam umbratiles, sed valdè spiritales.

At ne testimonium à tanto amico, & perpetuo laudatore, suspectum sit; ex Theodoreto historiam afferamus vnicam, sed splendidam, & dignam tanto viro. Cùm Ariana Hæresis Orbem corrupisset; ad Valentem etiam Imperatorem eius contages peruenerat. Qui cum eam quaquauersum, quàm longissimè poterat, per se, perque suos emissarios, spargeret: Basilium quoque aggredi est ausus. Sed,

— *fragili cupiens illidere dentem,
Offendit solido.*

Præfectum præmiserat Imperator, impius

pius impium, qui animum tentaret Magni Pontificis. Is Amicitiam Principis proponit, iubetque considerare, quanti ea sit momenti. Respondet Basilius, se quoque magni eam facere, sed si pietati iuncta sit: sine quâ, exitiabilem potius esse contendit. Offensus Præfectus, Deliras, inquit, Basili. At ille: Aeternum velim hoc delirio laborare. Alius quispiam Parasitus, Dæmosthenes nomine, cum Episcopo minaretur, Rectius, ait Basilius, feceris, si solitam curam exercueris iusculorum condiendorum. Imperatoris iam partes erant, qui cum nec blanditijs proficeret, nec minis; eò tandem impietatis processit, vt tenebrarum filius Orbis terrę Lumen in exilium deportandum decerneret. Et iam scriptum erat sacrilegum de exilio Decretum: cui dum subscribere parat Imperator, vnus, alter, ac tertius calamus atramentum negavit. Pergebat nihilominus in eo quod cœperat: sed sedes, cui insidebat, contracta est, & quod maius, improba manus concuti cœpit, & contremiscere.

Sic eius victa peruicacia. Neque hæc satis. Imperatoris filius graui morbo tenebatur : rogatus Basilius, accedit, sanitatemque pollicetur, si ab Orthodoxo quopiam Baptisma suscipiat; ac iam recreari puer incipiebat: Verum, accedentibus, patris iussu, improbis Arianis, confestim emoritur.

Obijt Anno Christi 778. 14. Iunij.

S. GRE-



39

S. GREGORIVS NA-
ZIANZENVS, EPISCOPVS,
ET ECCLESIAE DOCTOR,
Græcus, Cappadox,
Nazianzenus.

ASSERTIO IVRISPER.

Gregorius Presbyter, in
eius VITA.

*Nihil eum fugit — non FORENSIS Di-
ctionis puritas.*

SCripfisti tu tot Sanctorum Vitas, &
Laudes, Gregori, magnus ipse San-
ctus. A te laudati Cæsarius frater tuus,
Basilius plusquam frater, etsi non fra-
ter: Gorgonia soror, Pater Gregorius,
Athanasius Magnus, pari amore cum Pa-
tre, dilectus, Cyprianus Martyr, & alij
complures. Iure igitur quæ alij Sancti,
& magni Viri de te scripserunt, hic de-
scribam: ipse verò tam sterili, tam in-
fanti calamo, de te tam fœcundo, tam
facundo, nihil scribam.

S. Hie-

S. Hieronymus. Gregorij
discipulus:

Gregorius, primum Sasimorum, deinde Nazianzenus Episcopus, Vir eloquentissimus, Præceptor meus, à quo Scripturas explanante didici. —

Ruffinus:

Gregorius, Vir per omnia incomparabilis, qui verbo, & operibus clarus, splendidissimum lumen scientiæ Christi Ecclesiis præbuit, dum ea docuit, quæ fecit: nec seipsum condemnavit, agendo contraria quàm docebat. — Huius neque vitâ aliquid probabilius, & sanctius; neque eloquentiâ clarius, & illustrius: neque fide purius, & rectius: neque scientiâ plenius, & perfectius, inueniri potest.

Suidas:

Præ Gregorio, Athanasius puer censebatur. — Gregorius Apollinario in dicendo gravior, ac plenior: Basilio firmior erat. — Solo aspectu plerisque ad se allicere facillimè poterat. — Hoc vnum indignum virtute suâ passus est, quod principis Urbis Cathedrâ expulsus est, improbiq; potius electi sunt, quàm qui virtute, ac vitæ splendore OMNES ANTEIBAT.

Simeon Metaphrastes:

*Si quidem apud homines existeret necesse
erat effigiem quandam, & columnam, ex
omnibus virtutibus constantem, hoc erat*

GREGORIUS.

Gregorius Presbyter huius nostri
Gregorij vitam sic orditur: *Ad spirituale
sermonum Conuiuium, Viri Auditores, egre-
gius ille Gregorius, cognomen à Theologia
consecutus, vos inuitat: atque ipse in cibum
materia expertem, offertur, epulumq; corru-
ptione omni sublimius.*

S. Basilius Magnus, Gregorij amicus,
& Socius indiuiduus.

Ultimo loco hunc profero, qui di-
gnam illam coronidem Gregorij laudi-
bus imponat.

VAS ELECTIONIS, ET PV-
TEVS PROFVNDVS, OS
DICO CHRISTI,
GREGORIVM.

Obijt Anno Christi 389. 9. Maij

S. AMBROSIVS
ECCLESIAE DOCTOR,
Gallus, ex Romano Patre.

ASSERTIO IVRISPER.

Paulinus Presbyter, in vitâ S. Ambrosij ad B. Augustinum.

*Professus in auditorio Pratorij Praefecturae, ita
SPLENDIDE CAUSAS PERORABAT, vt eligeretur à viro Illustri Probo,
tunc Praefecto Pratorij ad consilium tribuendum.*

APES tuas mihi adesse velim, Ambrosi, quæ Mel suggerant, quod aliàs tibi infanti in os ingesserunt. Nam eo Melle, pro atramento vti velim, non modò ob dulcedinem, quæ in mente, ac linguâ, calamoque tuo, perpetua fuit; et si zeli diuini aceto necessariò opportunè mixta: verum etiam propter Auricolorem, qui vitam, resque tuas gestas, quouis obrizo pretiosius semper inaurauit.

uit. Sed frustra eas opto. qui apud Paulinum Vitæ tuæ scriptorem lego, *eas exolantes, in tantam aëris altitudinem subleuatas, vt humanis oculis minimè viderentur.* Videlicet cælestes Apes Mel cæleste tibi instillauerant, quantum satis fuit, & reliquo secum ablato: nobis sepiæ, & loliginis succum reliquerunt. Tamen eo vtemur, quando aliud suppetit nihil.

Adoleuerat hic beatus Infans suo melle saginatus, cum matrem, sororemque hortaretur, vt manibus eius oscula figerent, qui Episcopus aliquando futurus esset: siquidem aliorum Episcoporum manus exoscularentur.

Factus utiq; est: sed miro modo. Dissidentem, & prope tumultuantem populum Mediolanensem in electione noui Antistitis, cum pro officio compesceret (erat tum Liguriæ, atque Aemiliæ præpositus) succlamauit è turbâ infantulus: *Ambrosius esto Episcopus: DEO ex ore Infantium, & lactentium suam laudem persiciente.* Arripuit populus ardentissimis votis, quod infans suggererat: applau-

de-

debantq; omnes, extra ipsum, cui plausus dabatur. Vnus enim Ambrosius omnibus se opponēs, postquam multa obtenderat, cur sacrum illum Magistratum capeffere nequiret; ad extremum fugam arripuit; è quâ diuinitus retractus, factus est quod nolebat.

Iam verò Ambrosij *Episcopatum* quid memorem? Estne, qui eum ignoret? si est, consulat Arianos, quos perpetuo infectatus est, ipse ab illis indigna sæpè passus. Consulat Arianam illam virginem impudentissimam, quæ sacerdotali eius vestimento manum ausa iniicere, ab eoque grauitè increpita; sequenti die, comitante Sancto, tumultu illata est. Consulat inconsultum Euthymium, qui eo carpento in exilium deportatus est, quod deportando Ambrosio stolidus parauerat. Consulat Maximum Tyrannum, Domini sui parricidam, qui Episcopo huic honorem habuit, à quo ex Ecclesiæ Cōmunionē erat eiectus. Consulat infelicem illum Sicarium, cuius in sacrosanctum caput, dextera impium gla-

gladium vibrans, obriguit, nec nisi culpę agnitione sanata est.

Magna ista. Sed vt maiora dicamus, & paucis plurima; Imperator ab illo diris deuotus, non ante in Communionem receptus est, quàm publicam pœnitentiam exegisset. Fritigildis Marcomanorum Regina, Ambrosij famâ longè absens, auditâ, Christianæ Fidei doctrinâ ab eo imbui petijt, obtinuit, credidit. Nefarij Spiritus ab eodem coacti, hominum corpora reliquerunt. Protasius, & Geruasius, nobiles Christi Martyres, Ipsius potissimum operâ, cum diutissimè latuissent, Orbi Christiano se proderunt. Angelus eius Custos eum, qui Iustinæ pessimæ Principis iussu, Ambrosium insectatus erat, fateri coëgit, cùm à Carnifice ob maleficia torqueretur, grauius tamen ab ipso Angelo torqueri. Idem, siue alius Angelus Episcopo in aurem loquens, ab Ariano quopiam conspectus, fecit, vt ex Ariano euaderet Christianus.

Ad hæc tam magna addamus, quod omnino

omnino maximum est, & concludamus.

Ex morbo decumbens, Dominum IESVM vidit ad se accedentem, sibi quàm blandissimè, atque amicissimè ARRIDENTEM: neque ita multo pòst vita solutus est.

Id contigit Anno eiusdem Christi 397. 7. Decembris.

S. SVL-



S. S V L P I T I V S S E V E -
R V S , E P I S C O P U S
G A L L V S .

A S S E R T I O I V R I S P E R .

S. Paulinus Episc. Nolan. Epist.
I. ad Seuerum.

TV — *in ipso mundi theatro, id est, FORI
celebritate DIVERSANS, & facundi
nominis PALMAM tenens.*

TAm suavis ista allocutio, etsi man-
ca, & truncata, inuitat, vt plura ex
eodem Paulino ad nostrum Sulpitium
Seuerum audiamus: maximè cùm nec à
nobis, nec aliunde meliora, imo nec pa-
ria, afferre possimus. Ergo idem, eadem
primâ Epistola, sic:

*Tu, Frater dilectissime, ad Dominum, mi-
raculo maiore conuersus es: (secum illum
comparat) quia ætate florentior, laudibus
abundantior, oneribus patrimonij grauior,
substantiâ facultatum non egentior, & in
ipso adhuc Mundi Theatro; id est FORI ce-
lebritate diuersans, & facundi nominis pal-
mam*

manutenens, repentino impetu discussisti peccati iugum, & letalia carnis & sanguinis vincula rupisti.

Neque te diuitia de matrimonio Familia Consularis adgesta: neque post coniugium peccandi licentia, & calebsiuuenta, ab angusto salutis introitu, & arduo itinere virtutis, in mollem illam, & spatiosam multorum viam reuocare potuerunt. — Tu ergo verus factor Legis, & Euangelij non surdus auditor: qui corpus, & Mundum configens cruci, delicias iuuentutis, & vitæ presentis mala gaudia, pro venenis, & luctibus auersatus es, respuens patrimoniorum onera, ceu stercoreum. Idem Paulinus ad eundem, Epist. 3.

Lingua tua verba DEI rorat: & cornu tuum fertile à DEO semen exceptum, spiritali fruge multiplicat; vt de fructibus tuis impleat manum suam messor, & sinum suum, qui manipulos colligit: hoc est, ipse DEVS, qui verbi in nobis sui & seminator, & messor est. Item Epist. 5.

Te, victâ lege membrorum, & exteriori corrupto, puram conspersionem parare, & sine fermento azymorum Christo confici, eloquia tua,

tua, tam facunda, quam casta testantur. Neque enim tibi donatum fuisset enarrare Martinum, nisi dignum os tuum, sacris laudibus, mundo corde fecisses. Benedictus igitur tu homo, Domino, qui tanti Sacerdotis, & manifestissimi Confessoris historiam, tam digno sermone, quam iusto affectu percensuisti. Denique ex Epistolâ 14. hoc etiam fragmentum lege:


Ineffabile mihi est, quantâ me voluptate perfuderint (de ijs loquitur, qui à Seuerio ad se venerant) cùm referrent & actus, & sermones tuos, & perfectum cor tuum charitatis diuinæ scientiâ: quâ humilis, & excelsus; pauper, & diues; seruus, & liber; famulis, conseruus; fratribus seruus; pauperibus diues in visceribus misericordiæ; diuitibus pauper in spiritumansuetudinis; humilis virtute pietatis; arduus sublimitate virtutis: & seruus DEO, liber Mammonæ: totum in te spirare Martinum, florere Clarum, maturari Euangelium prædicabant. Impinguarunt omnino oleo lætitiæ caput nostrum.

Regrediamur ad Epistolam quintam, cuius hæc Sancti de Sancto verba, hoc nobis elogium claudant:

*Verba tua vellera sunt, & Dominum
IESVM gratissimo tegmine cooperiunt, cuius
supellectili pulchrâ ambiunt, & ingenij tui
floribus comunt. Vestiet ille te vicissim Agnus
de suo vellere, in retributionis die, mortale
tuum de suâ immortalitate superinduens.
Tu tantum nostri memento, & nos respice,
non retro spectans, sed amiti memor.*

Floruit cum Paulino, Anno Christi 400.

S. APER



SANCTVS APER
 EPISCOPVS,
 ITALVS.

ASSERTIO IVRISPER.

S. Paulinus, epist. 27. ad Aprum.

*Nunc instructior iure diuino ADVOCATVS,
 pro te postules; & iustior IVDIX, te ip-
 sum iudices.*

Pergat S. Paulinus S. Apri laudes exe-
 qui: nemo laudator aptior. Neque
 facilè alibi reperiās, quæ ille vidit; quæ
 gratulatus est. Eâdem Epistolâ:

*Beatus es, Frater, & benè tibi erit; quia
 non carne, & sanguine, sed Spiritu celestis
 Patris reuelante, didicisti, quod te inconcuſſâ
 fide tenere, & liberâ voce profiteri, sanctissi-
 mo ad me epistola tua sine firmasti. —*

*Rudem esse te, atque infantem ideo dices?
 verè quidem ex parte credo, paruulum esse te
 factum, sed malitiâ: sensu autem te esse per-
 fectum, de professione fidei tuæ disco; quia ve-
 ritatis agnitio, quam apprehendisti in sermo-
 ne breuiato, sapientia plenitudo est. —*

Iam

*Verba tua vellera sunt, & Dominum
IESVM gratissimo tegmine cooperiunt, cuius
supellectili pulchrâ ambiunt, & ingenij tui
floribus comunt. Vestiet ille te vicissim Agnus
de suo vellere, in retributionis die, mortale
tuum de suâ immortalitate superinduens.
Tu tantum nostri memento, & nos respice,
non retro spectans, sed amiti memor.*

Floruit cum Paulino, Anno Christi 400.

S. APER



SANCTVS APER
 , EPISCOPVS,
 ITALVS.

ASSERTIO IVRISPER.

S. Paulinus, epist. 27. ad Aprum.

*Nunc instructior iure diuino ADVOCATVS,
 pro te postules; & iustior IVDIX, te ip-
 sum iudices.*

PErgat S. Paulinus S. Apri laudes exe-
 qui: nemo laudator aptior. Neque
 facilè alibi reperias, quæ ille vidit; quæ
 gratulatus est. Eâdem Epistolâ:

*Beatus es, Frater, & benè tibi erit; quia
 non carne, & sanguine, sed Spiritu celestis
 Patris reuelante, didicisti, quod te inconcuſſâ
 fide tenere, & liberâ voce profiteri, sanctissi-
 mo ad me epistola tuæ fine firmasti. —*

*Rudem esse te, atque infantem ideo dices?
 verè quidem ex parte credo, paruulum esse te
 factum, sed malitiâ: sensu autem te esse per-
 fectum, de professione fidei tuæ disco; quia ve-
 ritatis agnitio, quam apprehendisti in sermo-
 ne breuiato, sapientia plenitudo est. —*

Iam

Iam & hanc gratiam mereris à Domino, ut te (sicut indicare dignatus es , piè glorians) odorint omnes ; quod non fieret , nisi verus imitator Christi esse cœpisses. Non enim odisset hic mundus , nisi quod iam à se alienum , & sibi videret aduersum. Gaude , & exulta iam in rudimentis tuæ virtutis, **PERFECTIONIS OPERATOR.** — Quanto prudentiorem te ceteris , & doctiorem fuisse meminerunt ; tanto euidentior ijs esse debet operatio potentiae DEI. — Destructus es à superbo, assumtus es in humilem. — Vbi nunc tu ille es, aliquando terribilis , vel pro tribunalibus **ADVOCATVS**, vel in tribunalibus **IUDEX** ? — Quis daret mihi pennas , sicut columba , & volarem ad te , & in conspectu tuo, colloquioq; requiescerem ; in voce exultationis, & confessionis epularer ? Videnste, non te , & videns ex leone vitulum , videns in **APRO** Christum : nunc versâ ferocitatis , aut virtutis vice, **APRVM** seculo, agnum **DEO**. Non enim iam de siluâ, sed de segete **APER** es, duplicis Testamenti dentibus , ad rumpenda retia Nembroth venatoris , armaris : totaq; illa , quæ præ seculo superbus gere-

gerebas, nunc aduersum seculum humilis arma conuertis.

Aurea sanè ista omnia, & dicta à Paulino, & facta à nostro Aduocato & Iudice, Apro. Addo pauca ex Epist. 29. ad eundem Aprum, quam sic orditur:

Quis daret mihi fontem litterarum tuarum, vt respondere possem litteris tuis, vario gratiarum spiritalium flore consertis, nec iam scholastico magis, quàm diuino sermone facundis: & affluentibus (quasi de terrâ re-promissionis diuinæ) lacte pietatis, & melle sapientia; cuius & mel, & oleum suxisti de firmâ Petrâ, id est, Christo Domino.

O si & nos inde sugamus! Sed plura de Sancto, apud Sanctum legat, cui libebit.

Floruit cum Paulino, Anno Christi 400.

D

S. IO-

S. IOHANNES CHRYS.
SOSTOMVS, ECCLESIAE
DOCTOR, GRAECVS,
Antiochenus.

ASSERTIO IVRISPER.

Breuiarium Rom. 27. Ianuarij.

IOHANNES *Antiochenus*, propter aureum
Eloquentia flumen, cognomento *Chrysostomus*, à FORENSIBVS & secularibus
studijs, ad diuinas litteras, summâ cum in-
genij, & industria laude, se contulit.

Ioue tonante, ait quidam, *silent rana*.
Nec minus rectè ego dixero : Maie-
state Imperatoria loquente, fileant ho-
minum postremi. Scis, quid velim? Le-
ctor. Hunc Sacrosanctum Episcopum
cum multi laudauerint, suis partibus
deesse noluit *Leo Imperator*, cuius lucu-
lenta extat Oratio de hoc Sancto, En-
comiastica. Longior ea est, quàm vt to-
ta hîc describi possit. Audi initium, &
Laudatore dignum, & laudato.

VIRI

VIRI virtutem laudare iussus, viri, inquam, cui cognomen est **OS AVREVM**, puto à me exigi, vt flammeos currus ascendam, aut miracula ostentem Mosaïca. Perinde enim est, vt ego sentio, illa quempiam audere aggredi, & linguâ laudari linguam illam verè auream, & quæ vniuerso mundo seipsam præbuit pretium redemptionis. Et aliquanto post: Quisnam cernitur virum illum adèdò ignorare, qui non solum vt mutus, & surdus, sit loquacissimus, sed etiam vt lapides clamorem emittant, creditur posse efficere? Hęc pauca ex Magno Imperatore.

Reliqua (si tamen illis aliquid addendum videatur) vnde hauriemus? Vnde, nisi ex ipsomet, qui quouis Imperatore, quantumuis magno, multo ipse sit maior? Lege igitur eius Scripta: sed lege, quoad assequi potueris, eo spiritu, quo ipse scripsit: inuenies in omnibus *Chrysostomum*, id est verè **OS AVREVM**. Neque quoduis Aurum in eo reperies, sed Aurum **IGNITVM**, quo, si modo volueris, locuples fias, & diteris diuitijs cælestibus.

Attende quæ in Vetus Testamentum commentatus est: Videbis, cum de primis DEI operibus loquitur, ita loqui, vt si ipsis patrandis testis adfuerit, & Conditoris in singulis, mentem, & finem, ab ipso Conditore didicerit. Cùm de Moyse agit, est alter Legislatores Cùm de Dauide, alter Psalter, aut Pastor, vnico lapillo Goliatum, turrim carneam, circumactâ fundâ deiiciens. Cùm de Elia, simul cum illo, Quinquagenarios, eorumque sequaces, cælesti igne consumit. Cùm de tribus pueris, Angelus instat, in medio igne, & ipse innoxius, & cantabundus inambulat.

Verte te ad Nouum Testamentum: dices eum cum Christo nasci, aut certè in Christo identidem renasci: cum eodem docere & verbo, & exemplo: cum eodem viuere, pati, mori, resurgere, ascendere, & vt magnum Sacerdotem decebat, quoad homini fas est, Spiritum S. impertiri. Epistolas magni Doctoris Gentium, cum cœpit attingere, attingit simul eius Spiritum Apostolicum. Neque

que adeò mirum est, quod omnino audacter credas licet, si idem Apostolus plurima illi dictasse existimetur.

Iam verò quid de eius Concionibus dicamus? Multo rectius fecerit, qui eas diligenter lectitauerit, quam qui de ijs multa audire voluerit. Si dicam, mera esse tonitrua, fulgura, fulmina; adhuc infra istius Aurei Oris, & sermonis dignitatem dixero. Itaque abstineo manum.

Iudæos, Gentiles, Hæreticos, ita odit, ut pessum dederit: ita amavit, ut Christianos, Catholicos, Sanctos fecerit.

Augustos, & Augustas, viuis liberè monuit, liberè arguit. Si qui dyscoli erant, eorum iniustitiæ, corpore, non animo cessit. Denique mortuus, vel intra paucos dies, ad magni Iudicis Tribunal euocauit; vel ad veniam suppliciter postulandam adegit.

Obijt Anno Christi 407. 27. Ianuarij.

S. HIERONYMVS

ECCLESIAE MAGNVS DOCTOR,

Stridonensis, Dalmata.

ASSERTIO IVRISPER.

Ipse S. Hieronymus lib. 1. in Epist. ad Galat. cap. 2. sic de se loquitur :

Aliquoties cum Adolescentulus Romæ Controuersias declamarem, & ad vera CERTAMINA, fictis me LITIBVS exercerem, currebam ad Tribunalia Iudicum.

Quid dicam de hoc Sancto? Dic ipse tibi, Lector: quamquam quid ipse dicas? imo quid cogites? quid concipias? Potius lege ingentia illa eius volumina: aut quia vix sufficies legendis, quibus ipse scribendis minimè est fatigatus; vide saltem Librorum Lemmata. Reperies omnigenam Eruditionè, omnium reconditarum Linguarum Idiomata. Agnosces Dalmatam Stridonensem, in Latinâ Eloquentia, Ciceronem: in Græcis fulminibus, Demosthenem: in

in facris Hebræorum Adytis, alterum, si fas dicere, Isaiam. Et idem intellige in Chaldæis, & Syris.

Omittamus prophanas eius Doctrinas, Grammaticam, Rhetoricam, Philosophiam, IURISPRUDENTIAM: facras quomodo omittemus? Et tamen quid de illis dicemus? cum de ijs nemo dignè loqui possit, nisi alius Hieronymus quispiam, qui nusquam est. Duo genera tantum, ipsius bonâ cum veniâ attingamus, velut extremo digito.

Hæreticos, & Hæresiarchas, quis vnquam vehementius insectatus est? quis potentius confutauit, vicit, prostrauit? Testentur apud inferos adhuc in eum dentibus stridentes, Pelagij, Arii, Vigilantij, & cæteræ pestes; quæ senserunt illum, vt *malleum conterentem petras*.

Diuiinarum verò litterarum quis abditos sensus subtilius penetrauit? quis Mysteria clarius aperuit? quis Idiotissimos familiaris vernaculis quasi verbis est interpretatus? Non ingrediamur altius hoc Profundum, ne mergamur.

Haëtenus sic loquimur de eius Eru-
ditione, ac si nihil sit, quod de Virtute
dicamus. Quod longissimè à vero abest.
Vtraque illum improbis, Hæreticis im-
primis, exosum fecit, & formidabilem:
ipsis quin etiam Dæmonibus, quorum
tårtareas artes, tentationesq̃ue expertus,
gloriosè superauit. Vtraque probis com-
mendauit, & maximè magnis Heroïbus,
Orbis terræ luminibus, & in ijs, Dama-
so Summo Pontifici, Augustino Magno
Pontifici.

Virtutum eius Oceanum admirari
magis, & venerari conueniat, quàm ten-
tare. Riuulum ex eo diductum acceda-
mus, & inde per modicum hauriamus,
ipso permittente, imo situlam commo-
dante. Ipsius, inquam, verbis, virtutes
eius quasdam delibemus, non quaslibet;
sed planè Heroicas. Quas cùm legeris,
Herculis illius Augiæ stabulum, & re-
liqua facinora, fabulas, vti verè sunt, &
pueriles nænias, ipse fateberis. Episto-
lâ ad Eustochium 22. ita fatur.

O quoties ego ipse, in Eremito constitutus,



& in illâ vastâ Solitudine , quæ exusta Solis ardoribus, horridum Monachis præstat habitaculum, putabam me Romanis interesse delicijs. Sedebam solus, quia amaritudine repletus eram. Horrebant sacco membra deformia, & squalida cutis situm Aethiopice carnis obduxerat. Quotidie lacryma, quotidie gemitus: & si quando repugnantem somnus imminens oppresserat, nudâ humo vix ossa harentia collidebam. De cibis verò, & potu taceo, cum etiam languentes Monachi aquâ frigidâ vtantur, & coctum aliquid accepisse, luxuria sit. Ille igitur ego, qui ob gehenna metum, tali me carcere ipse damnaueram, scorpionum tantum socius, & ferarum, sæpe choris intereram puellarum. Pallebant ora ieiunijs, & mens desiderijs aestuabat in frigido corpore; & ante hominem, suâ iam carne præmortuum, sola libidinum incendiabulliebant. Itaque omni auxilio destitutus, ad I E S V iacebam pedes, rigabam lacrymis, crine tergebam, & repugnantem carnem hebdomadarum inediâ subiugabam. Non erubescō confiteri infelicitatis meæ miseriam; quin potius plango, me non esse, quod fuerim.

fuerim. Memini me clamantem, diem crebro iunxisse cum nocte, nec prius à pectoris cessasse verberibus, quàm rediret, Domino increpante, tranquillitas. Sicubi concava vallium, aspera montium, rupium prærupta cernebam; ibi mea orationis locus, ibi illud miserrimæ carnis ergastulum: & ut mihi testis est Dominus, post multas lacrymas, post calo inherentes oculos, nonnunquam videbar mihi interesse agminibus Angelorum: & latus, gaudensq; cantabam: Post te in odorem vnguentorum tuorum curremus.

Cucurristi, ô beate cursor: cucurristi, & peruenisti, & Vnguentis illis, meritissimus iam æternum perfrueris. Vtinam nos aliquando tecum! Neque ego post Hieronymum, aliquid de Hieronymo addam.

Obijt Anno Christi 420. 30. Septemb.

S. AV-

S. AVGVSTINVS
 ECCLESIAE DOCTOR,
 AFRICANVS, TAGASTENSIS.
 ASSERTIO IVRIS PER.

Ipsè S. Augustinus, lib. 3.

Confess. cap. 3.

Habebant & illa studia, quæ honesta vocabantur ductum suum, intuentem FORA LITIGIOSA, vt excellerem in eis.

Sanctus AVGVSTINVS Episcopus, Spiritu diuino actus, in Sanctâ Ecclesiâ Catholicâ, ad instructionem animarum, fecit Libros, Tractatus, Epistolas, numero MILLE TRIGINTA: exceptis ijs, qui numerari non possunt, quia nec numerum designauit ipsorum. Verba sunt Possidonij ad finem Indiculi Operum S. Augustini.

QVibus verbis, si nihil addamus, tamen plus dixerimus de sancto Augustino (etsi pro eius dignitate, perpauca) quàm de multis alijs, etiam in DER Ecclesiâ nobilibus, dici queat. Vtique cum

cum non modo plurima scripserit, sed & optima: & quod caput est vitâ ipsâ expresserit, quæ scripsit: & calamo quidem fuerit sanctus, sed moribus multo sanctior. Sed ut ad scriptorum infinitam prope multitudinem redeam, occurrit, quòd Didymum Grammaticum refert Suidas vocatum fuisse χαλκέϊνον, quasi Aeneo esset pectore: idque ob hoc solum, quod plurima legisset, plurima scripsisset. Non video, cur dubitemus, Augustinum nostrum eâdem nuncupatione afficere; etsi Acre in Aurum commutato, rectius illum dixerimus χρυσέϊνον. Scripta enim eius, non modo ostendunt Pectoris eius robur, & firmitatem; verum etiam, Auri venam, perpetuò inde manantem.

Nam ut præteream Grammatica, Musica, Dialectica, Rhetorica, Geometrica, Arithmetica, Philosophica: in Dialecticis ostendit Auream Doctrinam: in Polemicis, Aureum scutum, Aureum Verbi DEI Gladium: in omnibus, Aureum ordinem, Auream soliditatem, Au-

Auream denique linguam , Aureum os.

Inuenias in eius libris quid sit, *Aurum*, *Argentum*, *Lapides pretiosos edificare*: sed in eius vitâ , ipsam ædificationem, ipsas Domos Aureas. Docet, Quid sibi velit, quòd Israëlità Auro, Argentoq; Aegyptios spoliarunt: ipse idem, sed multo generosius fecit, multo vtilius. Et quia parum est, Aurum habere, nisi rectè vtaris, docet te vti Auro, nobili illâ sententia , quâ ait: *Esto Dominus Auri, non seruus, quia & Aurum fecit DEVS, & te super Aurum.* O verè sententia ipsa hæc tua , Auree Augustine , *super Aurum, & Topazion!* In quâ defino, ne tuo Auro addam meas paleas.

Obijt Anno Christi 430. 28. Augusti.

S. GER-

Attende quæ in Vetus Testamentum commentatus est: Videbis, cum de primis DEI operibus loquitur, ita loqui, vt si ipsis patrandis testis adfuerit, & Conditoris in singulis, mentem, & finem, ab ipso Conditore didicerit. Cùm de Moyse agit, est alter Legislatores Cùm de Dauide, alter Psalter, aut Pastor, vnico lapillo Goliatum, turrim carneam, circumactâ fundâ deiiciens. Cùm de Elia, simul cum illo, Quinquagenarios, eorumque sequaces, cælesti igne consumit. Cùm de tribus pueris, Angelus instat, in medio igne, & ipse innoxius, & cantabundus inambulat.

Verte te ad Nouum Testamentum: dices eum cum Christo nasci, aut certè in Christo identidem renasci: cum eodem docere & verbo, & exemplo: cum eodem viuere, pati, mori, resurgere, ascendere, & vt magnum Sacerdotem decebat, quoad homini fas est, Spiritum S. impertiri. Epistolas magni Doctoris Gentium, cum cœpit attingere, attigit simul eius Spiritum Apostolicum. Neque

Talis igitur Sanctus, DEO iubente, S. Amatore indicante, *Suscipit Sacerdotium inuitus*, inquit Constantius, *coactus, addictus: sed repente mutatur ex omnibus. Deseritur mundi militia, celestis assumitur: seculi pompa calcatur, vxor in sororem ex coniuge mutatur, substantia dispensatur in pauperes, paupertas ambitur.*

Hæc, quamuis magna, rudimenta tantum erant maiorum. Hospitibus eius domus, sine discrimine maiorum, minorumvè patebat: pedes eorum ablucbat, & conuiuium, ipse ieiunus, exhibebat.

In magnâ populorum frequentiâ, solitudinem, atque eremum ita adamauit, vt nouo inuento vtramque coniungeret, atque excoleret. Audi modum, admirare industriam.

In conspectu Antifiodorensis Oppidi, interposito Icaunâ flumine, Monasterium collocavit: atque hinc, Monachos, Monachus ipse, asceticam sanctitatem, verbo, exemploque edocuit; inde Christianum gregem, ad Christi præcepta

pta seruanda , optimus Pastor assidue hortatus est.

Neque contentus , Monachos, Christianosque excolere tum alia præstitit multa ; tum Mamertinum, Idolorum mancipium , ex Gentili Christianum ; ex Christiano , sanctum Monachum fecit. Parua loquor, dum in singulis hæreo ; Britannorum Insulam Pelagianæ hæreseos pestis inuaserat, & possidebat. Eam sanctus Germanus concionibus , disputationibus , prædigijs diuinitus patratis penitus profligauit ; & qui Angli erant , eos Angelos reddidit.

Vis etiam prælia ? vis victorias ? vis triumphos ? Vide. In hos Anglos, & Angelos ab apostatis angelis immissi Saxones , Pictique , infesti cooriuntur : trepidis , & imparibus futuris , adiungit se DEI Sacerdos , non socium modo , sed & Ducem futurum, & Archistrategum. Britannorum multitudo ingens , paulò antè fide Christi susceptâ , Paschalibus ferijs, cælesti lauacro tincta fuerat Quid tum ? audi Constantium. *Madidus Baptismate*

*ptismate procedit exercitus, — Germanus
signifer vniuersos admonet, & prædicat, vt vo-
ci suæ vno clamore respondeant — (Ecce ti-
bi iterum Iosue contra Iericho) Alleluia,
tertio repetitum Sacerdotes exclamant. Se-
quitur vna vox omnium, & eleuatum clamo-
rē, repercussu aëre, montium inclusa multipli-
cant. Hostile agmen terrore prosternitur, &
ruisse super se, non solum rupes circumdatas,
verumetiam ipsam cæli machinam, contre-
miscunt. — Vltionem suam innocens intue-
tur Exercitus, & victoriæ præstitæ otiosus
spectator efficitur. — Triumphant Pontifi-
ces, hostibus fuscis sine sanguine: triumphat
Victoria, fide obtenta non viribus. Compo-
sitâ itaque opulentissimâ Insulâ securitate
multiplici, superatisq; hostibus, vel spirituali-
bus, vel carne conspicuis (quippe qui vicissent
Pelagianistas, & Saxones) cum totius mærore
Regionis, reditum moliuntur. Hoc demum
est pugnare, hoc vincere, hoc trium-
phare.*

Nec hoc semel. Hæresin eandem in
Angliâ iteratò pullulantem, tandem pe-
nitentius extirpauit. Et, ne quid minus in
patriâ,

patriâ, quàm trans mare, patraret : nomine, & re barbarum Alemannorum Regem Eocharich, Aremoricanum tractum, barbarâ ferociâ, & Exercitu opprimentem, solus ipse obuiam progressus, increpat inter suorum cateruas resistantem : & *ad extremum, manu iniectâ freni habenas inuadit, atque in eo loco, vniuersum sistit exercitum.*

Et nos hîc sistamus, & cum cælesti Exercitu beatam æternitatem adeuntem, votis, precibusque prosequamur.

Id contigit Anno Christiano 435. 31. Iulij.

C. SOL-



C. SOLLIUS SIDONIUS
 APOLLINARIS, GALLVS,
 A Q V I T A N V S.

ASSERTIO IURISPER.

Iuris peritis illum accenset Epi-
 taphium illis verbis:

Rector militiæ, FORIQUE IUDEX.

DIVINVM DE EIVS SANCTI-
 TATE TESTIMONIUM.

DE hoc Sancto Aruernorum Episco-
 po, alteri item Sancto Episcopo
 credamus, atque eius non modo Autho-
 ritate, & Fide: sed & verbis ad maio-
 rem fidem, atque etiam gratam varieta-
 tem, utamur. Is est Gregorius Turo-
 nensis, qui in historiâ Francor. (:lib. 2.)
 ita de nostro Beato Iurisperito scriptum
 reliquit.

*Defuncto apud Aruernos Namatio, Episco-
 po, successit Eparchius vir sanctissimus. Quo
 migrante, SIDONIUS ex Praefecto substituitur,*
 VII

vir secundum seculi dignitatem nobilissimus, & de primis Galliarum Senatoribus: ita ut sibi filiam Auiti Imperatoris in matrimonio sociaret. Cum autem esset magnificæ sanctitatis, plerumque nesciente coniuge vasa argentea auferebat à domo, & pauperibus erogabat. Cumq; ad officium Dominicum fuisset mancipatus, & sanctam ageret in saculo vitam, surrexere contra eum duo Presbyteri, & ablatâ ei omnipotestate à rebus Ecclesiæ, arctum ei victum, & tenuem relinquentes, ad summam eum contumeliam redege're. Sed non longi temporis spatium inultam eius iniuriam diuina voluit sustinere clementia. Nam vnus ex his, nequissimis, & indignis DEI Presbyteris, cum ante noctem minatus fuisset, eum de Ecclesiâ velle extrahere, signum ad matutinas audiens fuisse commotum, feruens felle contra Sanctum DEI surrexit, hoc iniquo corde explere cogitans, quod die præcedente tractauerat. Ingressus autem in secessum suum, dum ventrem purgare nititur, spiritum exhalauit. Vnde indubitatum est, non minoris criminis huius reum esse, quam Arium illum, cui similiter in secessu fuere interna

terna deposita per partes inferiores egesta ; quia nec istud sine haresi potest accipi , vt in Ecclesiâ non obediamus Sacerdoti DEI , cui ad pascendum oues commissa sunt , & ille se ingerat potestati , cui neque à DEO , neque ab hominibus aliquid est commissum. Dehinc beatus Sacerdos, vno manente adhuc nihilominus inimico , suæ restituitur potestati.

Factum est autem posthac , vt accedente febre , agrotare cepisset : qui rogat suos , vt eum in Ecclesiam ferrent. Cumq; illuc inlatus fuisset, conueniebat ad eum multitudo virorum, ac mulierum, simulq; etiam & infantium plangentium, atque dicentium, Cur nos deseris, Pastor bone, vel cui nos, quasi orphanos derelinquis? Nunquid erit postmodum, qui nos sapientia sale sic condiat, aut ad Domini nominis timorem, talis prudentia ratione redarguat? Hac, & similia, populis cum magno fletu dicentibus, tandem Sacerdos, Spiritu in se Sancto influente, respondit: Nolite timere, ô populi, ecce frater meus Aprunculus viuit, & ipse erit Sacerdos vester. Qui non intelligentes, putabant eum loqui aliquid in ecstasi. Quo migrante, Presbyter

ter ille nequam, alter ex duobus, qui remanserat, protinus omnem facultatem Ecclesiae, tamquam si iam Episcopus esset, inhians cupiditate praecipuebat, dicens: Tandem respexit me DEVS, cognoscens me iustiores esse SIDONIO, largitusq; est mihi hanc potestatem.

Cumq; per totam urbem superbus ferretur, adueniente die Dominico, qui imminabat post transitum Sancti viri, preparato epulo, iussit cunctos ciues in domo Ecclesiae inuitari: despectisq; senioribus, primus recubuit in thoro. Cui oblato pincerna poculo, ait: Domine mi, vidi somnium, quod si permittis, edicam. Videbam hanc nocte Dominicâ, & ecce erat domus magna, & in domo erat thronus positus, in quo quasi Iudex residebat, cunctis potestate praestantior: cui assistebant multi Sacerdotum in albis vestibus: sed & promiscua populorum turba valde innumera-biles. Verum cùm hac trepidus contempla- rer, conspicio eminus inter eos Beatum astare SIDONIVM, & cum Presbytero illo tibi carissimo, qui ante hos paucos annos de hoc mundo migravit, attentè litigantem: quo deuicto,

deuictō, iubet Rex, vt in imis carceris angustijs retrudatur. Ablatōq; isto, contra te iterum suggerit, dicens: Te in eo scelere, propter quod ille prior damnatus fuerat, fuisse participem. Verū vbi Iudex, quem ad te transmitteret, sollicitē cepit inquirere, ego me inter reliquos occulere cepi, & à tergo statui, tractans apud memetipsum, ne fortē qui notus sum homini mittar.

Dum hac mecum tacitus voluerem, amotis omnibus, remansi solus in publico: vocatusq; à Iudice, propius accedo. Cuius virtutem, atque splendorem contuens, cepi hebes effectus, titubare præ metu. Et ille: Ne timeas, puer, inquit, sed vade, dic Presbytero illi, Veni ad respondendam causam, quia SIDONIVS te accersiri deprecatus est. Tu verò ne moram facias, ad eundem, quia suborandi (:malim legere, Iurandi:) testificatione mihi præcepit Rex ille, tibi hac loqui, dicens: Si tacueris, morte pessimā morieris. Hæc eo loquente, exterritus Presbyter, elapso de manu calice, reddidit spiritū, ac de recubitu ablatu, mortuus sepulturae mandatus est, possessurus infernum cum satellite suo.

Haec-

Haftenus ex Gregorio Turonenſi illuſtre de ſanctitate noſtri SIDONII teſtimonium. Cui, quo maior fides ſit, aſtipulatur Chronicon Comitum Andegauenſium illis verbis :

SIDONIVS Aruernenſis Epiſcopus ſub Theodorico Iuniorẽ claret. Hunc duo Presbyteri arcebant. Sed vnus eum eiecturus, emiſit interna per poſteriora: alter, eo mortuo, dum in locum Epiſcopi, ad Eccleſiam ſedet, pincernâ narrante viſionem, id eſt, quod eum SIDONIVS vocabat ad iudicium ante Iudicem, mortuus eſt.

Sed ne quis queratur, de tanto viro ſolum illud teſtimonium, quantumvis Diuinum, afferri : viſum eſt eius Epitaphium hĩc integrum deſcribere, vt Claromonte in Aruerniã legitur: vbi Epiſcopus fuit: ex quo totius Vitæ velut Epitomen liceat colligere. In Editione Operum SIDONII lo. de VVouweren Pariſienſi, anni 1598. ita ad verbum habet, non ſinẽ mendis, vt videtur, in poſtremis Verſiculis.

C. SOL-

C. SOLLI MODESTI
SIDONII APOLLINARIS
Epitaphium.

SANCTIS contiguus, sacroq; patri
Vivuit sic meritis, APOLLINARIS,
Illustris titulis, potens honore,
Rector militia, FORIQUE IVDEX,
Mundi inter tumidas quietus vndas.
Causarum moderans subinde motus,
Leges barbarico dedit furori.
Discordantibus inter arma regnis,
Pacem concilio reduxit amplo.
Hæc inter tamen & philosophando
Scripsit perpetuis habenda seclis.
Et post talia dona gratiarum,
Summi Pontificis sedens cathedram,
Mundanos soboli refudit æctus.
Quisq; hic dum lachrymis DEVM rogabis,
Dextrum funde preces super sepulchrum,
Nulli incognitus, & legendus orbi.
Illic SIDONIVS tibi inuocatur.

xii. Kal. Septemb. Zenone Imp.

Floruit Anno Christi 480.

B O E T I V S
C O N S V L , E T M A R T Y R ,
R O M A N V S .

A S S E R T I O I V R I S P E R .

Procopius Belli Goth. lib. i.

*Philosophia supra ceteros, & AEQVITA-
TI studuit.*

Ipse Boëtius, lib. i. de
Consol. Phil.

*Meministi (Philosophiam alloquitur) vni-
uersi innocentiam Senatus, quātā mei pe-
riculi securitate DEFENDERIM. Lo-
quitur de Defensione quæ in F O R O ,
& I V R E fit.*

SEd quid ego probare conor, Boëtium
fuisse Iurisperitum? ipsa Iurispruden-
tia, si tota periisset, in solo Boëtio repe-
riri posset, aut ab ipso solo à mortuis ex-
citari. Itaque alia potius ex eius Vitâ,
Eruditione, Virtutibus, non tam dica-
mus, quàm libemus, & maximè ex ip-
siusmet Boëtij libris hauriamus: quo-
niam

niam neque est, qui eius res accuratius sciat; neque qui narret fidelius. Igitur lib. 1. de Consol. Phil. eius sunt inter alia, ista:

Tu mihi, & qui te Sapientium mentibus inseruit DEVS, estis conscj, nullum me ad Magistratum, nisi commune bonorum omnium studium detulisse. Inde cum improbis graues, inexorabilesq; discordias fuere, & (quod Conscientiae libertas habet) pro tuendo IVRE, spreta potentiorum semper offensio. — Quoties miseros, quos infinitis calumnijs, impunita barbarorum semper auaritia vexabat, obiecta periculis authoritate protexi? Nunquam me à IVRE ad iniuriam quisquam detraxit. — Cum acerba famis tempore, grauis, atque inexplicabilis indicta coemptio, profligatura inopia Campaniam Prouinciam videretur; certamē aduersus Praefectum Praetorij, communis commodi ratione suscepi; Rege cognoscente contendere: & ne coemptio exigeretur, euici. Adeste, Iurisperiti: hunc spectate, hunc tamquam nobile Exemplar, vobis proponite imitandum. Habetis, quā ratione Iurisprudentiam ve-

stram rectè, & Christianè impendatis. Sed plura de ipso, ab ipso audite.

Paulinum Consularem virum, cuius opes Palatini Canes iam spe, atque ambitione deuorassent, ab ipsis hiantium faucibus retraxi. Ne Albinum, Consularem virum præiudicata accusationis pœna corripere, odijs me Cypriani delatoris opposui.

Magnæ omnino virtutes istæ, & quas Theologi Heroïcas vocare solent. Visnè etiam aliquid de tanti viri Eruditione? Accipe ab impio Rege Theodorico, qui antequam in hunc Martyrem sæuisset, ita ad illum scribebat, apud Cassiodorum, lib. 1. Epist. 45.

Hoc te multâ eruditione saginatum ita nosse didicimus, vt artes, quas exercent vulgariter nescientes in ipso disciplinarum fonte potaueris. Sic enim Atheniensium Scholas, longè positus introisti: sic palliatorum choris miscuisti togam, vt Græcorum dogmata doctrinam feceris esse Romanam.—Translationibus tuis Pythagoras Musicus, Ptolemæus Astronomus leguntur Itali: Nicomachus, Arithmeticus, Geometricus Euclides audiuntur

tur Aufonij : Plato Theologus, Aristoteles Logicus Quirinali voce disceptant : Mechanicum etiam Archimedem , Latialem siculis reddidisti. Et quasunque disciplinas, vel artes fecunda Gracia per singulos viros edidit, te vno authore , patrio sermone Roma suscepit. Quos tantâ verborum luculentiam reddidisti claros , tantâ linguae proprietate conspicuos, vt potuissent & illi opus tuum praeferre, si vtrumque didicissent.

Nihil dicit hic Rex de Boëtij sacrâ Eruditione, quæ in eo fuit vel maxima. Itaque dum carcere propter virtutem teneretur , scripsit & nobiles illos de *Consolatione Philosophia*, Libros, & de *SS. Trinitate*, vt alia omittam.

Mortem potius magni huius Senatoris audiamus , si tamen mori potuit homo immortalis. Mortuus planè est, sed *morte pretiosâ in conspectu Domini* , cuiusmodi esse solet *Mors Sanctorum eius*. Hâc etiam alienis verbis narrabo , ne quis de meo aliquid me addidisse existimet , cum tam stupenda audierit. Igitur ita Julius Martianus in Boëtij Vitâ.

Ticini incola semper à maioribus traditum constanter asseuerant, Seuerinum, cum regius spiculator letale vulnus intulisset, vtrâque manu diuulsum caput sustinuisse: interrogatumq; à quónam se percussum existimaret? Ab impijs respondisse. Atque ita cum in vicinum templum venisset; & flexis genibus ante Altare SACRA PERCEPISSET; post paullulum expirasse. Extinctus DIVINOS HONORES à nostris consecutus est, quod PRO CATHOLICIS, CONTRA PERFIDIAM ARII, MORTEM SVSTINVERIT.

Obijt Anno Christi 526.

SYM-

SYMMACHVS
CONSVL, ET MARTYR,
ROMANVS.

ASSERTIO IVRISPER.

Procopius, Belli Goth. lib. I.

*Philosophia supra ceteros, & AEQVITA-
TI studuit.*

Hic ille est Symmachus IVRISCON-
SVLTORVM decus, ille Martyr,
Boëtij Iuriconsulti, & Martyris Socer,
tum ab alijs laudatissimis Viris; tum ab
ipso genero Boëtio magnificè commen-
datus. Boëtij iam commendationem,
tamquam domesticam, omittamus. A-
liorum de ipso testimonia hoc breuif-
simum ipsius elogium nobis potius con-
ficient. Ad hunc igitur Librum suum de
Ponderibus, & Mensuris Priscianus Cæ-
sariensis misit, quem ita exorsus est:

*Omni te, Symmache, nobilitatis splendore
celebratum, ac omni natura munere præstan-
tem, omni virtutis luce fulgentem: studijs
etiam optimarum artium, disciplinarumq;*

florentem, iustissimèq, prospera fortuna meritis vitæ probantem, fama quidem antea nobis absentem, venerabilem faciebat: nunc autem præsentem, veritas supergressa laudes prædicationis ostendit. Mediocritatis enim altissima, quâ superbia calcos tumores, & pietatis ponderibus gravissimis superas omnia.

Ennodius porrò, Romanos Ciues clarissimos enumerans, & Festum Symmacho iungens, de ijs ita scribit:

*Festus, & Symmachus, omnium disciplinarum materia, & constantes formæ Sapientia, de Vrbe sacratissimâ non recedunt. In ipsis est nobilis Curia Principatus: quos vidisse, erudiri est. Non apud eos sermo de ludicris, nec pantomimorum vix cognoscenda commemoratio. Isti auram popularem, per pudoris detrimenta non cupiunt; contenti re-
ctis magis placere, quàm plurimis. Sortiuntur de innocenti actione testimonium.*

Audi & Procopium lib. i. de Bello Gothico, qui indignissimam eius necem, à tyranno Theodorico illatam, ita describit.

*Symmachus, & huius gener Boëtius, à
suis*

suis maioribus gentis nobilitatem adepti, inter Romanos, & Senatorios viros, principes erant, & Consulatus vtrique dignitate perfuncti, Philosophiæ supra ceteros, & aequitati studuerunt: multisq; tam Ciuium quàm externorum inopiæ succurendo salutifuerunt. Hi postquam ad ingentem gloriam euasere, deterrimos quosque in sui inuidiam concitarunt. Nam his delatoribus Theodoricus Rex persuasus, Symmachum, Boëtiumq; perinde ac res nouantes occidit, eorumq; bona omnia publicauit. Vide, an dubitari possit, hosce verè esse Martyres, qui pro Iustitiæ sanguinem fuderint, vitamque adeò ipsam. Sed si quid dubij esset, id sustulit incorruptus Iudex, & ultor DEVS. Pergit Procopius:

Sed paucis post diebus, cœnanti sibi (Theodoro tyranno) cum miræ magnitudinis piscis ministri decoctum caput apposuissent, Symmachi nuper occisi caput, illi est visum, præfixis, & extantibus inferiore in labro dentibus, & toruè intuentibus oculis, furibundè sibi, & acerbè comminari. Vnde monstri nouitate territus, membrisq; præter modum

tremebundus, & rigens, in cubiculum statim citato gradu secessit : identidemq; iubendo, togarum vt sibi vim magnam ingererent, lecto decubuit, & parumper quieuit. Elpidio deinde medico, omnibus, quemadmodum accidissent, diligentius explicatis, in Symmachum, Boëtiumq; à se scelus patratum deflebat. Quo denique deplorato ex acceptâ calamitate, dolore ingenti affectus, haud longè post moritur. Ista Procopius. Magna planè sunt ista. Sed quod est omnium maximum audiamus à Pontifice Maximo, Gregorio Magno : qui in Dialogis suis, lib. 4. cap. 30. Iulianum Defensorem narrantem audiuerat, quæ ego hic totidem verbis ponam, vel potius verba ponam Solitarij cuiusdam magnæ virtutis (vt illum S. Gregorius vocat) quæ pater focerî illius Defensoris ex ipsomet Viro DEI audierat. Sunt ista :

Mortuus est Rex Theodoricus : nam hesterno die horâ nonâ, inter Iohannem Papam, & Symmachum Patricium, discinctus, & discalceatus, & vinctis manibus deductus, in hanc vicinam Vulcani ollam iactatus est.

Vera-

Veracem fuisse narrationem, inde colligit Sanctus Pontifex, quod cum procul abesset Solitarius ille à Rege Theodorico (quippe in Insulâ Lypari habitabat) non nisi diuinitus eodem die, quo contigit, eius mortem rescire potuit.

Sed quænam illa Vulcani olla? Audi ipsum Theodoricum Regem, dum homicidam quemdam, in eam Insulam deportari iubet, sic eam describentem, apud Cassiodorum lib. 3. c. 48. *Ardet continuò inter vndas medias, montis quantitas indefectâ. — Potentia siquidem diuina, sic de contrarijs rebus miraculum facit esse perpetuum, vt palam consumpta, occultissimis instauret augmētis.* Huc homicidam mittit: Homicida Rex ipse eodem missus est.

Obijt Anno Christi 526.

S. EBRVLPHVS

ABBAS, GALLVS.

ASSERTIO IVRISPER.

Vita antiquitús Gallicè
conscripta.

*Childebertus Rex, eius nominis primus, eum
creauit Magistrum Libellorum Supplicum:
eratq; Orator facundissimus, aptissimus
CAVSIS AGENDIS inter Aulicos.*

TAntus cum esset Ebrulphus in Au-
lâ Regis magni, multo maior euasit
in Aulâ Regis Maximi; Cuius vt audiuit
diuinam illam vocem : *Qui vult venire
post me, abneget semetipsum, & tollat cru-
cem suam, & sequatur me: protinus eam re-
gulam sibi sequendam putauit.* Itaque pa-
rentibus ortus, non modò illustribus,
sed & copiosis: cùm etiam vxorem ha-
beret pari nobilitate, & opibus: vxorem
quidem sanctis Christi ancillis, volen-
tem commendauit; opes verò in egenos
vniuersas erogauit.

Tum

Tum liber, & expeditus, eremum petens cum socijs aliquot, deducente DEI Angelo, in locum venit, situ quidem asperum, & horridum, sed crySTALLINIS fontibus irriguum. Ibi, cum tuguriola aliquot, arborum ramis, & cespite contruxisset; & vni DEO, salutique suæ vacarent: quanto magis latere peroptabant, tanto maiores ad eos concursus fiebant, Christianarum virtutum odore alliciente.

Itaque qui ignotum viuere se posse sperauerat; postulantibus tot fidelium coetibus, ne talenta sibi concredita abscondere videretur, eò deuenit, vt quindecim Monasteria extrueret, & regeret: in quibus non tantum viri; sed & sacrae Virgines angelicam inter homines vitam ante exutam mortalitatem, ducebant. Omnino cellulæ mille, quingentę fuisse scribuntur.

Poteram hic longum texere virtutum eius catalogum: poteram Miraculorum (in quibus illud ad æternam memoriam illustre, Quod cum ex eius alumnis v-

nus

nus, non perceptâ Eucharistiâ defunctus esset; eatenus illi vitam restituit, dum diuino ino viatico muniretur) sed solitæ breuitatis memor, de extremo vitæ eius actu, illud solum dicam, Languebat, deficiente natura Senex octogenarius: & forte Christi, ad quem anhelabat, amore magis languebat. Afferebat ad eum pro se quisque vel cibi, vel portionis, quod afflictum recreare posse existimabat: at ille, reiectis omnibus, ipsos septem, & quadraginta dies, solo Christi sanctissimo Corpore, & sanguine refocillatus, transegit: cum interea non cessaret pro more, fratres suos diuinis monitis confirmare.

Verus hîc, vti semper sermo tuus, Christe, Veritas æterna, quo dixisti, Ministros tuos, non modo æqualia; sed maiora etiâ facturos, ijs, quæ tu Omnipotens patraisti. Quadraginta dies sine corporeâ escâ aliquando in deserto vixeras: Ebrulphus tu⁹ ad hûc numerû, septenos addidit. At tu illi infinitas beatitudinis æternitates.

Ad illas migravit anno Christi 525. 29. Decemb,
Hæc ex Vitâ quæ apud Surium, 29. Decemb,

A VRELIVS CASSIO-
DORVS, CONSVL,
ROMANVS.

ASSERTIO IVRISPER.

Theodoricus Rex, lib. I. Variarum Cas-
siod. Epist. 4. ad Senatum Rom.

*Vixit tantâ cōtinentiâ, vt AEQVITATEM
& INSTRVERET monitis, & doceret
exemplis.*

ALloquar te, Magne Cassiodore in
huius modici Elogij principio, ijs
verbis quibus allocutus te est tuus Rex,
Theodoricus, cum te ad Comitatus euo-
caret. Conuenit etiam te requiri, qui nostra
fecisti eximie tempora predicari. Ornasti
conscientie integritate Palatia: dedisti po-
pulis altam quietem. Hinc omnibus factus
notior: quia multum in potestate ne-
sciunt; praesentati autem tribunalibus, I-
DICEM sine aliquo damni terrore viderunt:
pretiosior factus cunctis, quia nullo premio
vendebaris. Quis talem non desideret vide-
re, cui nos publice constat gratiam contulisse?

Nam

Nam qui alterum reprimere conati sumus, te etiam Palatio teste, laudauimus.

Hæc Regi de te credere debemus, Cassiodore Palatium pro teste producenti, qui vitâ, & factis Palatio te maiorem ostendisti, dum Palatium ipsum sancto Monasterio commutasti: memor illius: *Nolite confidere in Principibus; magisque probans abiectionem in Domo DEI tui, quàm habitare in Tabernaculis peccatorum.*

In eo Monasterio, facile credi potest, quàm sanctè vixeris, quæ vitâ, & Scriptis docueris, qui in vitâ Aulicâ & Senatoriâ, *in medio nationis prauæ*, tam fueris incorruptus. Regem paulò antè de te loquentem audiuius: te ipsum iam potius audiamus, tanto Rege maiorem, quanto te abijcis magis. Audi illum, Lector, Præfectum Prætorio factum, ad Iohannem Roman. Pontificem, scribentem, lib. xi. Epist. ii.

Supplicandum vobis est, Beatissime Pater, ut letitiam, quam per vos, DEO largiente percepimus, custodiri nobis vestris orationibus

bus sentiamus. — Celestis princeps mihi filio vestro intelligentiæ sensus aperiat, ut quæ verè sunt vtilia, sequar, quæ vitanda, refugiam: Vigor ille rationabilis animæ nobis consilium præstet; facies veritatis albescat; ne mentem nostram innubilet caligo corporea. Sequamur quod intus est, ne foris à nobis simus: instruat, quod de verâ sapientiâ sapit: illuminet, quod celesti claritate resplendet. Talem denique IUDICEM excipiat publicus actus, qualem Filium Catholica mittit Ecclesia. — Monete, quæ sunt gerenda sollicitè: benè agere vel correptus exopto; quia difficilius errat ovis, quæ voces desiderat audire Pastoris. — Sum quidem IUDEX Palatinus: sed vester non desinam esse discipulus.


O verè Humilitatis Magister! Ô verè Christi Discipulus, dū eius Vicarij adeò impensè vult esse Discipulus! Quàm benè meminit, & amat illud, Qui se humiliat, exaltabitur!

*Concludo verbis celeberrimi Anna-
lium Scriptoris Baronij, Christi Anno
562. Qui vegetiorem at a tem in optimâ regni
guber-*

*gubernatione vtiliter, honorificèq, consum-
sit; nec in decrepitâ senectute, labores, ad res
diuinas conuersos, vel minimum intermit-
tens, in suo Monasterio tandem sancto sine
quienit.*

• Nempe Anno Christi 562.

SAN-



SANCTVS GREGORIVS
MAGNVS, PAPA,
ET CONFESSOR,
Romanus.

ASSERTIO IVRISPER.

Iohannes Diaconus, Vitæ S.

Gregor. lib. 1. cap. 4.

*Conuersionis suæ gratiam protrahens, tutius
 se Christo famulaturum putauit, si sub
 PRAETORIS VRBANI habitu mun-
 do specietenus deseruiret,*

Ipse S. Gregorius VRBANA PRÆFE-
 CTURA se functum testatur lib. 3.
 Epist. 2.

Loquatur Orbis Vniuersus Virtutes,
 & Immortalia Opera huius morta-
 lis Angeli, & immortalis hominis.

Loquantur tota Monasteria, quæ fun-
 dauit, quibus præfuit, quæ Legibus opti-
 mis, & melioribus Exemplis, téperauit.

Loquantur Legationes quas obiuit:
 Hæretici, quos reuicit, quos conuertit:
 Episcopi, & totæ Ecclesiæ, quas correxit.

Loqua-

Loquatur Pontificatus, quem inuitus, & diuinitus coactus, suscepit, sanctitate illustrauit, summâ prudentiâ gessit, pari constantia defendit.

Loquantur Concilia, & Synodi, quas congregauit, quibus per suos Legatos præfuit, quas confirmauit, quarum Decreta accuratè seruari curauit.

Loquatur, & deprædicet Orbis terræ Caput, Roma, cui litterarum studia, mores Christianos, virtutes reduxit.

Loquatur præ omnibus Romana Ecclesia, omnium Ecclesiarum Mater, & Magistra, hunc Patrem hunc Magistrum nacta: qui eam antiquæ dignitati restituit, & talem, qualis sub Apostolis ipsis prima floruerat.

Loquantur nihilominus adiuncti huic Ecclesiæ tot populi, ac in primis Saxones Angli, huius Angeli operâ, ipsi Angeli facti.

Loquantur peruicaces anathemate percussi; & sic defuncti, anathemate post mortem soluti.

Loquantur Pueri Ethnici, magno ære
ad

ad hoc emti, vt Christianis doctrinis imbuerentur, Christo renascerentur, Christo viuerent, & in Christo more-
rentur.

Loquantur & perfidi Iudæi, Christo adiuncti, impietate, & pecuniarijs pensionibus liberati.

Loquantur Xenodochia ab eo erecta, optimis legibus constituta, redditu annuo liberalissimo dotata, optimis Rectoribus subiecta.

Loquantur Eleemosinæ publicæ, priuatæ, quibus omni hominum generi, munificentia Regiâ prospectum.

Loquatur Mensa ipsa Gregorij, non magis Gregorij, quàm Pauperum, quos ille secum adhibebat; loquantur hi ipsi pauperes: sed inter eos loquatur cum Pauperibus aliquâdo admissus Angelus.

Loquatur præ omnibus (cuius virtute & gratia, hæc omnia patrabat magnus hic Pontifex) Christus IESVS ad ipsam eandem mensam & ipse pasci dignatus.

Nos verò impares minimæ eius actioni exponendæ, fileamus.

Vt tamen habeant Iurisperi, quibus potissimum hæc scribimus, quo zelo arderet hic magnus Iurisperitus Iustitiæ, etiam Vindicantis, refero breuissimè historiam, quam de eo affert Io. Diaconus, lib. 2. cap. 43. eamque de Iudice, Iuris non nimium amante. Is cum ob relictam Coniugem à S. Pontifice, æquitatis amantissimo, communione priuatus fuisset: consultis Magis, id obtinuit, vt cum ad stationem ipse Pontifex eques proficisceretur, immisso Cacodæmone adeò eius quadrupes vexaretur, vt nec à Sessore, nec à famulatio, iam cohiberi posset. Tunc Gregorius, inquit Diaconus, reuelante Spiritu sancto, *Demoniacam immisionem cognoscens, facto crucis signaculo, tam caballum à presenti rabie liberauit, quàm Maleficos perpetuâ cecitate multauit. Quos reatum suum, suggestionem incesti Iudicis, confitentes; ac postmodum ad sacri baptismatis gratiam venientes, luminibus quidem, ne Magiam relegerent, reddere noluit: eos tamen Ecclesiasticâ stipe nutriri præcepit.*

Obijt Anno Christi 604. 12. Martij.

S. IOHANNES DAMASCENVS, PRESBYTER
ET CONFESSOR, SYRVS,
Damascenus.

ASSERTIO IVRISPER.

Ioannes Patriarcha Hierosolymitanus,
in Damasceni Vita.

Sarracenorum Dux Iohannem inter primos
CONSILIARIOS constituit. Iterum
ibid. *Est posthac PRIMVS A CON-*
SILIIS nostri Principatus, & absque
CONSILIO, *requisitioneq; tua prauia,*
nihil agetur.

HVnc Ioannem *Chrysoroam* dictum
fuisse testatur Theophanes, quòd
merum *Aurum* ex eius vitâ, scriptisque,
tamquam è clarissimis Fontibus, efflue-
ret. Auitum ei cognomen erat *Mansur*,
quod vernaculâ voce *Redemptum* inter-
pretari licet. Cæterum vulgò, *Damascen-*
us à Damasco Patriâ vocitatus est.

Hic igitur natus, vbi Apostolus in
Christo renatus, & ex Saulo, Paulus fa-
ctus

Etus: ibi vterque cælesti Philosophiâ instructus, & ille huius æmulator egregius, tamquam si illi peculiariter ab isto dictum esset illud: *Imitator meus esto, sicut & ego Christi*. Neque errare mihi videor, si dicam à Magno Gentium Doctore illi Præceptorem missum, *Cosmam* illum, admirabilem Ascetam, à quo & morum sanctitatem, & scientiarum omnium consummatam Encyclopædiam, tenerioribus adhuc annis, pleno pectore avidus hauriret.

Ab hoc Cosmâ, vt Paulus ab Ananiâ, institutus Ioannes Damasci, & Damascenis suis, & Orbi vniuerso euasit tamquam alter Doctor Gentium. Testes diuini illi libri, quos de Fide Orthodoxa edidit: quos etsi rectè inchoat ab illa dilecti Discipuli diuina sententia, *DEVM nemo vidit vnquam*: ita tamen in ijs loquitur, vt ipsi singulariter illud cōuenire videatur, quod mox adiungit Ioannes, *Vnigenitus Filius, qui est in sinu Patris, ipse enarrauit*. Et quidem etiam illud rectè, In DEO quædam esse ἀρρήτα, quædam

quædam ῥητά: ipsi tamen Damasceno, si fas dicere, nihil ἄρρητον fuisse videtur, sed omnia nota, omnia *effabilia*, quantum in hominis mentē, hâc adhuc mortalitate circumfusam, cadere potest. Liceat & ex alijs eius operibus immortalitate dignissimis, testimonia alia haurire, si cui vacet, & lubeat; maximè ex eo, quod scripsit de Diuino, & verè Angelico Cantico TRISAGIO, & ex *Historiâ* illâ Mysteriosâ de *Barlaam & Iosaphat*: qui partus ab alio ingenio, quàm beatissimi Damasceni, prodire non potuit. Et quidem de eius scriptis tantillum hausisse sufficiat. Accipe iam tantundem de eiusdem Vitâ, id est, guttam ex Oceano.

Pro Sacris Imaginibus, earumque veneratione, hic venerandus, cum tam solidè, & sapienter, quam apertè & clarè scripsisset: lumen tantum non ferens obscœnus ille vespertilio, Leo Isaurius Imperator, verè crudelitate leo, ac sic monstrum è vespertilione, & Leone mixtum: vide, quemadmodum cœlesti igne accensam facē, extinguere aggressus sit.

Mittit ad Sarracenorum Principem, (cui à Consilijs Iohannes erat) epistolam, tamquam à Iohanne ad ipsum Leonem datam; quâ se Ciuitatis, Principatus, & Domini sui proditorem profitebatur, si Imperator eo vti vellet. Ea epistola, etsi ab improbo scriba, improbioris Domini iussu, asimilato Iohannis charactere cōficta erat: tamen præpropere credulus Sarracenus Iohanni dexteram, quæ tantum nefas ausa esset, amputari iubet, ne quicquam DEVM, hominesque testanti, ac tempus modicum, innocentiae suæ ostendendæ, flebiliter postulanti. Verum cum non audiretur, hoc saltē iam truncatus rogat, vt manus, quæ ad ludibrium, & exemplū in foro, triste spectaculum, pendeat, sibi remittatur. Redditam coram Deiparæ Imagine, exanimem, & exanguem expandit: brachio restitui, & reconnecti rogat, & Diuā in somnis assistente, momento obtinet. Hæc illa dextera est, quæ immortalia illa volumina conscripsit, quæ antè memorauimus: ac in primis Magnæ Matris Virginis laudes, &

& debitâ sacris Imaginibus venerationē.

Iam Asceta factus, quis enarret, quæ exhibuerit Humilitatis, Obedientiæ, Caritatis, Silentij, aliarumque virtutum exempla? Hoc vnum habe, in quo definam. Iussit aliquando eius Magister magnum corbium numerum (erat ea textura Monachis tum familiaris) Damascum à Iohanne deferri, ibique vñum exponi, neq; aliter distrahi, quam præscripto pretio; id erat duplum, supra fas, moremque. Lætus Damascum Iohannes petit; corbes exponit: sed pro pecuniâ irrisionem refert, & conuitia ab indignantibus, aut stoliditatem ridentibus.

Erat Iohannes vultu pallido, & ab ieiunijs exsucco, & exangui: vestitu obsoleto, & lacero. Agnitus tamen à quodam curiosius intuente, & considerante; ac simul reputante, quo semet abijceret, ille, non multò antè eadem in Vrbe tam inclytus; admiratione in miserationem versâ, sportulas omnes tanti, quanti indicabantur, coëmit, Iohannemque ad Magistrum, gratulabundum dimisit.

Floruit Anno Christi 725. Obijt 6. Maij.

S. HVBERTVS

I. EPISCOPVS LEODIENSIS,
GALLVS, AQVITANVS.

ASSERTIO IVRISPER.

Antiquus Author vitæ Sancti
HVBERTI parte I. C. I.

HVBERTVS *erat* COMES PALATII.

Hic paulum herendum, Lector amice, vt tibi explicem, quâ ratione, Comitem esse Palatij secum trahat, Esse IVRISCONSULTVM. Hauriam aliquid ex ijs, quæ ipse scripsi in Notis meis ad illud, cap I. n. 17. vbi ita aio :

Hi Comites in Galliâ esse solebant IVDICES Ordinarij. Itaque Gregorius Turonensis, de S. Nicetio agens, Armentarium Comitem ait, *Lugdunensem Urbem* POTESTATE IVDICIARIA gubernasse. Carolus Magnus in Capitulari, lib. 4. cap. 5. vetat, *Comitem de IUSTITIA FACIENDA se excusare*; iubetque vt SCABINOS suos habeat. Vide idem Capitul.

Capitul. lib.2. cap.6. Hæc æquo, & erudito homini cuius sufficient, vt S. HVBERTVM, PALATII COMITEM IVRISCONSULTVM fuisse, sibi persuadeat.

Iam, de eius Vitâ, Sanctitate, Virtutibus, quid ego hic multis agam, cum totam eius Historiam volumine satis amplo, ante plures annos ediderim? Inde petat, cui lubebit. Quia tamen liber ille non omnibus ad manum est: pauca, & strictim ista indico:

○ S. HVBERTVS nobilissimâ stirpe editus, (quippe Parente utroque è Regio Francorum sanguine, longâ serie propagato) condigno studio, & ab illis, & à sanctissimâ Matronâ Odâ, amitâ suâ, ad pietatem educatus est. Vix adoleuerat, cum truculenti illius Ebroini tyrannidem fugiens, in Austrasiam, ad cognatum Principem Pipinum venit.

Venationi dum operam dat, Crucifixi inter cerui cornua, prodigioso conspectu recreatus, & sermone instructus, Lambertum Sanctum Pontificem adit; à

S. HVBERTVS

I. EPISCOPVS LEODIENSIS,
GALLVS, AQVITANVS.

ASSERTIO IVRISPER.

Antiquus Author vitæ Sancti

HVBERTI parte I. C. I.

HVBERTVS erat COMES PALATII.

Hic paulum herendum, Lector amice, vt tibi explicem, quâ ratione, Comitem esse Palatij secum trahat, Esse IVRISCONSULTVM. Hauriam aliquid ex ijs, quæ ipse scripsi in Notis meis ad illud, cap I. n. 17. vbi ita aio :

Hi Comites in Galliâ esse solebant IVDICES Ordinarij. Itaque Gregorius Turonensis, de S. Nicetio agens, Armentarium Comitem ait, *Lugdunensem Urbem POTESTATE IVDICIARIA gubernasse*. Carolus Magnus in Capitulari, lib. 4. cap. 5. vetat, *Comitem de IUSTITIA FACIENDA se excusare*; iubetque *vt SCABINOS suos habeat*. Vide idem Capitul.

Capitul. lib.2. cap.6. Hæc æquo, & erudito homini cuius sufficient, vt S. HVBERTVM, PALATII COMITEM IVRISCONSULTVM fuisse, sibi persua-
deat.

Iam, de eius Vitâ, Sanctitate, Virtutibus, quid ego hic multis agam, cum totam eius Historiam volumine satis amplo, ante plures annos ediderim? Inde petat, cui lubebit. Quia tamen liber ille non omnibus ad manum est: pauca, & strictim ista indico:

S. HVBERTVS nobilissimâ stirpe editus, (quippe Parente utroque è Regio Francorum sanguine, longâ serie propagato) condigno studio, & ab illis, & à sanctissimâ Matronâ Odâ, amitâ suâ, ad pietatem educatus est. Vix adoleuerat, cum truculenti illius Ebroini tyrannidem fugiens, in Austrasiam, ad cognatum Principem Pipinum venit.

Venationi dum operam dat, Crucifixi inter cerui cornua, prodigioso conspectu recreatus, & sermone instructus, Lambertum Sanctum Pontificem adit; à

quo in alium virum, DEO intus operante mutatus : nihil prius habuit, quàm vt à se pœnas exigeret ob vitam superiorem, iuuenili licentiâ , minus ex pietate actam.

Tum eodem Numine instigante, Romam petijt, Principum Apostolorum sacra pignora veneraturus. Ibi de cari Magistri Lamberti pretiosâ morte diuinitus admonitus & ipse, & Pontifex S. Sergius , piam altercationem ineunt; dum HVBERTVM Sergius Tungrensem Episcopum esse iubet, HVBERTVS indignum se eo fastigio clamitans, oblatam dignitatem refugit. Litem diremit DEI Angelus , Pontificalia Martyris Lamberti & indumenta, & ornamenta afferens : diremit & DEI Mater, prodigiosam illam stolam mittens, quæ hodieque, post octo seculorum volumina, post quotidianos ferè forficis morsus (vtar S. Paulini verbis, dum de Christi Cruce loquitur) *In materiâ insensatâ vim viuam tenens; ita ex illo tempore, innumeris penè quotidie hominum votis, lignum suum* (byssum,

yflum, aurumvè suum) commodat, vt
rimenta non sentiat, & quasi intacta
maneat, quotidie diuiduam sumentibus;
semper totam venerantibus.

Sed hæc pluribus, & explicatius mihi
ripta sunt in Historiâ.

Redit cum Stolâ sanctâ Episcopus Hv-
BERTVS, & Vitam verè Episcopalem
git; id est Virtutibus eo gradu dignis
oruscantem; quas hîc non attingam, ne
ongius, vel inuitus abripiar.

Post annos vitæ ferè 72. Episcopatus
31. sanctissimè moritur Christi Domini
anno 727.

Eum Miracula, & diuinitus patrata
Prodigia ita toto orbe celebrem reddi-
derunt, vt perpetuo eius, ac multiplici
cûltu, ex eo tempore, multifariam pro-
pagato, vel parum Christianus censea-
tur, qui ad solum HVBERTI. auditum
nomen, non tangatur religione: vel pla-
nè idiota, qui illud, eiusque gloriam
ignoret.

Obijt Anno Christi 727. 3. Nouemb.

quo in alium virum, DEO intus operante mutatus : nihil prius habuit, quàm vt à se pœnas exigeret ob vitam superiorem, iuuenili licentiâ , minus ex pietate actam.

Tum eodem Numine instigante, Romam petijt, Principum Apostolorum sacra pignora veneraturus. Ibi de cari Magistri Lamberti pretiosâ morte diuinitus admonitus & ipse, & Pontifex S. Sergius , piam altercationem ineunt; dum HVBERTVM Sergius Tungrensem Episcopum esse iubet, HVBERTVS indignum se eo fastigio clamitans, oblatam dignitatem refugit. Litem diremit DEI Angelus , Pontificalia Martyris Lamberti & indumenta, & ornamenta afferens : diremit & DEI Mater, prodigiosam illam stolam mittens, quæ hodieque, post octo seculorum volumina, post quotidianos ferè forficis morsus (vtar S. Paulini verbis, dum de Christi Cruce loquitur) *In materiâ insensatâ vim viuam tenens; ita ex illo tempore, innumeris penè quotidie hominum votis, lignum suum* (byssum,

yflum, aurumvè suum) *commodat*, vt
trimenta non sentiat, & *quasi intacta*
maneat, *quotidie diuiduam sumentibus*;
semper totam venerantibus.

Sed hæc pluribus, & explicatius mihi
 scripta sunt in Historiâ.

Redit cum Stolâ sanctâ Episcopus Hv-
 BERTVS, & Vitam verè Episcopalem
 agit; id est Virtutibus eo gradu dignis
 coruscantem; quas hîc non attingam, ne
 longius, vel inuitus abripiar.

Post annos vitæ ferè 72. Episcopatus
 31. sanctissimè moritur Christi Domini
 anno 727.

Eum Miracula, & diuinitus patrata
 Prodigia ita toto orbe celebrem reddi-
 derunt, vt perpetuo eius, ac multiplici
 cultu, ex eo tempore, multifariam pro-
 pagato, vel parum Christianus censea-
 tur, qui ad solum HVBERTI. auditum
 nomen, non tangatur religione: vel pla-
 nè idiota, qui illud, eiusque gloriam
 ignoret.

Obijt Anno Christi 727. 3. Nouemb.

quo in alium virum, DEO intus operante mutatus : nihil prius habuit, quàm vt à se pœnas exigeret ob vitam superiorem, iuuenili licentiâ , minus ex pietate actam.

Tum eodem Numine instigante, Romanam petijt, Principum Apostolorum sacra pignora veneraturus. Ibi de cari Magistri Lamberti pretiosâ morte diuinitus admonitus & ipse, & Pontifex S. Sergius , piam altercationem ineunt ; dum HVBERTVM Sergius Tungrensem Episcopum esse iubet, HVBERTVS indignum se eo fastigio clamitans, oblatam dignitatem refugit. Litem diremit DEI Angelus , Pontificalia Martyris Lamberti & indumenta, & ornamenta afferens : diremit & DEI Mater, prodigiosam illam stolam mittens, quæ hodieque, post octo seculorum volumina, post quotidianos ferè forficis morsus (vtar S. Paulini verbis, dum de Christi Cruce loquitur) *In materiâ insensatâ vim viuam tenens ; ita ex illo tempore, innumeris penè quotidie hominum votis, lignum suum* (byssum,

(byſſum, aurumvè ſuum) *commodat, vt detrimenta non ſentiat, & quaſi intacta permaneat, quotidie diuiduam ſumentibus; & ſemper totam venerantibus.*

Sed hæc pluribus, & explicatius mihi ſcripta ſunt in Hiſtoriâ.

Redit cum Stolâ ſanctâ Episcopuſ HVBERTVS, & Vitam verè Episcopalem agit; id eſt Virtutibus eo gradu dignis coruſcantem; quas hîc non attingam, ne longius, vel inuitus abripiar.

Post annos vitæ ferè 72. Episcopatuſ 31. ſanctiſſimè moritur Chriſti Domini anno 727.

Eum Miracula, & diuinituſ patrata Prodigia ita toto orbe celebrem reddiderunt, vt perpetuo eiſ, ac multiplici cultu, ex eo tempore, multifariam propagato, vel parum Chriſtianuſ cenſeatur, qui ad ſolum HVBERTI. auditum nomen, non tangatur religione: vel planè idiota, qui illud, eiſque gloriam ignoret.

Obijt Anno Chriſti 727. 3. Nouemb.

B. GODEGRANDVS
EPISCOPVS METENSIS,
GALLVS, LEODIENSIS.

ASSERTIO IVRISPER.

Molanus in Natalib. SS. Belgij,
die 6. Martij ex Vitâ
B.Godegrandi.

*Carolus Martellus eum in Aulam vocavit, &
à CONSILIIS suis esse iussit: in quâ fun-
ctione, se Clericorum, & Monachorum
Patronum, & ADVOCATVM præbuit.*

PAUCA de hoc B. Godegrando (alij Gro-
dogandum vocant) mihi legere conti-
git: sed in quibus multę eminent, & ma-
gnę virtutes.

Ei pater Illustris Comes Sigramnus :
mater, Landrada, Pipini Maioris neptis,
Caroli Martelli filia. Totâ vitâ pietati;
adolescens litteris operam nauavit: in
vtrisque plurimum profecit. Prima rudi-
menta inter Ascetas Monasterij S. Tru-
donis posuit: extremam manum Me-
tæ

tæ (nota, & nobilis vrbs est) imposuerunt.

Eum ex Hasbaniâ oriundum, paternis opibus opulentissimum, Episcopum sibi Metensis Clerus legit: quem sacrum Magistratum etsi sedulus obibat: nihilo secius Palatij Princeps, Galliæ totius Dux, & CONSILIARIUS porro erat. Ei Stephanus Pontifex (quem Godegrandus in Galliam deduxit) non modo Pallium, Archiepiscoporum gestamen, concessit; sed & per totas Gallias, Episcopos initiandi potestatem. Pater pauperum audiebat: Ecclesiam suam Metensem tum redditibus annuis auxit, distauitque: tum optimis præceptis imbuuit, additis sanctæ potissimum vitæ suæ exemplis.

Quinetiam Canonicos intra eadem tecta coactos, Religiosorum more, simul viuere instituit. Eiusdem Ecclesiæ interiorius Sanctuarium, regio splendore ædificauit, ornauitque.

Duo Monasteria extruxit, & opulentâ dote constabiliuit.

Iterum Romã profectus, Paulo Pontifice, tria Sanctorum Corpora ab eo obtinuit, secumque in Galliam reuexit, Gorgonij, Naboris, & Nazarij.

Inter hæc, sui contemtor egregius, habitu vilissimo utebatur; sic, vt qui aliunde non nôset, ex habitu non agnosceret: imo qui satis nôset, abiecto circumdatum schemate, penè ignoraret.

Horrido cilicio, ac perpetuo ieiunio corpus spiritui subditum premebat.

Denique, *Fuit mitior columba*, (verba sunt Authoris) *clementior agno*, *innocentior vitulo*.

Vitam hanc desijt Anno Christi, DEI-Hominis 765. & beatiorẽ, virtutum suarum dignum præmium, inchoauit, 6. Martij.

S. CA-

S. CAROLVS MAGNVS
IMPERATOR,
GALLVS.

ASSERTIO IURISPER.

Eginardus in vita Caroli
Magni.

*Si Comes Palatij litem aliquam esse diceret,
quæ sine eius iussu definiri non posset; sta-
tim litigantes introducere iussit, & velu-
ti pro TRIBVNALI sedens LITE CO-
GNITA, SENTENTIAM DIXIT.*

Quid attinet, plura afferre, quibus
hunc Imperatorem *Iuris* fuisse peri-
tum ostendatur, cum grandia volumina
extent LEGVM, & Ecclesiasticarum, &
Ciuium, ab ipso editarum? Collegit eas,
& Capitulorum vocabulo edidit Anse-
gisus, Abbas Lobienſis. CAROLVM
hunc meritò MAGNVM Maiores nostri
dixere. Quamquam rectius Maximum,
sive potius ter Maximum, aut TRIS-
MEGISTVM dixissent.

Per-

Percurre mecum, Lector, & recogita huius Heroïs res gestas, vel bellicâ gloriâ, vel Christianæ pietatis miraculo illustres, & verè Heroïcas.

Saxones domuit, & iugo suo, & Christi subiecit: eosdem rebellantes ter binis vicibus ad officium reduxit. Hunnos, Sclauos, Dalmatas, cum circumiectis vicinis; Nauarros, Hispanos, Vandalos, Aquitanos, Longobardos, Bohemos, Nortmannos, siue Dános, facili negotio, armis deuicit. Harum nationum plerisque Christianam fidem intulit, aut labefactam restituit. Tempia, Basilicas, Palatia plurima, Regio opere extruxit. Concilia, & Synodos, assentiente, & laudante Rom. Pontifice, plura denis celebrari curauit. Nec facilè bellum aliquod aggrediebatur, nisi Antistitum prius conuentu coacto, & consulto.

Romam, Christianæ Religionis arcem, quater adiit, tum pietatis causâ; tum vt Summum Pontificem, vel contra calumnias, vel contra impia arma tueretur.

In omnes quidem Ecclesias: sed maximè in Romanam, munificentissimus fuit, cui, vt alia fileantur, Saxoniam subiecit, Gallias fecit vectigales, cum se & filium, & defensorem Ecclesiæ vocari vellet.

Totum Orbem liberalitate suâ, sed potissimum pauperes, ornauit. Neque inter hæc studiorum oblitus est. Bonas litteras excoluit, tum ferè iacentes. Euangelia cū Græcis, & Syriacis Exemplaribus collata, emaculari curauit. Idola passim contriuit, eorum Tempia solo æquauit, vel in Dei Ecclesias transformauit, metamorphosi beatâ.

Quid igitur mirum, si talem virum, Leo 3. Pontifex, inuitum licet, & renitentem, Rom. Imperatorem pronuntiavit, & suis manibus coronauit? Audi Cleri, & Pop. Rom. tum repetitam tertio acclamationem:

CAROLO PIISSIMO A VGUSTO, & DEO CORONATO, MAGNO, *Pacifico*, IMPERATORI ROMANORVM, VITA, & VICTORIA.

*cem Agrippinensium , pacem fecit , annoq³
M. XXI. XI. Kal. Maias pretiosâ morte vi-
tam commutavit. Situs est Leodij in septo
Diui Laurentij. Maternum traxit genus (vt
tradunt) ex domo clarissimorum Principum
Flandriæ. nam Gothofredi Ducis Montani e-
rat Filius, ex Iohannâ Filiâ Comitis Flandriæ
Balduini Iunioris , Monachus Stabulaunicus,
Decanus Ecclesiæ Traiectensis in Frisiâ , Sa-
cerdos Henrici Augusti (Est hic S. Henri-
cus, cuius vxor S. Kunegundis , vterque
in coniugio Virgo) ac Regni Cancellarius,
Leodiensis ad postremum Episcopus.*

*Tanto ardore orasse traditur, vt continen-
ti poplitum flexione grandes genibus obduxe-
rit callos. Frigoris, vigilia, inedia, adeò pa-
tiens, vt asperâ sæpè hyeme, nudis pedibus in
templis pernoctaret. Maximus egenorum a-
mator, & adiutor. Vir antiquâ fide, & vir-
tute, magnâ eruditione, perspicaci ingenio,
ac gyganteâ, vt ferunt, staturâ. Hæc om-
nia, Meyerus. Ex Anselmo verò ista;
quæ refero, partim illius, partim meis
verbis:*

*Sacram Scripturam, non modò lecti-
tabat*

tabat assidue, sed & ipsemet (ô occupationem Sancto Pontifice dignam!) diligenter docebat.

Ieiunio pasci videbatur, potius, quam cibo: qui ubi sumendus erat, ex appositis vilissima quæque esiebat: lautiora pauperibus distribui iubebat.

Cùm accideret, nihil restare, quod mendicis largiretur, tapetia, aliamvè Ecclesiæ suppellectilem vel donabat, vel commodabat, donec ab œconomo redimerentur.

Illud planè memoriâ, & imitatione dignissimum. Nescio, quâ de causâ offensus Imperator, V Volbodoni minus se pacatum exhibebat. Eum cum placandum vir sanctus iudicaret; pecunias alicunde colligens, Coloniam properabat oblaturus. Sed pauperum memor, Cur non potius, inquit, pauperum parentem, cæli Regem, beneuolum nobis reddamus? quo utique conciliato, etiam mortalis Imperatoris gratiam sperare liceat, cum cor Regis in manu DEI sit. Et cum dicto, quidquid argenti collegerat,

rat, in egenos nocte erogavit. Mira omnino est vis virtutis, mirus splendor. Imperator, qui pecuniam avidus (fama afferri vulgauerat) expectabat, vbi sancti Episcopi factum audiuit; adeò non ægrè tulit, vt vltro etiam collaudaret: & *ex splendido illo sui contentu, vnde amplius eum laudaret, inuenerit.*

Neque contentus VVolbodo, Cæsaris sibi gratiam conciliaffe; Sancto etiam Heriberto, Colonienfi Archiepiscopo in re simili, operam dedit: & eo quidem successu, vt cum eum Imperator iniurijs multis indignè affecisset: monente B. VVolbodone, supplex illi fieret, & à Sanctissimo Antistite veniam postularet.

His, alijsque pietatis studijs immorans, cælo iam maturus, à S. Laurentio de imminente corporis dissolutione admonitus, paulò post cum eo ad illum migravit, æternum victurus, cui vterque vitam, mortemque suam consecrauerat.

Id accidit, vt suprà tetigi, anno 1021. 21. April.

B. LIETBERTVS
EPISCOP. CAMERACENSIS,
GALLVS.

ASSERTIO IVRISPER.

Baldericus Nouiomenfis, & Tornacen-
fis Episcopus in Chronico Came-
racensi, & Atrebatensi,
lib.3. cap. 61.

Gerardus Pontifex fecit illum (Lietbertum)
semper consistere in præsentiâ suâ, & la-
teri suo adharere: & in IVDICIIS suis,
tam PUBLICIS, quàm priuatis, AV-
DITOREM in primis, & mox IVDI-
CEM, insistere.

Molanus in Natalib. SS. Belg. 23. Iunij,
ait, fuisse *Consulem populorum, & IVDI-*
CEM multiplicium causarum.

Nobili stirpe satus hic Lietbertus, è
Prouinciâ Brachatenfi, nobiliter à
Gerardo Episcopo educatus, ipsi suo
Educatori in Episcopali Sede successit,
à B. Vedasto tricesimus primus Camera-
censis,

cenſis, & Atrebatenſis Antiſtes, ſacrum illum Principatū capeſſiuit anno 1050. at eo, & ſimul vitā defunctus eſt anno 1076.

Præter Iudicis munus, etiam *Archidiaconatu, & Præpoſiturâ*, inquit Baldericus, à Gerardo donatus eſt. *Quibus acceptis honoribus ita utebatur, vt maioribus perfruendis dignior iudicaretur.*

Et verò perfruitus eſt. Nam aliquanto poſt, ſublato rebus humanis Gerardo, iubente Henrico Imperatore, Cameracenſis Epiſcopus renūtiatur cū plauſu omnium planè extraordinario, & vt ſic dixerim, Paradoxo. Etenim nobile illud Eccleſiæ Canticum, *Te DEVM laudamus*, à Diuiſ Ambroſio, & Auguſtino olim compoſitum, & rebus lætiſſimis decantari ſolitum, ipſe Cæſar, ſuauiſter modulans inchoauit, & cum Clero, ac Populo Eccleſiam petens, ad finem uſque eſt proſecutus.

Tam læta initia res deinceps non perinde proſperæ exceperunt. Redeunti nouo Pontifici Iohannes quidam, homo
ambi-

ambitiosus, & violentus, Ciuitatis ingressum negat, nisi Castellani officium ipsi conferat. Sed turpiter ipse Iohannes à Comite Flandriæ expellitur: Lietbertus gloriosè ingreditur, officiumq; memoratum Hugoni legitimo hæredi defuncti Castellani, vt decebat, concedit.

Pupugit ea res Iohannem. Itaque ad Imperatorē profectus, eum contra Lietbertum, simulque Flandriæ Comitem vehementer accendit. Qui iræ impotens, exercitum in Comitibus terras rapit, easque depopulatus, igni, ac ferro vastat. Lietbertus nihilo secius, Iustitiæ retinens, nouum Castellatum tuetur. Sed urgente Imperatore, vt Castellatura (sic Baldericus vocat) Iohanni concedatur; primum animi incertus Lietbertus, tandem malis coactus, potentiori cedit. Rebus tamen Lietberti sapientiâ compositis, cum Hugo iterum castellaturam adeptus, tyrannum potius ageret, quàm Castellatum; & ab Episcopo excommunicatus, vicinum Cameracensi Ciuitati locum munivisset, indeque latro-

num

num in morem, prædas ageret; ab Episcopo inde eiectus est. At Hugo Episcopus, oues suas (vt bonum Pastorem decebat) regionatim visitantem, pressius obseruans, in pago quodam quiescentem obruit, & nudum capit, abducitque. E cuius tamen manibus ereptus Lietbertus, istis, totque alijs calamitatibus fortissimè, atque constantissimè superatis; ad Religionis, ac Munificentiae studia conuertit animum.

Nam & DEI Genitricis Ecclesiam Cameraci magnis redditibus auxit: & sacrosancti Sepulchri Dominici Monasterium extruxit, dotauique.

Demum, cum reuerendâ canitie caput albêret; emorienti iuuentutis florem, coloremque rediisse, obseruauere, qui aderant: utique vt intelligeretur, *renouatam* item, vt *aquila*, animi eius *iuuentutem*, æternum in cælo vernare.

Obijt Anno Christi 1076. 25. Iunij.

S. K A.

S. KANVTVS

DANIAE REX, ET MARTYR,

DANVS.

ASSERTIO IVRISPER.

Saxo Grammaticus, Histor.

Danicæ lib. xi.

*Probationis IVSTITIAE cultum feueriffi-
mis edidit INSTITVTIS.*

ETIAM REGES in hoc IVRISPERI-
TORVM Theatrum producimus. An
si Iustinianus, Sanctus fuisset, dubitaret
quisquam eum Sanctis Iurisconsultis ac-
censere, qui Iurisprudentiam ita dispo-
suerit, & ediderit, vt pro eius Authore
haberi queat? An si Hippocrates Medi-
cinam nunquam exercuisset, scripssisset
autem ea Præcepta, quæ scripssisse sci-
mus; negaremus Medicum fuisse? Vi-
truuius nihil fortè vnquam ædificauit:
non tamen ideo Architectum fuisse in-
ficiabimur, qui eam Artem sic tradide-
rit, vt ex eo, tamquam Principe, omnes
Architecti hauserint. Quid igitur ob-
stat,

stat, quo minus Regem hunc nostrum, Iurisperitum, & quidem maximum, agnoscamus, qui in suo Regno id præstitit in Iure restituendo, quod Iustinianus in Romano præstitit Imperio?

Cum Magnatum insolentiâ, inquit Saxo, solutos hebetatosq; prisci IVRIS nervos aspiceret, omnibus ingenij modis, ad reparandam patrij moris disciplinam connisus, probatoris IVSTITIAE cultum seuerissimis edidit institutis: contusumq; & labentem AEQUITATIS tenorem in pristinum habitum reuocauit. — Omnia antiquæ consuetudinis momenta præcurrens, labefactatum IVRIS vinculum tenacissimo nexu astrinxit.

Præclaræ hæ laudes, & planè Regiæ. Sed nec aliæ innumeræ defunt ei, qui omnibus virtutibus heroicis cumulatus fuit.

Adolescens adhuc & penè puer *Myoparonum Piratica monstra perdomuit. Sembicis, atque Estonicis illustrem trophæis adolescentiam egit, nouisq; virium gradibus paterni roboris fundamenta transcendit.*

Sacros homines adeo est veneratus,

vt

vt non contentus omni eos liberalitate
 prosequi: *cum ab inertī, & rudi populo, pa-
 rum iustam Pontificibus venerationem ha-
 beri conspiceret: ne tanti nominis potiores
 inter priuatos relinqueret, decreti circum-
 spectioris industriā—ipsis primum inter Pro-
 ceres locum, perinde ac Ducibus, assignaue-
 rit, auctoritatem honore concilians.*

Eius porro in sacra loca munificen-
 tia, quanta fuit! Audi (vt de alijs filea-
 tur) de vnicâ Aede Laurentianâ, in cuius
 primâ Dedicationis die, Rex solemniter Al-
 taria veneratus, quartam regij numismatis:
 quartam suâ in ciues exactionis; quartam
 æstiuī census portionem, ei, qui pro tempore
 loci Antistes extiterit, muneris loco perpetuo
 iure possidendam conceßit.

Cæterarum eius Virtutum ne nudum
 quidem indicem angusta hæc pagella
 capit. Quæ Virtutes, quantumuis & plu-
 rimæ, & maximæ, nec subditorum, nec
 proprii sanguinis inuidiam, infidias,
 crudelitatem auerterunt. Nam & iuue-
 nis adhuc, deficientibus à se copiis, (quæ post
 patris mortem, fratri eius Haraldo, ig-

naviâ corrupto, adhærebant) *tribus dumtaxat rostratis navibus, in angustissimas Scanici maris fauces profugus elabitur, Regno carere iussus, cuius ipse incolumitatem protexerat, terminos auxerat: & Rex in adultâ iam fortunâ, alterius fratris Olavi indignam perfidiam, cum Proceribus conspirationem, proditionemque expertus est. Cuius auctoritatem secuti cum plebe Magnates, Blaccone in primis amici specie, proditorem agente, sanctum Regem, frustra semel, iterumque fugæ præsidio nitentem opprimunt.*

In Aedem sacram, Numen precaturus, concesserat: in quâ dum maximè orationi intentus, totus è DEO pendet; valuas Blacco, cunctantibus cæteris, ferro petit, & multitudine exemplum sequente irrumpit: non sacrilegij modò se, sed publici etiam parricidij ducem præbens, atque authorem. Cæsis pluribus, atque inter cæteros, Benedicto, Regis fratre: Rex ipse, metu vacuus, mortem, non refugere, sed innocentia fretus, appetere videbatur. *Itaque propassis*

sis utrimque brachijs ante aram, dum victimam more prostratus, percussorem expectat, immissa per fenestram lancea mortifico iactu confossus, pium mortis sacrificium edidit, profusoq; militum sanguine, suum ad ultimum erogavit.

Fortunate Heros ! Tibi *Iurisprudentia* plurimum debet, quam corruptam in Daniâ tuâ restituiſti: tibi *Iustitia* omnia fert accepta, quam cum in omni vitâ verbo, exemploque docuiſſes; ad postremum ipsam quoque vitam pro eâ, iniquorum manibus trucidatus, profudiſti. Id ne quis in dubium vlllo modo reuocare posset, tot à te edita prodigia ediderunt: & quautumuis contumaces Sacrilegi, tandem falsi sunt, malis edocti, cladibus attriti.

Passus est sanctus Rex Christi Anno 1081. 7. Ianuarij.

S. H V G O

Episcopus Gratianopolitanus,
G A L L V S.

ASSERTIO IVRISPER.

Guigo, primæ Carthusiæ Prior, in vitâ
S. Hugonis, iussu Innocentij
Papæ conscriptâ.*Frequentissimè suorum, & alienorum CAV-
SAS MVNDANAS, & Ecclesiasticas,
audiebat, ventilabat, terminabat.*

EST hic H v g o inter eos Sanctos Epi-
scopos, quos Episcopatus ambiuit,
non ipsi Episcopatum. Gratianopolita-
no Antistite rebus humanis exempto, ad
Synodum, quæ tum forte Auenione con-
gregata erat, Canonici cōueniunt, com-
pertoque adesse Hugonem, etiam tum
iuuenem (quippe annos septem, & vi-
ginti non excedebat) eum maximè suæ
Ecclesiæ præfici rogant. *At verò ille, (in-
quit Author) repentino timore concussis ab*
imo

*imo visceribus, toto veniti corpore, magnifq;
clamare vocibus, & sese atate, scientiâ, &
postremo moribus, & vitâ tantis mysteriis
imparem cœpit affirmare; nec vllatenus pati,
in suâ salutis periculum, suâ vilitate Officia
veneranda fœdari. Sed nimirum vrgen-
tibus Patribus, ac in primis Pontificio
Legato (qui aliquanto antè domesticum
cum sibi, & adiutorem adiunxerat) sub-
eundum iugum, quamuis renitenti, fuit.
Subijt igitur: sed eiusdem opinionis re-
tinens, supra quinquaginta annos, qui-
bus Ecclesiæ suæ præfuit, semper se eo
dignitatis gradu indignum iudicauit,
semper eo exui optauit; nonnunquam
& tentauit semel, iterumque Rom. Pon-
tificem, vel per internuntios, vel coram,
eo nomine supplex veneratus.*

Porro in ipsius Episcopatus admini-
stratione, incredibile memoratu est, quæ
conatus sit, quæ effecerit, quæ passus sit.
Erat eâ tempestate, non modo populus,
sed & clerus prope vniuersus diuinarum
rerum flagitiosè rudis, incompositus in
moribus, disciplinæ, pulli instar onagri,
G 3 impa-

impatiens. Sacerdotes ipsi publicè vxores ducere, nuptias celebrare, Sacerdotia nundinari, Ecclesiæ decimas, cæterosque prouentus, cognatis, alijsvè vel donare, vel vendere, sacra & prophana omnia miscere, fas, nefasque susque deque habere. De populo, frustra dicam: tute arbitrari ex sacrorum hominum flagitijs potes. Hanc Hydram aggressus Hugo, in eam sic pugnauit, vt vniuersis capitibus Diuini Verbi gladio resectis, dici possit expugnasse.

Inter hæc Brunonem, memorabilem illum Carthusiensis Instituti Patriarcham, cum socijs excepit, Eremum ijs attribuit; consilijs. & beneficijs fouit; eorum ipse, ac deinceps reliquorum consilijs perpetuò vsus, &, si permisissent, imperijs obtemperaturus. Certè, quod ei Episcopale fastigium non permisit, Patri suo, iam propè decrepito persuasit. Nam is, filij hortatu, horridam illam, ac prope modum crudelem, certè crudam, vt sic dicam, carni vitæ rationem, octogenarius aggressus, decem ipsos, & octo annos

nos in eâ duravit, eiûque centenarius, aut præter propter, est immortalis : Filio Hugone optimum Parentem, in extremâ illâ luctâ, omni ope, studio, operâ iuvante, & tam carum spiritum excipiente, ac quodammodo amplectente. In quo tam suavi amplexu acquiescentem æquum est, ut ne turbemus.

Cælum petijt anno Christi 1132. Aprilis 2.

G 4

S. THO-



S. THOMAS
ARCHIEPISC. CANTVAR.
ET MARTYR, ANGLVS.

ASSERTIO IURISPER.

Dubitet de magni Martyris peritia Iuris, qui nesciat, fuisse Regni Angliæ CANCELLARIUM, & IUS non quouis modo defendisse, sed pro IURE mortem obijisse, Martyrium subiisse.

SANCTAE VITAE, ET MORTIS ALIQVOT CAPITA.

Hic ille Cantuariensis Antistes est, quem iure vocemus Iurisperitorum Sanctissimum, & Sanctorum Iurisperitissimum. Cui ita cordi IUS fuit, ut non modò illud probè calleret, non modò ab eo nec latum vnguem recederet; sed constanter tueretur, sed contra quorumuis iniurias defenderet, sed vitâ quoque, & sanguine fuso, ad extremum retineret, ac velut Trophæum, &

& in suâ Ecclesiâ ad Tholum suspende-
ret, & ante Thronum Aeterni Agono-
thetæ, laureatus statueret. Nec conten-
tus ipse, Iuris tramitem, nusquam de-
clinantem, nusquam euariantem, recto
vestigio tenere, alijs quoque intrepidus
præscripsit, & tergiuersantes vrsit. At
quomodo vrsit? quis? quos? Cancellar-
ius Regnum; Antistes Clerum. Parum
est. Exul: (quis alius similia?) Exul, in-
quam, vrsit Regem, & Regem furentem.
Audi ipsum, in nobili illâ Epistolâ, quâ
relegatus ad Angliæ Episcopos dedit:
*An ignoratis, Fratres, quoddam chaos magnum,
in fraudem Legis, & Canonum, inter nos, &
vos firmatum sit, ut non possit aliquis de no-
stris sine discrimine capitis, vel captionis, vel
truncationis membrorum, ad vos transire?*
Quid igitur? Regem, qui hoc chaos fir-
mauit, qui discrimina illa, qui captiui-
tatem, qui truncationem minatur, non
audes officij sui commonere? maximè
verò, inquit. Audi loquentem exulem.
*Permittat (Rex) Ecclesiam frui pace, & li-
bertate sub ipso, tanquam sub Rege Christia-*

niſſimo: Eccleſiam Romanam vti IVRE, & libertate in terrâ ſuâ, quam habere debet, & habet in cæteris Regnis: reſtituat Cantuariæ Eccleſiæ, & Nobis IVRA ſua, & libertates, & omnia ablata cum pace, & ſecuritate noſtrâ. Et. mox: Iſtæ ſunt dignitatis Regiæ leges optimæ, quas petere debet, & obſervare Rex Chriſtianiſſimus. Quid tibi iſta videntur? Magna omnino ſunt, imò maxima, ſed hætenus verba ſunt, & verba Exulis quidem, ſed tuto in loco poſiti; & cui Rex, quantumvis furibundus, nocere, tum quidem non poterat. Fac ita eſſe.

Non ſemper abſuit: redijt; coràm locutus eſt: quid dico, locutus? coràm, & cominus certavit, & omnes Regis Satellites, vnico Patientiæ & Sacerdotalis Conſtantiæ clypeo armatus, ſuperavit. Cum in dies, (ait Gulielmus Neubrigenſis, cauſæ alioqui huius Archiepiſcopi iniquior, & in Regem propenſior) Regij furoris cauſæ ingraueſcerent, eo die, quo plenius reſponſurus erat obiectis, ſolemne illud officium de B. Stephano, ſcilicet, Sederunt Prin-

Principes, & aduersum me loquebantur, & iniqui persecuti sunt me, *iussit coram se, in celebratione Sacrificij solemniter decantari. Mox Curiam ingressus, Crucem argenteam ante se portari solitam, manu propriâ baiulauit. Sed hæc aliquanto antè. Alius postea cantus auditus, alia Crux baiulata. Specta igitur iam extremum huius Sancti vitæ actum. Narrat, qui pars fuit Tragœdiæ, (Edouardus Monachus apud Surium, & Stapletonum, in vitâ Sancti Thomæ,) in quâ & altero brachio multatus est. Cum beatus Martyr *cervicem orantis in modum inclinasset*, impius Sicarius *coronam capitis eius amputauit*. Hæc prima plaga. Altera, *Additus alter ictus in sacrum caput, nihil illo se commouente. Tertiâ, cerebrum pariter cum sanguine, è capite in eius faciem defluxit. Quartâ, Hugo quidam, posito in eius collum pede, cerebrum simul, & sanguinem, per pauimentum sparsit, & recedens ait: Abeamus hinc, iste posthac non resurget. Imo resurget, impie, & immortalitatis coronam, pro illâ am-*
*putatâ**

putata recipiens, te, tuosque socios iustissima sententia percellet, quam à Sanctis sacrilegos par est expectare.

Passusest Anno Christi 1170. 29. Decemb.

IOHAN.



IOHANNES DE FLO-
RENTIA, ITALVS,
TVSCVS.

ASSERTIO IVRISPER.

S. Antoninus, par. 3 Tit. 24.
capite 9. §. 1.

*Erat IVRISPERITVS, & in Castellana
Ciuitate IVDEX.*

A Equumne censeam, Vir Sanctissi-
me, vt ideo te præteream, quia
Iudicis Dignitatem, Diuino Miraculo
excitatus, deseruisti? Absit. Nam dum
perfectiora sequeris, non ideo iudi-
cabas vel malum, vel impium esse, quod
antè sectabaris: sed viam præibas alijs ad
meliora: & secessione tua alios inuita-
bas, vt, si minus Officium deferendum
censerent, omnino tamen defererent vi-
tium, & abusum, qui Officio potest, &
solet plurimum officere. Audi Histo-
riam, Lector, & intelliges, quid velim.
Sed audi verbis ipsius S. Antonini, loco
allegato, ne, si parum libenter audias,
meis

meis verbis professionem tuam fugillari existimes : etsi nec ipse Antoninus fugillat , sed professionis , vt dixi , dumtaxat abusum.

Cum esset Iohannes IURISPERITVS, & in Castellana Ciuitate, IVDex, vnâ dierum per fenestram respiciens, vidit quendam custodem porcorum, porcos includere non valentem, sed hinc inde fugientes : edoctus à socio his verbis eos incantare, ait : Porci, porci, porci, intrate in castella, sicut Iudices, & Iurisperiti intrant in infernum. Quo dicto, statim porcorum multitudo, sine grunnitu, intrat castellum. Ob hoc, diuino timore, ne scilicet cum esset Iudex, & Iurisperitus, intraret in infernum, considerans periculum sui status, contemptis omnibus, cum Filio, quem iam habebat, Religionem Minorum intrauit.

Hæc Antoninus ad verbum de occasione, qua inductus est Iohannes de Florentia, vt se DEO gratissimum holocaustum offerret. Iam ex eodem Authore, de eiusdem beati Viri vita, pauca attexamus.

Proxi-

Proximus à B. Francisco fuit Generalis sui Ordinis Minister. Magnam eius Ordinis partem ex officio visitauit, nudis semper pedibus. Lacrymis è pietate manantibus assiduè perfundebatur.

Cùm in Hispaniâ, noxiâ siccitate perirent fata, & terræ genimina, precibus beatus hic vir oportunam pluuiam è cælo obtinuit.

Vanitatem, & pompam Titulorum adeo abhorrebat, vt vetuerit quemquam in Minorum familiâ, quantumuis eruditione quauis imbutum, vel Magistrum vocari, vel Dominum: satis esse si Fratres dicerentur.

Illud magnum fuit, atque adeo splendidum, tum ipsi, tum toti S. Francisci Religioni:

Dissidium ingens erat inter Gregorium Nonum Pontificem, & Fridericum Cæsarem; quod nulla humana industria extinguì posse videbatur. Rebells Populus Romanus ad Fridericum inclinabat. Hic Pontifex, omnibus circumspèctis, ad negotium componendû, aptior-
rem

rem Iohanne de Florentia reperit neminem. Qui Romam missus, Populum ad officium, omni ope, & opera reducere conatus; cum nihil proficeret: At vos, inquit, quod sponte facere renuitis, breui erit, cum inuiti, atque adeo coacti, Numine vrgente, facietis. Verum fuisse Vatem, probauit non ità multò post, euentus. Tiberis enim ripas suas immensum egressus, eam in altitudinem excreuit, vt Urbem & præsenti malo terreret, & peiorū expectatione suspenderet. Ex quo factum, vt Romani ad officium, obedientiamque, salubriter flagellati redirent.

Aliud paulò post Iohanni negotium, domesticum magis subortum est. Mota à quibusdam Religiosis quæstio super S. Francisci Regulâ, quam rigidiorē dictitabant, quàm vt ab humana imbecillitate, ita vti verbotenus sonabat, vita ipsa exerceri posset. Reclamabat vehementer Generalis, nihil in ea esse asseuerans, quod DEO bene iuuante, omnibus tam boni Patris, genuinis filijs, non modo

do

IOHANNES DE FLOREN. 161
do facile , verum etiam obseruatu iu-
cundum non esset. Appellatus super ea
controuerfia Pontifex, quędam aliquan-
tum mitigare visus est. Porro Iohannes
Pontificis quidem authoritati obedi-
ter acquieuit: sed dolore animi fatiscēs,
Generalatu sponte se abdicauit.

Floruit Anno Christi 1227.

NO.



NOTARIVS ANONY- MVS, MARTYR.

ASSERTIO IVRISPER.

Vita S. Antonij de Padua
13. Iunij.

NOTARIVS ibi dicitur. Hoc sufficit.

VBique se offerunt Sancti IVRIS-
PERITI, etiam vbi minimè quæ-
ras, aut putes. Fuit Antonius, quem de
Padua vocant, magnus omnino Sanctus:
sed Iureconsultum fuisse, nusquam le-
go. At dum vitam eius lego, Sanctum
Iureconsultum reperio. Res ita se habet.

Cum nulla virtus S. Antonio deef-
set; omni etiam Miraculorum patran-
dorum cuiusque generis potestate erat
præditus. Inter quæ occultorum cogno-
scendorum, & futurorum prædicendo-
rum facultatem maximi semper feci,
quam Prophetiam vocant. Hac Moy-
sen, Dauidem, Isaïam, aliosque similes
DEVS illustravit: nec faciliè alios, nisi
amicos

amicos suos singulares. Inter hos erat etiam hic de quo loquimur, S. Antonius. Ergo tum alia multa vidit, & prædixit, tum historiam illi debemus, quam ad institutum nostrum facientem, iam narrare aggredior.

Morabatur aliquando Vir beatus in Ciuitate Podiensi, præeratque fratribus suis cum potestate, sacræ Præfecturæ, quam qui exercet, Guardianus à S. Francisci alumnis dicitur. Degebat tum eodem in Oppido Iurisconsultus quidam (nomen non proditur) professione NOTARIVS, cui, quoties in eum incideret Antonius, honorem exhibebat, qualem non temerè alteri alicui. Nam & caput nudabat, inclinabatque, & insuper poplitem flectebat. At ille (qui tum vitam ducebat solutam omnino, carni, mundoque planè, & plenè addictus) eum honorem, contumeliam videlicet interpretabatur. & sannas: eoque occursum Sancti sic vitabat, vt si eum aliquando haberet obuium, abrupto itinere, aliò declinaret.

Sed

Sed cum aliquando in eum insperatò incidisset, & de more cernuum videret, exacerbatus, & minabundus, quærit, Cur tandem se præ totalijs, ludos faceret? At enim Antonius negare, se vel contumeliæ, vel ludibrii causâ facere, sed honorem illi exhibere, quo iudicaret dignissimum. Causam rogatus, Quia cum vehementer concupierim, inquit, & à DEO feriò petierim gratiam, quâ pro illo Martyr occumberem: mihi quidem id decoris negavit; te verò significavit, aliquando pro eius gloriâ vitam positurum. Egone igitur eum non omni honore prosequar, cui id honoris à DEO repositum sciam? At Notarius, indignatione in ludum versa, ridens abiit.

Non ita multum inde temporis effluxerat, cum Podiensis Episcopus, multis comitantibus, Hierosolymam profectus est, Saracenis Christum, eiusque Religionem illaturus: Hic diuinitus permotus Notarius noster, diuenditis omnibus Antistiti se socium adiungit. Sed cum eò peruentum esset; & frigidius
Episco-

Episcopus rem tantam ageret; **DEI** zelo accensus Notarius, & ipsum increpare, liberrimo ore aggressus est; & ipse impios docere instituit, duo illa vehementius inculcans, Christum verè esse **DEI** filium, & verum **DEVM**: Mahometem verò Diaboli filium, & filium perditionis.

Itaque in eum coorti, rapiunt, & toto triduo, diris, & exquisitis supplicijs excruciatum, atrociter enecāt: ac sic (quod **S. Antonius** vates prænuntiauerat) **DEI** Martyrem efficiunt.

Accidit hoc circa annum Domini 1230.

S. R. I.

S. RICHARDVS.
EPISCOPVS CICESTRENSIS,
ANGLVS.

ASSERTIO IVRISPER.

Anonymus apud Surium,

3. Aprilis.

*Bononia septennio amplius IVRISPRV-
DENTIAE operam dedit. Mox ait,
Præceptore ægrotante, eius loco eam
scientiam DOCVISSE, & postea Can-
tuariensem fuisse CANCELLARIVM.*

Multorum, magnorumque Sancto-
rum hic Sanctus Iurisperitus in se
vivam expressit imaginem. *Paulinum
Nolanum* Antistitem meritò miramur,
qui, vt viduæ filium captivum, orbẽ ma-
tri restitueret, sponte se ipse eius loco
mancipium in servitutem vendidit. *Richardus* adhuc adolescens, fratri suo pau-
peri ultro servivit: nec puduit iuvenem
non ignobilem, quò illi gratificaretur,
modo ad stitiam curuari, modo fordida
iumenta agere; modo alios vilissimos
quosque labores subire.

VValericus Abbas, Aruernus, puer adhuc, & pauper, dum Patris oues pascit, improbo studio, primum Alphabetum, tum & litteras deinceps, & in ijs, sacras, suo ferè Marte edidicit, in magna rerum omnium indigentia. De *Richardi* nostri paupertate, & litterarum studio, illud non tantum mirum: sed & relatu iucundum, ac propemodum ridiculum narrat vitæ Scriptor.

Referebat ipse Richardus, cùm litteris operam daret, habuisse se in eodem cubiculo socios duos, & quidem fuisse singulis singulas tunicas; sed vnicum tribus (verbum est Authoris) *capitium*. Itaque vno ex ipsis ad lectiones audiendas, abeunte eo capitio amictum, reliquos duos in cubiculo manere solitos, ac sic lectiones per vices auscultasse. Et tamen in omni doctrinarum genere eos progressus fecit, quos cum multa gratulatione, & gaudio sensit DEI Ecclesia. Si quid in hac re est vel ioculare, vel, vt dixi, ridiculum; ita ridere, aut rideri, gaudent Sancti DEI.

S. Iohannes Chrysostomus, quanta in Episcopatu passus sit, nemo ignorat. *S. Richardus*, Regis indignationem, & indignitates, passus est eas, quas nemo legat, quin illius verum parallelum facile agnoscat.

Pauperes perpetuo eleemosynis iuuit magnus ille *Io. Eleemosynarius. Richardus*, in eleemosynas itidem in re licet tenui, supra vires profusus; cum œconomus eum moneret, tenuiores esse domesticos redditus, quàm vt eiusmodi largitionibus sufficerent: aureum illud respondit, Aequum non esse, vt ad mensam argentea vasa, atque aurea adhiberet, & interea Christus in Pauperibus fame cruciaretur. Itaq; vède, inquit, vasa illa, atq; etiam equum, quo vehor; & quamdiu est, quod detur, da liberaliter. Quid igitur miremur, si liberalitatem eius gratam sibi esse, ostendens Christus effecerit, vt modicus panis ad tria pauperum milia reficienda sufficeret; tantumque fragmentorum superesset, quod alijs centum pascendis esset satis?

Ini-

Inimicos multi caritate prosequuti sunt : neque hâc in re *Richardus* illis dissimilis. Memorabilis illa eius sententia est : *Si quod meum est, volo recuperare, non debeo id, quod DEI est, alteri subtrahere.*

His virtutibus, alijsque omne genus, assiduè incumbens hic Sanctus, Christi Crucifixi imaginem cõplexus, ad illum felix migravit, cuius in se similitudinem perpetuò expresserat.

Floruit, Innocentio quarto Summo Pontifice, anno Domini 1250. Obijt 3. April.

H

S. v o



S. I V O

PRESBYTER, ET CONFESS.

Gallus, Britannus.

ASSERTIO IURISPER.

Præterquam, quòd omnium iudicio Iurisperitus habetur, Vita eius à quodam synchrono fideliter scripta, IUDICEM fuisse testatur: & Martyrologium Rom. asserit, pro pauperibus, pupillis, & viduis, gratis egisse ADVOCATVM.

Pvbertatem vix attigerat hic Sanctus, cum diuinarum litterarum studio, se studiosè addixit. Quod tum ab omnibus lectoribus diligenter animaduerti volumus; tum ab ijs maximè, qui non modò ipsum pro *Iurisperito*, & *Aduocato* agnoscunt, sed ipsum solum. Hi enim, nisi se ipsos decipere volent, &, quod ille ait, cum ratione insanire, nō poterunt alios quos vel iā memorauimus, vel deinceps memorabimus, à Iurisperitorum nume-

ro excludere, ex eo, quòd vel Sacris litteris, vel Theologiæ operam dederint præcipuam.

Versatissimus iam S. I V O in omni Disciplinarum genere, ab Archidiacono quodam Redonensi, Ecclesiasticus I V D E X constituitur. Quo munere ita perfunctus est, vt & gratis operam suam impènderit; & pupillos, egenos, viduas, aliosque oppressos, & calamitate quavis laborantes, summâ humanitate solaretur, & patrocínio subleuaret. Si quis carcere teneretur, eum omni ope, & operâ erigebat: Si qui dissidebant, pacem, & concordiam inter eos conciliabat. Ecclesiasticæ in primis libertatis vindex erat acerrimus. Quod si euenisset, vt fit, vt sententia contra aliquem ferenda esset, sic memor erat Iustitiæ, vt tamen miseri hominis calamitati illacrymaret. His artibus, tamquam Christi bono odore illectus Trecorensis Episcopus, generalem cum I V D I C E M, siue Officialem suum esse voluit. In quâ Dignitate, semper sui similis I V O, vel potius de

Virtute in virtutem progrediens, omnibus quidem alijs ; sed sibi nunquam satisfaciebat. Itaque ad altiora aspirans, ac potissimum ad beatam diuinarum rerum contemplationem, *Iudicis* officio se abdicauit, Orationibus, Meditationibus, Corporis afflictationibus perpetuò intentus.

Iterum te hic moneo , Lector , vti memineris , non propterea tot alios Iurisperitis negare , quòd aliquando eam Professionem dimiserint ; cum idem fecerit noster Ivo , quem tamen omnes IURISCONSULTVM , & Iurisconsultorum Patronum magno consensu agnoscunt Sed addamus de eo pauca.

Ieiunia orationibus condiebat, & Orationes Ieiunijs. Quo in genere illud prorsus mirabile fuit , quod aliquando septem totos dies perpetuò orauerit, atque interea nihil omnino gustauerit. Incruentum sacrificium quotidie DEO offerebat. Somni erat permodici. Lectulus erat vel nuda humus, vel nodosæ virgæ, aut stipites : cervical illi mollißimum, vel

vel saxum aliquod, vel pietatis causâ, sacrosanctum Bibliorum volumen.

Eleemosynas egenis, ac peregrinis largiebatur, tum spirituales assidue; tum temporales, quantum res familiaris partiebatur, subtractis etiam sibi non superfluis modò, sed propè etiam necessarijs. Itaque cum hâc eius benignâ liberalitate certans liberalissimus DEVS, & sæpius panes illi diuina potestate auxit, & aliquando frumentum. Complura alia hic Sanctus edidit longè supra naturæ vires. Ignem superauit, dum incendium perniciosè grassans, & concurrentium, ac lympham conferentium, omniæ diligentiam superans, precibus extinxit. Aquarum molestissimam vim deuicit, dum superiectum pontibus fluuiû, crucis signo diuisit, ac transijt: hoc prodigio cum Moyse, Iosue, Eliseo, conferendus. Mitto alia.

Denique suscepto aliquando mendici specie, vel Angelo, vel Angelorum Domino: viso etiam in Columbæ candidæ formâ, Spiritu Sancto, cuius aspe-

Stabili splendore tota Trecorensis Ecclesia collustrabatur: *cupiens* tandem dissolui, & cum Christo esse, voti compos factus est, indicato prius tempore, quo æternâ illâ beatitudine erat fruiturus.

Floruit Anno Christi 1285. Obijt 19. Maij.

S. EL-



S. ELZEARIUS COMES
 Coniugatus, & Virgo,
 GALLVS.

ASSERTIO IURISPER.

Stephanus Binetus Societatis IESV nobilis Scriptor in eius Vitâ Gallicè scriptâ , cap. 14.

Petijt , & obtinuit à Duce Carolo , Filio Roberti, Regis Neapolitani, vt liceret sibi agere ADVOCATVM Pauperum. Ac ne putes, humanitatis tantum , & caritatis fuisse eam Aduocationem , quæ Iuris scientiam non requireret: addit Author , solitum Pauperum quorumlibet CAVSAS AGERE , summâ eloquentiâ, quâ IUS omnino obtinebat, si Ius à Cliente stabat.

NE ambitiosè quæramus , quæ de hoc S. Iurisconsulto dicamus. Omnes Vitæ eius partes omnia munia, omnes actus , certatim te offerunt.

Infantulus nunquam acerbius plorabat,

bat, quam cum mendicos videbat, stipem quærentes, & nihil eis dari. Neque omnino placari poterat, donec eleemosyna data esset. tum verò suavi risu animi sui voluptatem testabatur. Atque in eo affectu deinceps, quoad vixit, sed non pueriliter, duravit. Apparet id quidem ex eo, quod paulo antè retulimus, cum egenorum Aduocatum fuisse memorauimus. Sed vnum in ea cura, eius facinus non videtur silendum.

Offerebantur illi quotidie à mendicabulis, libelli supplices, Principi porrigendi, aut obtrudebantur potius sine modo, sine numero. Eos ille libellos, quò diligentius asseruaret, ordine quo offerebantur, studiosè compositos, in prægrandi perâ è serico confectâ, (gestamen hoc erat, eâ tempestate, illustrioris Nobilitatis) circumferebat. Alij proceres alios in vsus eiusmodi peras ostentabant: at nostro S. Iurisperito non tam Illustris Viri pera erat, quàm Pauperum. E quibus fuit aliquando, qui manus abluentem Comitem, ac iam mensæ accubi-

cubiturum, (vt importuna est egestas) opprimeret, & Tu quidem, inquit, mensam, & delicias cogitas: at vbi interea libellus meus supplex? atqui hodie expediendum eras pollicitus. Indignatus alius quilibet fuisset. At Elzearius comiter, Rectè mones, inquit, ô amice. Neque hic mihi abierit dies, quin pollicitationi meę fecerim satis. Itaque prandio, ac socijs relictis, Palatium festinus adit, miselli negotium confici petit, obtinet, affert, tradit: ac tum demum frugali cibo attenuatum corpusculum, de more, reficit. Aiebat, se nunquam suavius epulatum. Viden alterum Tobiam? nisi quod hic cadaueri operam dedit: noster viuenti homini, sed ab inopiâ semimortuo. Plura de hoc Sancto referat potius S. mulier Garfendis, eius nutrix, cælestibus illustrationibus, & quandoque colloquijs, à DEO dignata. Huic igitur pro Alumno suo intentius oranti, Christus Dominus ex ore sculptilis Crucifixi, clarâ voce affirmavit, se Matrem suam, Virginem Mariam, Elzeario in

Matrem, & Magistram dedisse. Quod qui beatum Iuuenem intuebantur, & audiebant, facile sibi persuadebāt: adeò Matris DEI amor in eo perpetuò emicabat.

Aliàs, cum eadem Garfendis solitas preces frequentaret: oculis eius se obtulit manus, ex illustri nube emergens, ac gemmam ostentans, ea claritate, ut facellum ardere videretur. Trepidanti diuina vox indicat, eam gemmam esse Elzearij cælestem Virginitatem.

Et quis id non credat, qui sciat, ita in coniugio vixisse cum Nympha iuenucula, & formosissima, ut viuunt in cælo beati Spiritus corporis expertes, & toti è Diuinitate pendentes? Sanè si quid sapio, miraculum id fuit, maius illo, quo Babylonicæ fornacis flammâ innoxiam, innocentes ipsi, Ananias, Azarias, & Misaël superarunt.

Quærat quis, piè curiosus, An non aliquando animum relaxaret hic beatus Comes? an more cæteræ Nobilitatis, non delectaretur venatione, vel aucupio?

pio? Inuenio fanè aliquando venatum: sed audi, quid potissimum quæreret. Disce hoc vno exemplo.

Secefsit aliquando à turbâ canum, & venatorum, cum vnico Domestico, cui plus fidebat, quam alijs. Domum reperit, in quâ sex leprosi (erga hoc hominum genus maximè afficiebatur) sic à depascente illo malo deformes, & horridi, vt quiuisset alius, quàm Elzearius, oculos auerteret. Quid ille? comiter salutabat, amplexatur, osculatur, & osculo, non modo sanitati omnes restituit, sed & eleganti formâ induit: & domum cœlesti odore compleuit. O beatum venatorem!

Cælum petijt anno salutis 1323. 27. Septemb.

Bo-

BONIFACIUS

FERRARIUS,

S. Ordinis Carthusiani Generalis,
Hispanus, Valentinus.

ASSERTIO IURISPER.

Petrus Ribadineira, Societatis IESU,
Floribus Sanctorum, in vitam Sancti
Vincentij Ferrarij.*Fuit Bonifacius IURISCONSULTVS
insignis.*

Dorlandus in Chronico Carthus.

*Statim post vicesimum etatis sue annum,
UTRIUSQUE IURIS CONSULTVS,
& sui temporis omnium spectatissimus habebatur.*

QUæ de Sancto hoc Iurisconsulto afferam, ex eodem Dorlando Carthusiano hausi, lib. 4 cap. 25. Chronici, quod ipse ante annos ferè centum triginta conscripsit: optimâ utique fide, ut
de

BONIFACIUS FERRARIUS. 181
de viro optimo, & doctissimo sentire
par omnino est: Ergo caput illud ita
orditur Dorlandus: *Hunc V Vilhelmum,*
SANCTVS *subsequitur* BONIFACIUS:
vir nominis sui etymologiam egregiè expri-
mens: quippe, qui à DEO dedicerat bene
facere, bene dicere, bene, & salubriter cogi-
tare.

Vincentius Ferrarius, decus illud, &
honos S. Familiæ D. Dominici, cui tan-
dem ignotus est? Sit hæc prima laus Bo-
nifacij nostri illius esse fratrem. Fuit v-
terque Gente Hispanus, è clarissimâ
Ciuitate Valentiâ, vbi, notissima est an-
tiqua, & prænobilis familia Ferrario-
rum: in quibus, horum parentes in pri-
mis eminebant. Neque tamen genere
magis, quàm virtute: quæ potissima no-
bilitas semper habita est.

Sed de Vincentio vt taceamus, Bo-
nifacius eius germanus, parentum po-
tius iussu, quàm sua voluntate, coniugij
vinculis alligatus, cum sapientiâ, pru-
dentiâ, vsu rerum longè excelleret, Ci-
uitatis suæ Præfectus creatus est.

Dor-

Dorlandus *Rectorem* vocat. Quem Magistratum, cum diu, summâ omnium approbatione, & plausu, &, quod caput est, publico bono, præclare administrasset : defuncta iam vxore, Carthusianis ascribi voluit, eo loco, qui Porta cæli dicitur, prope eam ipsam Urbem, solitudinem quærens, & reperiens, in quâ omnium acclamations paulo antè, publicè toties tulisset. In eo sacro secessu, quem se exhibuerit, intellige à Dorlando, cuius verba hîc pono.

Receptus, & probatus, fidelis inuentus est: Accepto verò habitu, tam sublimia conuersionis indicia cunctis ostendit, vt iam in perfectorum numero posset meritò æstimari. Tanta namque inerat illi in corde humilitas, in opere caritas, in mente puritas, in carne castitas, in pectore pietas, in ore veritas, in sermone raritas, in victu parcitas, in habitu simplicitas, in oratione sedulitas, in contemplatione sublimitas, in aduersis longanimitas, vt cunctos duceret in stuporem.

Tot Virtutum diuina fragrantia, longè latèque sparsa, cum etiam Maiorem
Car-

Carthusiam impleuisset; Generali defuncto Bonifacium absentē substituunt. Qui sibi semper similis; vel potius quotidie seipso melior; non modo familiæ suæ plurimum contulit; sed & Christiano Orbi Vniuerso. Quippe in eius tempora incidit fœdum illud schisma, quo aliquot Pseudopontifices, Christi Ecclesiam (quod in se fuit) atrociter lacerarunt. Quantam operam tanto scandalo tollendo contulerit S. Vincentius, pluribus satis notum est: sed non fortasse æquè illud perspectum, Bonifacium eius fratrem sic illi in hoc etiam negotio adhæsisse, vt optimus successus DEI populum exhilarauerit, & illud Sapientis verum ostenderit: *Frater, qui adiunatur à fratre, quasi ciuitas firma.* quod ex Dordlādo discimus. Deniq; Bonifacius, vt antè Seculi pompā, & Magistratus reliquerat: sic sacrā quoque Præfecturā cessit, & Generalatu se vltro abdicauit, octo circiter annos illo perfunctus: atque ita expeditus, tam pulcrā animam æternæ pulcritudini, DEO consignauit.

Floruit Anno Christi 1400.

IOHANNES
CAPISTRANVS
ORDINIS S. FRANCISCI,
ITALVS.

ASSERTIO IURISPER.

Henricus VVillot Parisiensis Theologus, Belga, Ordinis S. Francisci, in Athenis.

IURIS VTRIVSQUE *decennali studio peritiam ita absolutè fuit adeptus, vt — non solum studentes, sed & Doctores quoque ipsi, ab ipsius ore PENDERE non erubescerent.* Intelligendum, eum vel Iurisprudentiam publicè fuisse professum; vel vulgò de Iure cum auctoritate respondisse.

DE hoc admirando Viro audio extare scripta volumina, quæ mihi videre non contigit. Quæ hîc refero, hausi ex Historia Bohemica Aenæ Silvij (est hic Pius Secundus Pont. Max.)

&c

& Iohannis Dubrauij Olomuzensis Episcopi, atque item ex Henrici V Villos Athenis, Alberto Krantzio, & Hieron. Plato de bono status Religiosi.

Fuit Capistranus gente Italus, domi nobilis, natus anno Christiano 1385. Preceptor inter cæteros illi obtigit magnus ille Bernardinus Senensis: quod etsi per se magnum est; maius tamen fuit, eius expectationem vel æquasse, vel superasse. Ea fuit de eius vel probitate, vel eruditione opinio apud omnes, etiam magnos, ut plures Romani Pontifices; sed maximè Nicolaus quintus, maximis Ecclesiæ illum negotijs adhiberet. Fuit non modo Concionator facundus, & fecundus: sed quem iure dicas Concionatorum Diuinam Ideam. Verba Krantzij:

Iohannes in Germaniam descendit, prædicans magno zelo verbum DEI in Austriâ, Bauariâ, Sueuiâ, Thuringiâ, & Saxoniâ. Nam in Ciuitate Magdeburgensi, in nouo foro, maximâ ad eum confluyente multitudine, cum esset Germanica lingua non gna-

rus, Latine prædicabat — populo solis gestibus eius satis vehementer permoto. Moti sunt omnes, & vsque adeo permoti, ut fœmina abusum in ornatu; viri, ludos, quibus tempora perdunt, schaccorum, alearumq; in vnum contulerint, & eodem loco, igne sub dio concremarint.

Hæreticos perpetuò vehementissimè, vel sermonibus, vel scriptis libris infectatus est, omnes quidem: sed in primis Hussitas in Moraviâ, & Bohemiâ; Fratricellos verò in Marchiâ Anconitanâ & Campaniâ, quorum loca 36. exussit, zelo DEI ipse ardens.

Infidelium salutis sic addictus erat, ut vna aliquando excursionem, duodecim millia Ecclesiæ adiunxerit, ac multos præterea Schismaticos.

Quid, quod insignis quoque Miles fuit Capistranus? nisi Imperatorẽ mauis dicere. Sed Crux illi arma, & Oratio, non hasta & gladius. Ostendit hoc in primis apud Albam Hungariæ irruente in urbem Turcâ. Audi Aeneam:

Iohannes Capistranus, Ordinis Minorum
Pro-

*Professor, vita sanctimonia clarus, eâ tempe-
state Hungaros in arma publicis sermonibus
excitabat — Haud parvam Cruce-signato-
rum manum adduxit. — Capistranus ex
turri clamitans, Christianos hortari, vexil-
lum Crucis ostendere, opem de calo promitte-
re, maledicere hostibus, DEI præsentiam im-
plorare. — Vidit ex muris Capistranus trās-
uersam hostium aciem, insidiasq; cognoscens,
reuocare suos cœpit. Cùm parum exaudire-
tur, tympanis, ac tubis confundentibus vocem,
præceps in pugnam dilabitur : atque inter
duas acies, inter tela volantia percurrentes,
clamoribus, ac signis, Cruce-signatos redire
cœgit. — Fraudati magnâ spe Turcæ in ca-
stra redierunt.*

Nec defuit eius sanctitati Miraculo-
rum sigillum. Franciscus Gonzaga in
Origine Seraphicæ Religionis, non dubitat
asserere, Multa Miraculorum centena diui-
nâ virtute edidisse : & in ijs, septem mortuos
ad vitam reuocasse.

Reliquit ipse hanc vitam, & ad cælestem tran-
sijt, anno Christi 1456.

B. IACOPONVS
ADVOCATVS CONFESSOR,
ITALVS, TUDERTINVS.

ASSERTIO IURISPER.

Matthæus Raderus è Societate IESV, ex
Annalibus Franciscanorum;
Parte 2. Viridarij
Sanctorum.

*Tudertinus erat hic Beatus, è nobili familiâ
Benedictorum. Ab ineunte adolescentiâ
IURIS se CIVILIS Prudentiæ studio
impensè dedit: cuius demum cognitione
absolutissimâ instructus, paratusq, & DO-
CTORIS appellatione publicè condeco-
ratus, ADVOCATVM strenuè in FORO,
vbi erat IURIS CONSULTISSIMVS,
CAVSASQVE agebat.*

VXOREM acceperat Iacoponus, cor-
pore perelegantem; sed animo, &
mente longè elegantior. Quæ, cum
repentino quodam, & lamentabili casu
exanimata esset, vestem eius diffibu-
lans

lans maritus , reperit intimè carni appressum horridum cilicium. Cohorruit scilicet Iacoponus ad inusitatum spectaculum , & salutari dolore ictus , vitæ in melius mutandæ altas illicò cogitationes concepit. Ergo, fortunis omnibus (quas habebat amplissimas) in egenos distributis, Christianæ Humilitatis angustam semitam ingreditur , idque tam ferio agit, vt ab omnibus mortalium omnium abiectissimus , vilissimusque habeatur. Quod, quò maiore facilitate consequatur, Tertio Ordini S. Francisci nomen dat.

Afsiduè in Templis, locisque sacris, preces , lacrymis infusus , Diuino Numini fundebat.

In plateis ea faciebat, dicebatvè , ob quæ omnium fabula fieret ; frustra contranitentibus cognatis , qui illas ineptias, suum dedecus interpretabantur.

Pleraque edebat, quæ nemo crederet, nisi ab homine, mente capto, edi posse : sed semper illa amentia , documentum erat cælestis sapientiæ.

Par pullorum emerat Ciuis quispiam, & Iacoponum fortuitò obuium factum, rogabat eos vt domum suam deferret. Annuit ille; sed acceptos pullos in sepulcrum illius Ciuis paternum detulit, memor illius veriuerbij: *Scio, quia morti trades me, vbi constituta est Domus omni viuenti.* Hoc vnum exemplum in hoc genere sufficiat.

Ea doctrina, & eruditione vir, nunquam adduci potuit, vt in sacro S. Francisci Ordine, Sacerdotio initiari se sine- ret, sed studio humilitatis, perpetuò inter Fratres, quos Laicos vocant, versatus est.

Vilissima, & abiectissima quæque domesticorum ministeriorum, & studiosissimè quærebat, & obibat libentissimè. Neque tamen ita abiecto erat animo, quin vitia etiam Magnorum summa libertate reprehenderet. Testis sit Bonifacius VIII. Pontif. Max. quem coràm liberrimè increpuit, quòd in Ecclesiæ Catholicæ gubernatione, non ea, qua par esset, prudentia, & diligentia versaretur.

Pupu-

Pupugit ea libertas Summum Sacerdotem. Itaque cucullo ademto, compedibus vinciri importunum monitorem, & in carcerem compingi iussit. Quod Iacoponus tranquillissimo animo tulit, nihil omnino questus. Sed cū Papa, carceres præteriens, Iacoponum fortuitò vidisset, clara voce ab eo quæsiuit, Quando tandem inde egressurum se putaret? Cui ille comiter: Quando tu, Beatissime Pater, carcerem ingredieris. Et verum fuit vaticinium: Nam & Pontifex ab hostibus in vincula coniectus est, & DEI feruus vinculis solutus.

Demum Vitæ sanctissimè actæ respondit excessus item sanctissimus. Quæ verè excessum dixeris potius, quā mortem. Siquidem nec senectute importunè vrgente; nec morbi nimia violentia, vitam deseruisse creditus est mortalem: sed Diuini Amoris incendio consumtus, instar *virgulæ fumi ex omnium Virtutum aromatibus*, in æternam vitam emicuisse.

Obijt, quo die Christus Dominus natus, 25. Decemb.

TH O-

THOMAS MORVS
ANGLIAE CANCELLARIVS,
ANGLVS, LONDINENSIS.

ASSERTIO IURISPER.

Poteras acquiescere, & iure eum Iurisperitis annumerare, cum Cancellarium audis. Sed scito illum etiam in Iure legisse, Aduocatum fuisse, Causas egisse, Syndicum Londini fuisse, Ius dixisse, Iudicisq̃ue Urbani officio functum. Quæ omnia Thomæ Stapletono, Scriptori & Testi idoneo, meritò de hoc nostro Thoma credimus. A quo proinde hæc pauca, quæ de eius Vitâ & Morte ponimus, mutuati sumus, eoq̃ue libentius, quòd ex alijs optimis Authoribus, ac in primis sæpe ex ipso MORO, mutuatus ipse est.

VITAE CAPITA ALIQVOT
ILLVSTRIA.

QVæ de Genere, Educatione, Studijs, Eruditione, Scriptis huius Sancti Can-

Cancellarij, referuntur, prudens omitto, quantumuis splendida, & memoriâ dignissima. Nihil etiam refero de eius Dignitate Amplissima. Ad maiora vocor.

Iudicis MORI ea fuit integritas, vt in eo officio fungendo, nihil apud se, inter amicum, & inimicum interesse, & verbis dicere soleret, & verò ostenderet ipsis rebus. Expertus id Aegidius Heron MORI gener, qui, cum iniustam litem instituisset, neque monitus desisteret, à Socero damnatus est.

Eumdem improbi, ac maximè hæretici, seuerum, ac molestum experiebantur: quod ita destinatò fiebat, vt Epitaphium suum scribens ipse, tacendum id sibi non putauerit. Memoriâ dignissima sunt illa eius verba ad amicum scripta: *Omniño sic illud genus hominum (hæreticos) odi, vt illis, ni resipiscant, tam inuisus esse velim, quam cui maximè: quippe quos in dies magis, ac magis exerior tales (: audi oraculum:) vt mundo ab illis vehementer metuam.*

Religio eius , & Pietas in DEVM
eiusmodi fuit , vt Religiosum Ascetam
pôtius diceres , quàm Regni amplissimi
moderatorem. Mitto frequentes eius
orationes, & prolixas, vel domi , in de-
stinato ad hoc Oratorio in intimis ædi-
bus ; vel in Ecclesiâ suâ Parochiali , in
quâ, ad cætera illud etiam, raro exemplo
addidit, quod album amiculum (super-
pellicium vocamus) indutus , canenti
Sacerdoti concinebat, etiam tum, cum
Cancellarij Regni munere fungeretur.
In quo illud prorsus omitti non debet,
quod ab inopinatò superueniēte North-
folciæ Duce, eo in habitu deprehensus,
atque ab eo admonitus , non satis deco-
rum id videri in viro eâ dignitate , ne-
que Regi gratum futurum , si intellige-
ret; intrepidè respondit: *Domino meo Re-
gi displicere non potest, quod ipsius Regis Do-
mino obsequium impendo.* Constat, plures
annos, intra Ecclesiæ limina, nullum vn-
quam prorsus cuiusquam admisisse col-
loquium , aut negotium. Contra hære-
ticos (: nam & hoc ad Pietatem vel in
primis

primis spectat:) plus solus scripsit homo laicus, & vniuersæ Reip. negotijs impeditiſſimus, quàm totus tunc Angliæ Clerus.

Ad Aulam, & honores, vel ipſo Rege teſte, inuitus acceſſerat. Et, quàm optârît deponere (obtînuit tandem, vt reipſa liceret deponere) loquuntur illa eius verba in Epitaphio: *Mortalium harum terrarum ſatur, quam rem à puero penè ſemper optauerat, vt vltimos aliquot vitæ ſuæ annos obtineret liberos, quibus huius vitæ negotijs paulatim ſe ſubducens, futura poſſet immortalitati meditari.*

Dicerem de contemptu item diuitiarum, earumque in egenos liberali erogatione: de piâ, & verè Chriſtianâ liberorum, & familię institutione, alijsq; huius Sancti Cancellarij virtutibus: niſi inſtituta breuitas illud potius moneret, vt talis vitæ qui tandem finis, quæ mors ſecuta ſit, indicarem.

Quamquam quid dicam, aut indicem? Cui ignota eſt illa Tragœdia Henriciana? Quis de illa audiuit, & MORVM

non animaduertit, in eâ & amplissimam personam sustinentem, & eam sanctissimè, prudentissimè, grauissimè, & (: verbo dicam :) Christianissimè, & vt Martyrem decuit, agentem? Testis Henricus Rex, cuius in DEI causâ nec auctoritatem est reueritus, nec furorem: testes omnes Episcopi Angliæ (vno Ioanne Fischero Roffensi excepto) quorum ignauia inuicta animi fortitudine coarguit: testis ipse Fischerus, quem & Carceris, & gloriosi Martyrij socium habuit: testis vxor, & liberi, & nepotum turba, quorum caritatem præ suo officio, & DEI sui amore, neglexit: testis carnifex, à quo obtruncandus, maximum se beneficium accipere agnouit: testis sanguis & vita, quam pro pietate & veritate effudit: testis Cælum, quod victricem illam animam excepit. Testis denique DEVS, qui coronauit.

Coronatus autem Anno Domini 1535. 6. Iulij.

PAV-

PAVLVS QVARTVS,
PONTIFEX MAXIMVS,

Italus, Neapolitanus.

ASSERTIO IVRISPER.

Io. Baptista Castaldus in eius
vita, cap. I.

Sacrorum Canonum, & CIVILIVM LEGVM fuit peritissimus.

BReuissimo compendio, in singulorum SS. Iurisperitorum rebus indicandis potius, quàm enarrandis, meo instituto, hactenus vsus sum. Quod si non fecissem, necessariò tamen in hoc faciendum esset, nisi Virtutum Iliadem aggredi mallet, quam vtique nunquam per texerem.

Magnis natus, & bonis, maximus ipse, & optimus. IO. PETRVS CARAFA, à prima infantia vt se dignum erat, educatus, aliquoties Religioso Ordini Sancti Dominici nomen dare tentauit, vetitus à suis, à DEO videlicet ad id Seruatus,

tus, vt Religiosum Ordinem ipse conderet, vt post contigit, *Clericorum Regulariam.*

Sed antè, omni liberalis, & sacræ literaturæ genere, non obiter tinctus, sed altè imbutus, honores, quò quæsiuit minus, imo quò fugit impensius, eò assecutus est plures, & maiores. Pontifici Alexandro sexto à Cubiculo: à Iulio secundo, Legatus ad Ferdinandum Castellæ Regem; ab eodem Episcopus renuntiatus: à Leone decimo ad Concilium Lateranense vocatus: ac deinde ab eodem in Angliam ad Henricum octauum Regem missus. In Belgium venit, rogatus à Margaritâ Austriacâ, Imperatoris Caroli quinti amitâ; In Hispaniam, inuitatus à Ferdinando Rege, cui à Consilijs fuit: ab Imperatore Carolo nominatus Archiepiscopus Brundusinus: à Clemente septimo P. M. Clero Romano, tollendis eius abusibus, Præpositus: à Paulo tertio, Cardinalatus honore donatus: denique Pontifex Maxim. post Marcel- lum secundum, fuit hic Petrus, ac nomi-
ne

ne mutato, dictus PAVLVVS QVARTVS. Magna, omnino sunt ista (& quid vel in orbe, vel in Ecclesiâ Christianâ, maius Pontificatu Maximo?) sed tamen maius est, eos honores sic habuisse, yt ipse illos potius ornauerit, & in maius auxerit, quam ab ijs ornatus auctusve sit. Mitto cæteros Dignitatis gradus: de fastigio aliquid obiter tango.

Ipso Pontificatus sui primordio, vidit pedibus suis aduolutos Anglicani Regni, nuper Hæresi, & scædo schismate corrupti, nobilissimos Legatos, qui publicos errores, lacrymis perfusi, confidentes, & veniam, pacemque orantes, benignè alleuati sunt à Christianorum amantissimo Patre, & supra votum, omnium compotes, ad suos remissi.

Deinceps bellorum incendium inter duos Potentissimos Christiani nominis Reges autoritate, & industria admirabili extinxit.

Tum, pulsus Nepotibus, qui à recto, & Pontificis rectissima mente exerrabant; ad Vniuersalis Ecclesiæ incolumitatem

restaurandam , animum serio adhibuit.

Ac primum , omnis Religionis Basin constabilire aggressus, Fidem, inquam , Concilium celebrare constituit, non alibi, sed Romæ, vt posset ipse coràm adefse, & præesse: adeò vbi DEI & Ecclesiæ res agebatur , non parcebat sibi Senex propè octogenarius.

Libros cuiusque nominis impietate infames seuerissimâ lege latâ prohibuit. Non modo Hæreticos sed & eorum fautores coërcuit. S. Inquisitionis tribunal erexit, ei que Palatium exædificauit.

Omnibus Christiani Orbis partibus Hæresin, quantum consequi potuit , exturbare conatus, Germaniæ Episcopos quosdam, datis litteris , grauitè reprehendit, quòd eo in negotio essent lentiores, aut frigidi præter æquum. Cùm Philippo secundo Rege Catholico egit, vt in Belgio, Inquisitionis Iudiciũ exerceretur, adeò propter Hæreticorum viciniam necessarium.

Meminerunt & Francia, & Hispania, & Anglia , & Polonia Pauli quarti eo in
gene-

genere exercitatisimam caritatem, & industriam.

Neque neglexit Iudæos, Mauros, Turcas: sed nos hac pagella omnia complecti vetamur. Videamus aliquid de Catholicis.

Episcopos gregibus suis adesse voluit. Cardinales non creabat, nisi moribus, virtute, eruditione eminentes.

Ordines Religiosos, vt fauore prosequeretur; ita in officio esse volebat.

Cultum Diuinum, qui Deo solemner exhibetur, humanâ socordiâ vel collapsum, vel languentem restituit, aut excitauit.

Auaritiam, & ex ea ortos abusus, ex Aula Pontificia exturbauit. Iustitiam, reliquasque virtutes reduxit.

Et quid singula consecretamur? Vti sanctus vixerat, sanctus obiit: meritusque est à Pio Quinto, Successore nobilem Statuam, addita hac Inscriptione:

PAVLO IV. CARAFÆ Pont. Max.
Eloquentiâ, Doctrinâ, Sapientiâ singulari:
Innocentiâ, Liberalitate, animi magnitudi-

*ne praestanti: scelerum Vindici integerrimo:
Catholicae Fidei acerrimo Propugnatori, Pius
Pont. Max. grati, & p̄i animi Monumen-
tum posuit. Vixit ann. 83. M. 1. Dies 21.
Obijt 1559. 15. Kal. Septemb. Pontificatus
sui anno 5.*

S. CA-



S. CAROLVS BORROMÆVS

S. R. E. CARDIN. ARCHIEP.
MEDIOL. ITALVS,
Mediolanensis.

ASSERTIO IVRIS PER.

Petrus Giussanus, lib. I.

Vitæ, cap. 3.

Aetatis suæ anno 22. Doctor in utroque

IVRE creatus est.

SANCTISSIMUS hic Antistes, Seculi nostri miraculum: imo, qui paucos habuerit superioribus seculis pares; paucos ante annos cælestibus sociatus est; suntque etiam hodie, non modo qui cum illo vixerint, sed & qui & viderint, & familiariter cum eo egerint, quippe qui obierit 3. Nouemb anno 1584. Itaque possunt illi testari, fuisse verè hominem DEI, & de quo merito canatur illud è sacris Ecclesiæ ritualibus: *Non est inuentus similis illi.* Extant etiam eius Opera,
tam-

tamquam aliqui fructus, inter alios, qui ostendunt, quàm bona fuerit Arbor. Extant & ingentia de eius vita Volumina: vt superfluum videatur, aliquid à nobis de eo commemorari.

Sed ne nihil planè dicamus, de eo, qui tot modis meretur, vt omnes de illo certatim & cum illustri præconio dicant: paucissima dicamus è paucis, quæ de illo dixit Franciscus à Fonte, Christianissimi Regis Concionator, in nobili opusculo, cui nomen, Responsio ad Quæsitam magni cuiusdam Præfulis, de Hierarchia Ecclesiæ, & iusta tuitione Priuilegiatorum, & Religiosorum.

Cùm igitur quidam contenderent, S. Carolum, Mediolanensem Ecclesiam sanctissimis institutis ideo temperasse, & ornasse, quòd Religiosis ad hoc hominibus non vteretur: in eo opusculo respondet Author. Id quidem falsum esse, cùm constet eum vtrosque adhibuisse, & Seculares, inquam, & Religiosos: cæterum si daretur ita esse; alias longè esse causas, cur illa Ecclesia, S. Carolo
mode-

moderante, ita floruerit. E quibus causis, has ex eius vita petitas, commemorat.

1. Quòd vitam viuebat sanctam, & planè innocentem.

2. Perpetuò ieiunabat (etiam cum conuiujs adhiberetur) ac plurimū modico pane, & aqua contentus.

3. Sexaginta aureorū millibus perpetui redditus annui vltro se in egenorum subsidium spoliauit, tam hilariter, quàm ista alij quærunt.

4. Canoniarum precum pensum, flexis genibus, aperto capite, quotidie persoluebat, lacrymarum vim fundens.

5. Eleemosynas supra vires, supra opes largiebatur.

6. Dirâ pestis lue laborantibus ipse aderat, & quæ erant corporibus, animisq̃ue solatia, indefessus ministrabat.

7. Pedibus Diœcesim perambulabat, & sedulus visitabat.

8. Sub purpura horrido cilicio amictus incedebat,

9. Pro lectulo illi erat vel dura humus, vel stramen nihilo mollius.

10. Sacras litteras, genibus flexis lectitabat, capite nudo, oculis ploratu manantibus.

11. Bis anno Exercitia spiritualia frequentabat, Patribus Societatis IESV dirigentibus.

12. Primus aderat, si quid boni patraretur, in templis, nosocomijs, sacris concionibus.

13. Nemini vel sacros Ordines, vel Beneficia Ecclesiastica conferebat, nisi ijs, quos diligentissimo examine, dignosprehendisset.

14. Obijt in manibus P. Adorni, Societatis IESV Sacerdotis, cui conscientiam suam perpetuò crediderat. Obijt autem, vt optauerat, IN CILICIO, ET CINERE.

Id accidit Anno Christi 1584. 3. Nouemb.

FRAN-

FRANCISCVS

SALESIVS

EPISCOPVS GENEVENSIS,
SABAVDVS.

ASSERTIO IVRIS PER.

Iohannes de S. Francisco in eius vita
Gallicè edita, libro primo.

*Patavij cursum studiorum IVRIS inchoavit
feliciter. Pag. 57.*

*Publicè IVRIS DOCTOR pronuntiatus
est post examen exactissimum, anno et æ-
tis suæ 24. à Præceptore suo doctissimo
Pancirola. Pag. 66.*

Nobilissima stirpe editus FRAN-
CISCVS SALESIVS, obscurus ta-
men videri possit, si lucem à maioribus
acceptam, cum ea compares, quam illi
Virtus, & Eruditio pepererunt. Quip-
pe tanto vtriusque splendore emicuit,
vt non tam SALES, quàm SOLES dicen-
dus videatur. Non sol, inquam, sed
geminus

gemi soli Virtutis, & Doctrinæ,
 Orbes, & Cælorum, & Terrarum splen-
 didissimè illustrantes. Et quidem Do-
 ctrinam & Sapientiam si Libri eius, nec
 pauci, & eruditissimi toti Ecclesiæ non
 deprædicarent; sufficeret testimonium
 eruditissimi Pōtificis Clementis Octavi.
 Is cū Examini solemni interfuisset,
 quod Salesius, Episcopatum susceptu-
 rus de more in confesso augustissimo
 complurium eminentissimorum Cardi-
 nalium, aliorumque Antistitum, subie-
 rat; eum dimittens, eiusque humerum
 comiter palps, verbis illis Sapientis
 vsus fuisse fertur: *Bibe aquam de cisternâ
 tuâ; & fluent a putei tui. Deriuentur fontes
 tui foras, & in plateis aquas tuas diuide.*
 Prouerb. 5. 15. Videbat videlicet sapien-
 tissimus Catholicæ Ecclesiæ Episcopus,
 diuinitus inspiratus, eam esse in Salesio
 cælestis scientiæ copiam, quæ non ipsi
 modò in omnem vitæ vsum sufficeret:
 sed & in alios, qui frui vellent, perenni
 fonte scaturiret.

Scaturiuit planè, vel potius ingenti
 aluco,

alveo, magni instar fluminis, inundavit. Quot ille hæreticos, pernices licet, & induratos, inueteratosque, ad rectam Ecclesiæ Fidem reduxit! quot oves per tesqua, & deuia aberrantes, ad Christi ouile manibus, humerisque suis pius Pastor reportauit! quot sanctos sanctiores effecit! quot benè currentes celerius currere docuit! quot eius instinctu, mūdo valedicentes intra sacrarum Religionum se claustra abdiderunt! Quinetiam Authoritate Apostolica sacrum Virginum Ordinem ipse instituit, quibus à Visitatione nomen indidit: qui Ordo breui tempore, latissimè fusus, fructum etiam spiritualem vndequaque diffudit.

Iam de eius *Virtutibus*, quis dignè aliquid scripserit? Aliquid obiter de præcipuis tangamus. Tota eius vita perpetuum fuit Christianæ *Humilitatis* exercitium. Morbum vide, quo extremo defunctus est. Fuit, qui moneret, vt cum S. Martino DEVM oraret, vt vitam sibi prorogaret, si populo eius adhuc esset necessarius. Absit, inquit, non tam sum mundo

mundo utilis, vt magnâ illam animam, ea oratione debeam æmulari. Mortem vide. Cùm plura essent Tempia in vrbe Annesinâ, quod erat eorum minimum, elegit, in quo tumulari corpus suum vellet, idque in medio eius partis, quam Nauem vocamus, quò à frequenti populo perpetuò pedibus calcaretur.

Castitatis puritate fuit admirabili. Impudicas mulierculas, vltro ad flagitium inuitantes, Iosephi Patriarchæ, & Sancti Thomæ Aquinatis æmulator egregius, non semel reiecit: vnus etiam magis impurum, quam fucatum os impetu conspuir.

Sobrietas tum multa ei ieiunia imperabat: tum vt cibos viliores esitaret, ommissis, etsi non deerant, delicatioribus cupedijs. Ad quas gustandas, si quis hortaretur, Nescitis, aiebat, mihi stomachum esse rusticanum?

De *Mansuetudine*, & conuersationis *suauitate*, quid dicam? Angelicam potius fuisse, quàm humanam. Animi impetus omnes, & quas vulgò *Passiones* vocamus,

camus, ita habebat in potestate, vt ad beatam illam Protoplasti innocentiam rediſſe videretur. Nunquam irâ extra rationis terminos mouebatur: nunquam triftitiâ opprimebatur: nunquam rodebatur inuidiâ. Rationem ducem in omnibus ſequebatur; & hæc Diuinæ Mentis ductum. Iniurijs adeò non opprimebatur, vt ne ſentire quidem eas videretur.

Eius Orationem, Meditationē, Contemplationem, libri ipſius, optimi teſtes oſtendunt. Non temerè reperias, qui ad tam celſum in his gradum peruenit. Quod eò eſt mirum magis, quòd in Actione quoque perpetuò verſabatur. Legat, qui volet, eius admirandam Vitam: reperiet non modo Conciones, Exomologeſes, Aegrorum conſolationes, Hæreticorum conuerſiones: verum etiam Itinera, Conuerſationes & cum Plebe ſibi, vt optimo Paſtori, commiſſâ; & cum Aulicis, Principibus, Monarchis: quæ, quàm ſoleant rerum Diuinarum Contemplationes impedire, valdè imperi-

peritus sit, qui non videat. Hunc tamen Sanctum Præfulem nec minimum remorari potuerunt, quò minus & in perpetuâ cælestium considerationum fruitione acquiesceret; & quam hic tam feliciter cœperat, felicissimè ipsis cælis inferret, *inebriandus ab vbertate Domus DEI, & torrente voluptatis eius æternum potandus.*

Migrauit 28. Decemb. Anno 1622.

FINIS.

INDEX



INDEX LITTERARVM

ORDINE.

A Aron	Pag. <u>5.</u>	Iacoponus	<u>188.</u>
Ambrosius	<u>62.</u>	Ioannes Capistranus	
Aper	<u>71.</u>	<u>184.</u>	
Athanasius	<u>50.</u>	Ioan. Chrysoft.	<u>74.</u>
Augustinus	<u>83.</u>	Ioan. Damascenus	<u>119.</u>
Basilius	<u>54.</u>	Ioan. de Florentiâ	<u>157.</u>
Bonifacius	<u>180.</u>	Iob	<u>8.</u>
Carol. Borromæus	<u>203.</u>	Iuo	<u>170.</u>
Carolus Magnus	<u>131.</u>	Kanutus	<u>143.</u>
Cassiodorus	<u>111.</u>	Lietbertus	<u>139.</u>
Cyprianus	<u>27.</u>	Moyſes	<u>1.</u>
Daniel	<u>12.</u>	Notarius Anonymus	
Dionysius	<u>20.</u>	<u>164.</u>	
Ebrulphus	<u>108.</u>	Paulus IV.	<u>197.</u>
Elzearius	<u>175.</u>	Philogonius	<u>43.</u>
Franciſcus Saleſius	<u>207.</u>	Primarius	<u>46.</u>
Genefius	<u>35.</u>	Richardus	<u>166.</u>
Germanus	<u>86.</u>	Seuerinus Boëtius	<u>98.</u>
Godegrandus	<u>128.</u>	Sidonius	<u>91.</u>
Gregor. Magnus	<u>115.</u>	Sulpitius	<u>67.</u>
Gregor. Nazian.	<u>59.</u>	Symmachus	<u>103.</u>
Gregor. Thaumaturgus	<u>31.</u>	Theophilus	<u>38.</u>
		Thomas Cantuarienſis	
Hieronimus	<u>78.</u>	<u>152.</u>	
Hierotheus	<u>16.</u>	Thomas Morus	<u>192.</u>
Hubertus	<u>124.</u>	Vetius Epagathus	<u>24.</u>
Hugo	<u>148.</u>	Wolbodo	<u>135.</u>

INDEX NATIONVM.

ÆGYPTII. Ebrulphus 108.

MOyses Pag. 1. Elzearius 175.
 Aaron 5. Germanus 86.
 Athanasius 50. Godegrandus 128.
 Primarius 46. Hubertus 124.
 Hugo 148.

AFRI.

Augustinus 83. Lictbertus 139.
 Cyprianus 27. Sidonius 91.
 Sulpitius Seuerus 67.
 Vetus Epagathus 24.

ANGLI.

Richardus 166. **GRÆCI.**
 Thomas Cantuariensis 152. Basilius 54.
 Thomas Morus 192. Dionysius 20.
 Gregorius Nazian. 59.
 Gregorius Thaumatur-
 gus 31.

DALMATÆ.

Hieronymus 78. Hierotheus 16.
 Ioannes Chrysostomus 74.

DANI.

Kanutus 143. Philogonius 43.
 Theophilus 38.

FLANDRI.

Wolbodo 135.

HISPANI.

Bonifacius Ferrarius 180.

GALLI.

Ambrosius 62. **IDVMÆI.**
 Carolus Magnus 131. Iob 8.

ITA-

INDEX.

ITALI.

Seuerinus Boëtius 98.

Aper 71. Symmachus 103.

Carolus Borromæus

203.

LEODIENSES.

Iacoponus 188. Godegrandus 128.

Ioannes Capistranus

184.

PALÆSTINI.

Ioan. de Florentiâ 157. Daniel 12.

Paulus IV. 197.

ROMANI,

SABAVDI.

quos honoris ergo seor- Franciscus Salesius 207.
sim recenseo.

Cassiodorus 111.

SYRI.

Genesius 35. Ioannes Damascenus

Gregor. Magnus 115. 119.

IN-



INDEX DIGNITATVM, VEL SACRARVM, vel Politicarum.

PROPHETÆ, CONFESSORES ET PONTIFICES.

PATRIARCHÆ. Gregorius Thaumatur-

M Oyses	1.	gus	31.
Aaron	5.	Philogonius	43.
Iob	8.	Athanasius	50.
Daniel	12.	Basilus	54.
Gregorius Thaumatur-		Gregor. Nazian.	59.
gus	31.	Ambrosius	62.
		Sulpitius Seuerus	67.

MARTYRES.

Ioannes Chrysoft.	74.		
Dionysius Areopag.	20.	Augustinus	83.
Verius Epagathus	14.	Germanus	86.
Cyprianus	27.	Sidonius Apollinaris	91.
Genesius	35.	Hubertus	124.
Theophilus	38.	Godegrandus	128.
Seuerinus Boëtius	98.	Wolbodo	135.
Symmachus	103.	Lietbertus	139.
Kanutus	143.	Hugo	148.
Thomas Cantuar.	152.	Richardus	166.
Notarius Anonymus		Carolus Borromæus	
162.		203.	

Thomas Morus 192. Franciscus Salesius 207.

PONTIFICES ALII SACRI

ROM.	HOMINES.
Gregorius Magnus	115. Hierotheus 16.
Paulus IV.	197. Aper 71.
	Cassio.

INDEX.

Cassiodorus	III	IMPERATORES
Ebrulphus	108.	REGES, PRIN-
Ioannes Damascenus		CIPES.
119.		Carolus Magnus, Rex,
Ioannes de Florentiâ		& Imperator 131.
157.		Kanutus Rex 143.
Iuo	170.	Elzearius Comes 175.
Bonifacius Ferrarius		ALII LAICI.
180.		Vetius Epagathus 24.
Ioannes Capistranus		Primarius 46.
184.		Seuerinus Boëtius 98.
Iacoponus	188.	Symmachus 103.
		Thomas Morus 192.

K

IN-



I N D E X,

Quo varia Functiones horum SS. Iurisperitorum, per Classes indicantur.

LEGISLATORES. Thomas Cantuariensis

Moyſes	Pag. 1.	152.	
Gregorius Magnus		Iuo	170.
	115.	Bonifacius Ferrarius	
Carolus Magnus	131.		180.
Kanutus	143.	Thomas Morus	192.
Paulus IV.	197.	Paulus IV.	197.

IUDICES.

ADVOCATI.

Moyſes	1.	Cyprianus	27.
Aaron	5.	Theophilus	38.
Iob	8.	Philogonius	43.
Daniel	12.	Ambroſius	62.
Hierotheus	16.	Aper	71.
Dionyſius Arcopagita		Ioannes Chryſoſtomus	
	20.		74.
Primarius	46.	Hieronymus	78.
Ambroſius	62.	Auguſtinus	83.
Aper	71.	Germanus	86.
Seuerinus Boëtius	98.	Sidonius Apollinaris	91.
Symmachus	103.	Seuerinus Boëtius	98.
Caffiodorus	111.	Symmachus	103.
Gregor. Magnus	115.	Caffiodorus	111.
Hubertus	124.	Godegrandus	128.
Carolus Magnus	131.	Ebrulphus	108.
Kanutus	143.	Iuo	170.

Elzea-

INDEX.


Elzearius	175.	IVRISPÉRITI,
Iacoponus	188.	generatim.
Thomas Morus	192.	

NOTARI I.

Genesius	35.	<i>Tales reliqui omnes,</i>
Notar. Anonymus	162.	<i>quos certis functionibus non comprehendimus.</i>

K 2

KALEN-



KALENDARIVM,

Quo menses & dies indicantur,
quibus singuli hi Sancti
cælum petie-
runt.

IANVARIVS.

Die 7.	<i>Kanutus.</i>	143.
27.	<i>Ioannes Chrysostomus.</i>	74.
28.	<i>Carolus Magnus.</i>	131.
29.	<i>Sulpitius Seuerus.</i>	67.

FEBRVARIVS.

Die 6.	<i>Theophilus.</i>	38.
--------	--------------------	-----

MARTIVS.

Die 6.	<i>Godegrandus.</i>	128.
12.	<i>Gregorius Magnus.</i>	115.

APRILIS.

Die 1.	<i>Hugo.</i>	148.
3.	<i>Richardus.</i>	166.
21.	<i>VVolbedo.</i>	135.

MAIVS

KALENDARIVM.

MAIVS.

Die	2.	<i>Athanasius.</i>	50.
	6.	<i>Ioannes Damascenus.</i>	119.
	9.	<i>Gregorius Nazian.</i>	59.
	10.	<i>Iob.</i>	8.
	19.	<i>Iuo.</i>	170.

IVNIVS.

Die	2.	<i>Vetius Epagathus.</i>	24.
	14.	<i>Basilius.</i>	54.
	23.	<i>Lietbertus.</i>	139.

IVLIVS.

Die	1.	<i>Aaron.</i>	5.
	6.	<i>Thomas Morus.</i>	192.
	21.	<i>Daniel.</i>	12.
	31.	<i>Germanus.</i>	86.

AVGVSTVS.

Die	18.	<i>Paulus IV.</i>	197.
	25.	<i>Genesius.</i>	35.
	28.	<i>Augustinus.</i>	83.

SEPTEMBER.

Die	4.	<i>Moyfes.</i>	1.
	14.	<i>Cyprianus.</i>	27.
			27.

KALENDARIVM.

27. *Elzearius.* 175.

30. *Hieronymus.* 78.

OCTOBER.

Die 4. *Hierotheus.* 16.

9. *Dionysius Areopag.* 20.

NOVEMBER.

Die 3. { *Hubertus.* 124.
 { *Carolus Borromæus.* 203.

17. *Gregorius Thaumaturgus.* 31.

DECEMBER.

Die 7. *Ambrosius.* 62.

20. *Philogonius.* 43.

25. *Iacoponus.* 188.

28. *Franciscus Salesius.* 207.

29. { *Ebrulphus.* 108.
 { *Thomas Cantuariensis.* 152.

FINIS.

L I C E N T I A R. P.
P R O V I N C I A L I S.

E Go infra scriptus, Societatis I E S V in Gallo-belgica Prouincialis, facultatem concedo, vt Elogia quinquaginta Sanctorum Iurisperitorum à R. P. I O A N N E R O B E R T I eiusdē Societatis composita typis mandentur. In cuius rei fidem has manu propriâ subscriptas, & officij nostri Sigillo munitas dedi Tornaci 19. Februarij 1632.

I O A N N E S L O B B E T I V S.







